


* 28. K 101.


MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

*28.K.101







1677
NICOLAI MACHIAVELLI
P R I N C E P S

ALIQUAE NONnulla

ex Italico Latine nunc demum par-
tim versa, partim infinitis locis sensus me-
lioris ergo castigata;

CYRANTE

HERMANNO CONRINGIO.



HELMESTADII

Typis atque impensis HENNINGI MULLERI,
Academiae Iuliae Typographi

CID 15 CLX. Digitized by Google

Cum privilegio auctoritatis Vices-regis

Summa Privilegiorum.

*Contum est Privilegiū Serenissimorum Potentissimarumq; S. R. I.
Vicariorum, ne quis unquam librorū Hermannī Conringii cura scri-
ptos vel editos, citra ejus heredumq; consensum, intra limites Vica-
riarum, imprimat aut alibi impressos divendat: pena delinquenti-
bus dicta amissionis omnium ejusmodi librorum & solutionis decem
marcarum auri. Prorsus latius definitur ipsis Privilegiarum ta-
bulis.*


VIRI GENEROSO
GEBHARDO AB AL-
VENSLEVEN

Hæreditario domino in Niengater-
sleven &c.

Serenissimi & Reverendissimi Principis Administratoris
Archiepiscopatus Magdeburgici Consiliariorum arca-
norum primario & Capitanco in
Stebischenslein/ &c.

HERMANNVS CONRINGIVS.

S. P. D.

 Dfero tibi, Generose Alvenslevi, Ma-
chiavellici Principis Latinam versionē,
veterem illam quidem atque à Sylve-
stro Telio Fulginate olim confectam,
ita tamen à me nunc castigatam mutatamque,
ut nova haud immerito fortassis haberi possit.
Vertit nimirum ille Telius non ineleganter qui-
dem si dictionem spectes, sed parum fideliter: ut
sepe numero sensum vel nullum vel plane alium
à Machiavelli mente, lectoribus exhibuerit, quæ-
dam nec attigerit, consilio incertum an negligencia.
Est vero in boni interpretis officio non
tam elegantiam sectari, quam præstare fidem; quæ
nobis proinde maxime fuit curæ, spreto nonni-
hil dictionis ornatu, ut quem ipsemet quoque

4
Machiavellus videtur insuper habuisse ; sive de industria sive quod accurate scribendi docendique artis fuerit imperitus. Una cum Principe autem adfero etiam historiam cum fractæ nobilis cujusdam in Cæsarem Borgiam , famosum istum Alexandri Sexti Papæ filium , conspirationis , tum vitæ Castrucci Castracani celeberrimi sua tempestate Lucensium Principis : utramque itidem à Nicolao Machiavello conscriptam , & quidem , ceu videtur , in exemplum quod Principes industrij prudentesque imitentur , eoque in Italica Machiavelli operum omnium editione jam tum Principi adjunctam. Et conjurationis quidem illius historia me curante nunc demum (quod equidem sciam) Latine prœdit : in altera ut minus laborarem jam effecerat sua fide ac diligentia ipsemet interpretes , quisquis tandem ille fuerit. Atque ego quidem isthæc nunc offero , ut cum aliud ad manum haud sit , saltem hoc exstet in publico meæ erga te observantiæ , quam prolixè exhibita nuper benevolentia provocasti , certum monumentum ; tantisper donec quid melius atque utroque nostrum dignius aptiusque dare licuerit ; me scilicet (ut incerta sunt vitæ omnia) fatalis aliqua calamitas grati animi officia , quæ in celeritate

rate habent suum pondus, vel nimis diu remoretur vel prorsus intercipiat. Nec ego dubito, te quoque meum hunc animum agniturum, probaturumque hoc consilium; atque adeo voti me futurum compotem.

Ne quid tamen dissimulem, vereor haud parum, ne hæc, & mea oblatio, & tua prompta acceptatio, quasi spectante hoc universo orbe neutrius cum rubore facta, aliquam famæ atque existimationi nostræ maculam aspergat. Apud quam multos nimirum ipsum Machiavelli nomen sine execratione non auditur: qui proinde haud ferent æquo animo, scriptorum ejus aliquid (quanto minus Principem, ceu omnium deterrimum) vel in arcano à quoquam legi: multo magis indignaturi, in vulgus isthæc nunc publicari, & quidem ceu in amicitia pignus ultro citroq; dari accipique. Quod judicium eo videtur gravius reddi, quia nihil non Machiavelli scriptorum auctoritate ipsorummet Romanorum Pontificum est proscriptum, & legi haberique sancte vetitum.

Verum enimvero hæc quidem tanti non sunt, quare facti nos poeniteat. Romana utiq; censura

Non semper rectum videt, est ubi peccet;

ne dicamus, quod illa sæpenumero vexet co-

umbas corvis dans veniam. Illud utique constat, si quæ Pontificum est infallibilis judicandi facultas illam omnibus esse communem; nec ergo fas aliis fuerit, Papæ unius judicium alterius sacris calculis anteferre. At vero fuit Nicolaus Machiavellus Cæsari Borgiæ quondam peracceptus, ac proinde non improbatus sane Alexandro VI. Ipse liber de Principe anno circiter antegressi seculi decimo quinto consecratus est Laurentio Medici: quem Petro fratre natum Leo X Papa Urbini Ducem paulo post creavit: nec tamen à Papa isthoc vel liber ullo fuit sinistro verbo notatus, (quamvis Leo omnium primus intenderit vim librorum prohibitoriam, vetitis legi dissidentium scriptis omnibus sub excommunicationis poena, quod hactenus carebat exemplo) vel auctor pristino gratiæ loco motus. Valuit autem in tantum apud Leonem, ut hujus jussu arcanam dissertationem concinnaverit de reformatione reipublicæ Florentinæ, quam manuscriptam in Bibliotheca Gaddiana superesse testatur Jacobus Gaddus. Usque adeo porro Machiavellus non displicuit Clementi VII Papæ; ut hic non dubitaverit scribendæ Historiæ Florentinæ munus illi committere, & oblatam sibi istam Historiam

Non tantum serena fronte acceptare sed etiam favore prosequi: imo vero ut Antonio Bladio Romano typographo Machiavelli jam mortui opera, & nominatim quidem etiam hunc de Principe librum, Romæ edituro, ad decennium publicis tabulis de indemnitate caverit, idque inter alia, *in virtute*, ut verba diserta habent, *sancta obedientia & sub excommunicationis lata sententia poena.* Pari mansuetudine erga Machiavelli scripta fuerunt Paulus III Julius III Marcellus II & Paulus IV. Interea vero passim per Italiam Siciliam alibique terrarum, ubi Romanorum Pontificum in cultu & veneratione est auctoritas, sua lingua Machiavelli scripta impune crebro edita, nusquam non fuerunt in manibus. Versa quin etiam fuerunt illis ipsis in locis à non uno in Latinam linguam (ne quid nunc dicam de aliis versionibus) atque adeo omnium doctorum lectioni tantum non obtrusa. Quin imo vero princeps Clemens IX tandem severius in Machiavellum videtur animadvertisse: quum Sixto adhuc V sedente, Venetiis, Panormi, atq; alibi Machiavellica sine discrimine omnia typis sint in vulgus publicata. Et vero jam tum quidem anno seculi illius quinquagesimo secundo Ambrosius Catharinus in

Disputationibus, de libris à Christiano detestandis & ex Christianismo penitus removendis, Romæ editis, secundo mox capite Machiavelli Discursus Principisque institutionem damnaverat; verum surdis auribus fuerat auditus; forte quod nec ipse omnibus sese suaque probaret, & nimis acri Thomæ de Vio Cajetani aliorumque nonnullorum censura, fidem sibi detraxisset. Clementis IIX ætate, detonantibus in Machiavellum, alibi aliis, Romæ autem Antonio Possevino magni nominis Jesuita & Thoma Bozio Congregationis oratorij presbytero celebri, Machiavellica denique omnia proscripta sunt.

Quanquam nihil esset causæ, cur Possevini quidem damnationi multum adeo tribueretur; cum luculente appareat, illi quidem (si diis placet) magno censori, Principem Machiavelli, in quē potissimum invehitur, ne quidem fuisse lectum. Conscripsit videlicet ille suum aliquod Judicium, ut vocavit, de quatuor scriptoribus, Philippo LaNua, Joanne Bodino, Philippo Mornæo & Nicolao Machiavello, jussu Innocentii IX Papæ, & ab hujus obitu, (qui post duorum mensium sessionem ad plures abierat) Romæ anno 1592 divulgavit, ejus quoque parte Bibliothecæ suæ Selectæ, quam appellavit,

inferuit. In eo vero ita disscribitur, quasi à Machiavello tres de Principe libri compositi sint. Hinc statim initio, ubi de Machiavello agit, aliquot ejus sententiis enumeratis, *Et hac quidem*, inquit ille, *sceleratum illud Satanae organum prioribus duobus libris, quibus de Principe agit, insipienti mundo obtrusit.* Non multo post cum diceret: *redeo ad easdem labeſ Machiavelli, ut cognita pestis magis caveatur*, in margine libri notat *Librum tertium*: quasi libro tertio Machiavellus doceat, *belli justitiam in ea quam sibi quisque putat esse necessitatem*, collocari. At vero certo est certius, non nisi unicum & quidem exiguum illum, quem nunc manibus gestas, Generose Alvenslevi, libellū de Principe, Machiavello auctore esse conscriptum; & nusquam terrarum illum tres in partes fuisse sectum; nec in hoc libello reperiri ea quæ inter alia criminatur Possevinus, religionem Ethnicam Christianæ præferendam, aut doctores Christianæ religionis nihili faciendos: ut nec quidquam hoc libro (quod itidem Possevinus conqueritur) inclementius dicitur in Romanam Ecclesiam, sed potius illud capite xi: ipsum Principatum Pontificium non humanis consiliis atque artibus, sed quadam inusitata vi, & quidem solius

Dei favore, saluum esse, quod vix quisquam zelotici gregis affirmaverit. Nec tamen longe petenda aut hariolanda venit causa crassius illius Posseviniani erroris, modo quis inspexerit volumen illud, quod Antimachiavelli titulo, *anonimus* opposuit hinc inde ex variis libris Machiavellicis excerptis sententiis Innocentius Gentilletus. Hoc enim tres in libros est distinctum; & in ejus duobus prioribus reprehensa sunt illa, quæ duobus prioribus de Principe libris haberi Possevinus ridicule affirmat: in tertio etiam illorum librorum animadvertitur in ea, quæ ex tertio libro de Principe frustra repetit Machiavellus. Ut liquido appareat, ex illo volumine Antimachiavellico non autem ex Machiavello ipso Possevinum sua accepisse. Etiam illum vero librum oscitanter à Possevino esse lectum, argumento est, quod cum non collectæ ex solo Principe sint à Gentilletto sententiæ istæ, sed ex illis etiam Machiavelli monumentis, quibus res Florentinas ille persecutus est & Livij primam decadem illustravit, Possevinus tamen in uno Principe eas omnes reperiri, ausus sit jactitare. Est quidē vix credibilis hæc oscitantia & vanitas, hominis multi in re literaria nominis: ne quis tamen dubitet,

curavi ipsum illud de Machiavello Possevinum iudicium, ex ipsamet Romana ejus editione expressum, Machiavellicis opusculis hic subjungi. Quamquam mihi illud observanti in Possevino, nihil præter solitum evenierit; ut qui fœda hominis, quantumvis doctrinæ variæ & ingenij magni, plagia, quorum & à Jacobo Gaddo Florentino fuit accusatus, ac superba quidem & præfidentia, iniqua tamen, deque rebus & viris sibi ignotis improba iudicia, jam tum crebro deprehendissem.

Quum nihili vero sit Machiavelli Posseviniana damnatio, vel hinc etiam merito quis ipsorummet Pontificum Romanorum proscriptionem parum æstimaverit: utpote quum hæc à Possevino demum censura sit provocata, & ab illo præjudicio primum cœperit: longe mitius Machiavellica habentibus quotquot Clementem Octavum præcesserunt. Præcesserunt vero ab Alexandro usque sexto Papæ integri septendecim; à Clemente autem illo, primo Machiavellicorum damnatore, usque hætenus non nisi septem Romanam cathedram tenuerunt: ac proinde & numerus damnantium Pontificum longe est minor numero eorum qui haud improbavere. Nec tamen vel id certo affirmaveris, illos septem seriò Ma-

chiavellica damnaſſe. Quod enim in Expurgato-
 rium indicem ſemel relatū eſt, illud hinc eximere
 ſæpe ſola ratio ſtatus Pontificii non patitur: eoq;
 non præbet Index perpetui Pontificum conſenſus
 firmum argumentum. Quid? quod regimen civile
 plærorumq; Pontificum ſi penitus inſpicias, haud
 difficulter liqueat, illud reapse vix aliqua in re, eti-
 am ab illis cæteroquin inviſis Principatus ſtruen-
 di tuendique regulis, diſſentire; imo ad illas quaſi
 ſanctè componi. Alexandri ſane ſexti, qui utique
 perfidia fuit plus quam Punica, auſpiciis, conſili-
 is, & auctoritate geſſit omnia Cæſar Borgia; is
 quem in exemplum gnavi prudentiſque Principis
 ex ſui ævi hominibus unice Machiavellus com-
 mendat. Leoni X non alia probata, vel hinc colli-
 gere fuerit, quod Octavianus Fregoſius Genuen-
 ſium dux, cum contra datam Pontifici fidem
 Franciſ ſeſe junxiſſet, copioſa ad Leonem exa-
 rata epiſtola, non dubitaverit affirmare: *ſi ad pri-
 vatos homines vel ad Principem, qui privatis ratio-
 nibus regnorum res metiretur, ſcriberet, difficilius ſibi
 fore perfidiæ notam diluere: ſed quum ad omnium e-
 jus ætatis Principem ſapientiſſimum, quiſque pro ſua
 ſapientia, ipſum ſuum ſtatum alia ratione conſervare
 non potuiſſe perſpiceret, literas daret; apud eum, quæ*

*quidliceret, vel saltem quid Principes non modo cum
ad eum statum sunt redacti, verum etiam imperii au-
gendi, vel in meliorem statum redigendi gratia, facere
consueverint, optime cognosceret sciretque, se excu-
sare supervacaneum esse. Quod posteritati prodidit
Guicciardinus. Aliorum Pontificum exquisite
Machiavellicos, ut nunc appellantur, actus o-
mnes recitare, infiniti fuerit laboris opus. Nec
arbitror illos temere cuiquam gestarum rerum
gnaro esse ignotos: coque ne tangam quidem.
Hinc vero haud injuria fortassis in eam quis de-
veniat sententiam, non serio ab ipsis Pontifici-
bus Machiavellica improbatas; ac proinde nec cen-
suram illam Romanam ita religiose metuendam
esse, quam multis ex vulgo est persuasum.*

*Si in alios porro Machiavelli damnatores accu-
rati inquiramus, non est etiam fortassis, quod eo-
rum vel magnus numerus vel auctoritas usque adeo
quem statim in consensum abripiat. Certe res i-
psa loquitur, eorum maximam copiam damnare
ne lecta sibi quidem; haud paucos, judicij inopia
prodita, jam decoxisse existimationem; complu-
res denique non nisi in speciem, & ut fucum vul-
go faciant, Machiavellica detestari: eorum igitur
Machiavelli damnatorum, quibus jure debeas*

multum tribuere, numerum postremo per esse
 exiguum. Et vero vel illud quod memoravimus
 Possevini facinus luculente ostendit, non deesse e-
 tiam eximiae dignitatis atque existimationis viros,
 qui scripto publico ne inspectum quidem Machi-
 avelli Principem sævo calculo abjecerint. At ve-
 ro equidem haud formido, quovis pignore non
 certare sed evincere, damnantium illorum plu-
 rimos alios, ad Possevini illud exemplum, de Machi-
 avello non lecto sibi, imo vix eminus viso, alio-
 rum duntaxat cæco præjudicio instructos, secure
 pronunciare. Saltim horum igitur voculæ non
 magis curandæ fuerint, Generose Vir, quam
 illæ quorundam Pontificum: nisi ad insani vulgi
 arbitrium omnia componenda quis existimet:
 quod à norma prudentiæ multum est remotum.

Vereor autem ne hujus ordinis, h. e. illo-
 rum qui tanquam cæci de coloribus judicant, sint
 & illi, qui Machiavelli scriptorum quicquid est
 reliquum, tanquam pestifera doctrina nulla infe-
 ctum, non dubitant commendare, solum vero
 Principem atro carbone notant, atque ex cœtu eo-
 rum quibus virtus cordi est proscribunt. Nec e-
 nim est verosimile, temere quenquam eam in sen-
 tentiam posse devenire, cui Machiavellica omnia

lecta sunt, certe cui sunt expensa. Quam multa enim in Discursibus qui appellantur occurrant, ejusdem cum iis, propter quæ male adeo Princeps audit, notæ, vel is liber docuerit qui Antimachiavellus inscribitur. Ego sane profiteri non dubito, nihil in Principe reperiri & *πονηρὸν νόημα* quod non item Discursus illi plena, ut ita dicam, manu exhibeant. Si vero & illi censores Machiavellici non possunt non saltim suspecti esse, tanquam præjudiciis aliorum capti, aut in vulgi gratiam, ea quæ non legerant condemnaverint; patet iterum, Generose Alvenslevi, quantus damnantium numerus, altero hoc censu instituto, ex idoneorum judicum subselliis ejiciendus sit; quamve adeo angusta fiat classis, tot rejectis, eorum quorum de Machiavello sententiæ quanti-vis merito pretii videantur.

Vide porro pluresq; Machiavello oppositos libellos atq; expende censuras; mirum sane in modum vel imperitia eorum vel iniquitas statim sese offert. Quam iniquum enim illud est Innocentij Gentilleti, viri cæteroquin multo doctissimi (is enim non injuria creditur auctor Antimachiavelli) de Machiavello assertum, *judicij naturalis firmi & solidi ne unciam quidem ej fuisse!* Longe profecto

rectius & magis candide Iustus Lipsius Machiavel-
lo tribuit, *ingenium acre, subtile, igneum*. Id quod
usque est adeo clarum, ut ipsemet Possevinus ul-
tro fateatur, *non de fuisse illi ingenium & acumen*.
Quam iniquum illud ejusdem Gentilleti: *Machi-
avellum historiarum nullam vel perexiguam notitiam
habuisse!* Longe utique aliud scripta loquuntur
ejus omnia. Quin imo clamant illa, lectam à Ma-
chiavello historiam fere omnis etiam veteris ævi,
& lectam non ad voluptatem, nec in usum Gram-
maticum ceu sit plerumque, sed cum insigni
civilis prudentiæ fructu, atque adeo lectam acri
judicio politico adhibito: quod à paucissimis
fieri vel solet vel potest. Quæ sententia fuit eti-
am Alberici Gentilis viri perquam docti; qui pro-
inde haud dubitavit scribere: in Machiavello id
laudandum, *quod in lectione historiarum non gram-
matizet sed philosophetur*. Quam iniquum postremo
& illud Gentilleti: *Machiavellum fuisse tenuissi-
mi municipij ac pagi scribam, nec ullum rerum usum
assequi potuisse, quique nihil ferme sua ætate, nisi forte
aliquas civitatum & minorum Italia Principum
rixas, ac Florentinorum quorundam civium consilia
ac factiones viderit!* Utique enim constat, Machia-
vellum à secretissimis consiliis fuisse nobilissimæ
& per

& per Italiam tum potentissimæ Florentinæ reipublicæ, atque ad illius res maximas admotum : inque Machiavelli ætatem horribiles universæ Italia conversiones incidisse. Hæc cum summe sint iniqua, non desunt tamen qui iis applaudant. Quis vero prudentior illorum judiciis steterit, quos usque adeo odium & animi intemperies egit in transversum?

Æquè conspicua autem est complurium damnantium aliorum ruditas. Enimvero ut ad Possevinum ipsum redeam, non equidem derogabo quidquam ejus commeritæ laudi, (fuit enim multiplex, fateor, doctrina imbutus) at vero quam ille rudis sit civilium scriptorum censor, vel quivis intelliget, cui non grave fuerit, saltem limis oculis inspicere ejus quod jam ante notavimus Iudicium. Manifestè sane ibi prodit, nihil perinde in Machiavelli placitis sibi displicere, quam quod ille suaserit Principi, *ut de Romana Catholica Ecclesia pessime sentiat*. Tantum vero abest à Machiavello id aperte quidem ac diserte suatum esse, ut ex adverso ille capite r Principis affirmet, Principatum Pontificium sola admirabili divina vi fervari ac sustentari: ceu jam ante admonuimus. Vtque alibi ille doceat plurimum damni Italiam à

Romano illo Pontificatu accepisse : hoc tamen longe diversum est ab eo, cuius illum Possevinus infimulat. At vero non injuriam duntaxat isthac calumnia Machiavello Iesuita facit, sed totus in eo fere occupatur, ut persuadeat Principibus contrariam plane, multoque maxime absurdam & à verisimilitudine alienam sententiam : nempe eo feliciores esse Principum res, quo illi addictius Romanam Ecclesiam atque adeo Papam venerantur. Huc enim spectat illa divinitus conferendæ temporalis felicitatis promissio, facta scilicet illis qui Ecclesiam defendunt : utpote quum Ecclesiæ nomine ipsi potissimum veniat Romanus Papeus. Quasi vero non longe plures Cæsares, Reges, Principes, alieni à vero Dei cultu & Ecclesia, hisce in terris fortunati vixerint, quam illi pauci Christiani, quos ille commemorat. Imo vero, quasi non quidam etiam persecutorum Ecclesiæ veterum superaverint, vel saltem æquaverint, felicitatem ipsius Constantini Magni. De Trajano sane id negaverit nemo vitæ & rerum ejus haud imperitus. Sed & prisce utique & aureæ Ecclesiæ temporibus nunquam audita fuit illa politica doctrina : quod felicitas Principum à Romanæ Ecclesiæ Pontificumque cultu sit suspensa. Recenti-

or illa est & Romæ primum nata : quamvis jam
 tum in Leonis III aliorumque seculi octavi & noni
 Paparum epistolis alibi illam annotaverimus.
 Obiit quidem Possevinus ille à Clemente Pontifice
 missus legationem non unam, in Poloniam, in
 Moschoviam, imo in ipsam Succiam ad Ioannem
 Regem, non sine dexteritatis laude; sed cum ubi-
 vis suæ illius novæ πολιτικῆς mala semina spargeret,
 ingentes passim turbas quidem, quæ Regibus & Re-
 gnis exitio fuerunt atque sunt etiamnum, concitavit,
 boni consilii, verò nulla vestigia reliquit.
 Ut proinde etiam hinc sit manifestum, non ea me-
 rito esse autoritate Possevinum, ut ob illius crimi-
 nationes Machiavellus damnari debeat. Nec e-
 nim nunc repetam illud quod paulo ante demon-
 stravi, Machiavelli Principem ne quidem Possevi-
 no fuisse lectum: atque adeo turpiter hominem
 ipsimet Innocentio Papæ sententiam ejus roganti
 imposuisse. Ut nec quicquam addam, quod Pos-
 sevinus Machiavellica pauca duntaxat, ad mora-
 lem potius aut sacram philosophiam pertinentia,
 perstrinxerit, iis quæ vere πολιτικὰ sunt, nec fe-
 renda tamen, plane neglectis, quod itidem ta-
 men indicat πολιτικὴν ἀκρίβειαν.

Produnt vero similem ἀκρίβειαν præter hunc
 Posse-

Possivinum multo plurimi alii. Vix quenquam
 sane reperias Machiavelli damnatorum, qui alio
 illum nomine rejiciendum censeat, quam quod
 de religionis Christianæ sacris placitis deque vir-
 tutis & honestatis rigido cultu imptobe sentiat
 doceatq; quasi cætera illius bene sese habeant, nec
 vituperium mereantur. Et vero non desunt illos
 inter, qui observantes à nonnullis committi ho-
 die in republica quæ à justis regula haud parum de-
 clinant, passimque terrarum jus & rectum ex usu
 regentium suspendi nunc atque æstimari, illam
 improbitatem soli nostro seculo imputant, &
 quidem quasi ita edoctum sit ab unico vel saltem
 primo nequitiae magistro Machiavello. Quam in
 sententiam videre cum primis est de Machiavello
 conquerentes Gallicanos scriptores aliquot; quod
 nimirum ex hujus disciplina profecti, contra an-
 tiqua Francici regni instituta & contra pacta con-
 venta, intenderint dominatum, populo in servi-
 tutem redacto. At vero, me quoque fatente, illa
 quidem Machiavelli accusatio justa est, quod sa-
 crorum nostrorum obtrektor ille fuerit: passim
 enim ille denudat hunc suum animum impium,
 quantumvis nonnunquam simul et aliud; aut
 vero coactus sanctimonia religionis nostræ, quæ
 ipsi

ipsi impietati oculos perstringit & dat illam in ruborem, alia docuerit. Imo vero & divina circa humanas res providentiæ aliquam quidem, ex sola eventuum civilium observatione natam, perexiguam tamen, cognitionem homini fuisse, nimum quantum est manifestum, vel ex illis quæ vicesimo quinto Principis capite differuntur, ne alia nunc tangam. Et hæctenus profecto nemo pius non hominem illum merito damnaverit. At vero ea tantum propter, scripta illius promiscue omnia hominum manibus excutere, si laudes vel non improbes reliqua, id vero inopis est iudicii magnum argumentum. Omnis nimirum Machiavellica isthæc sacrorum nostrorum obtreptatio intra paucas voculas hic aut alibi sparsas stetit, nec usquam vel conatus aliquis est adhibitus, salutiferam de providentia divina doctrinam speciosa ratiocinatione convellendi. Imo passim ita sese gerit, ut nihil in eo quamvis acerrimus censor desideraverit. Itaque inde quidem notæ nihil temere est metuendum apud quemquam, cui vel paululum est veræ pietatis aut sani iudicii. Eo enim robore, eo pondere firmissimorum argumentorum, religionis nostræ veritas subnixa est, ut nihil sit cur ulla quamvis

speciosas cavillationes metuamus ; tantum abest ut inanēs aliquot vöculas formidemus. Adversus ejusmodi nanias remedium à prohibitoriis Indicibus petere, est diffidere vel religionis nostræ causæ vel pietati integroque hominum judicio, Nec vero illis quidem Machiavellicis quisquam moveri potest, nisi qui vel jam tum deplorata est impietate, vel obtusa adeo mentis acie, ut nec Machiavellicis legendis sit idoneus, Id quod ipsimet illi Papæ videntur judicasse qui diu adeo toleraverunt Machiavelli promiscue omnia: satis gnari simul, temeraria ejusmodi prohibitionē & suspectam reddi pietatem, & incendi desiderium vitiorum. Quid? annon longe plura & speciosiora, pietati & sacris nostris adversa, leguntur inquam multis aliorum scriptis, quæ tamem tolerantur inter manus, etiam eorum qui è vulgo atq; adeo maxime obnoxii deceptionibus sunt? quales lectores plæraq; Machiavellica vix admittunt. Si ab his nihil periculi, multo minus à Machiavellicis istis nugis quamvis impiis est metuendum.

Par ratio vero eorum quoq; est, quibus vim roburq; virtutis ac honesti infringere Machiavellus creditur. Quamvis enim non desint qui nec illud agnoscant, sed excusent Machiavellum, tanquam

quam nihil aliud voluerit docere, quàm illis Principibus, quales semper sunt multi, haud expedire servando Principatui accuratum virtutis studium, sed deflectendum subinde esse ab illa regia via si sua velint salva, cœtera Machiavellum justo pretio virtutem & honestatem æstimare. Quamvis, inquam, nonnulli hunc in modum eludere conentur accusationem Machiavello intentatam: ego tamen ingenue fateor, deprehensam etiam à me in variis Machiavelli scriptis minus rectam illam doctrinam, cujus nomine ille adeo malè audit. Ut enim haud negaverim, sine malis artibus ejusmodi teneri haud posse inique parva imperia, nefas tamen est, illas in promiscuum usum Principibus omnibus, imo omnibus rebus publicis commendare: id quod fecit Machiavellus. At vero & illa doctrina nonnisi hic alibi sparsa est, & quidem verbis paucis, cum passim alibi in virtute laudanda præstetur opera egregia. Legi quoque nonnisi à paucis solet: nec potest probari nisi ab iis qui jam tum improbis artibus gaudent vel assueverunt. Ac proinde nec ab illa magnum aliquod probitatis detrimentum est quod metuamus. In universum scilicet nemo temere ab iis quæ in Machiavelli scriptis impia aut improba re-

periuntur trahetur in consensum, qui non jam tum male imbuto est animo. Illud enim profecto nimis est ineptum, nimiumque arguit humanarum rerum insignem imperitiam, quod jactari à quam multis solet; quasi vel primus vel solus Machiavellus improba illius doctrinae sparserit semina; & tanquam illo demum magistro homines hodie discant, à commodo reipublicae nihil non atque adeo ipsam quoque pietatem & honestatem suspendere, antehac verò salva steterit prisca morum integritas, stareque etiamnum, absque Machiavelli esset scriptis eorumque diligente lectione. Nihil sane imperitius audiri potest de humanae vitae rebus. Utique enim non in illorum duntaxat qui clavum imperii tenent & gubernacula tractant reipublicae, sed & in infimo quolibet hominum ordine, quamplurimos invenias, qui id quod utilitatis fulget specie honesto anteponunt, imo id denique honestum censent quod suis rebus expedire arbitrantur. Saltem hos vero non dixeris magistro Machiavello edoctos. Quis suspiceris igitur, politicos illos viros omnes, idem qui faciunt aut sentiunt, non nisi à Machiavello sic animatos esse? Nec vero huic hominum generi aliter publicum quam cuiquam alteri

alteri privarum & domesticum commodum cordi
 est: ut domui cuius non minus quam civitati sua
 est quam vocant status ratio. At vero quæ hodie
 eadem fuit jam ab antiquo, & pene à mundo con-
 dito, morum perversitas. Laudatores acti tem-
 poris plerumque & sibi fingunt & narrant aliis sua-
 via somnia. Iam ante Machiavellum itaque im-
 probæ ejusmodi sententiæ dudum & notæ fue-
 runt & in rem deductæ. Neve credamus paucis
 forte privatim illas placuisse, aut si publice, popu-
 lis solum ignobilibus; in facili profecto fuerit ex
 ipsa elegante Græcia & ævo antiquo dare *ἡρώδης*.
φῶς, Athenienses, Lacedæmonios, Macedones,
 ut præteream alios minorum gentium. Plerum-
 que erga externos quosque reapse idem probasse i-
 pso met Romanos, nimis quam aperte loquun-
 tur eorum monumenta: quantumvis domi civi-
 um res exquisitis legibus composuerint. Alibi
 terrarum gentes non integrius vixisse, ex historiis
 omnis ævi in comperto est. Non princeps itaque
 Machiavellus terrarum orbem illa improba docu-
 it; non illo magistro qui hodie ita sese gerunt pos-
 sunt gloriari. Vitia cum ipso humani generis cœ-
 perunt primordio: cum vitiis nunquam non visa
 est.

Utilitas justæ prope mater & æqui.

Ut olim ita & hodie talia nullo pene magistro solent disci: suggerente plus satis eorum singulis congenita iniquitate. Vix centesimum profecto hodie reperias qui ex Machiavello illa hauserit vel haurire dignetur. Quamvis igitur scripta illius impune tolteres, nihilo deterior; quamvis manibus excutias, nihilo melior orbis evadet. Gallicorum illa quorundam cum Machiavello expostulatio, quasi ex illius demum scriptis accepta sint herilis apud sese imperii praecepta, vere ridicula est. Vtique enim prima in Galliis dominatus regii fundamenta ipsi Galli prudentiores quique solent Regi suo Ludovico XI adscribere ejusque vasis artibus; qui ut Machiavellum atate multum praecessit, ita sane dominandi artes ab illo edoctus non est. Taceo nunc, quod illa Machiavello laudata, ne ipsis quidem Gallis veteribus, neque cum Gallias domarent Romanis, fuisse ignorata, liquido appareat ex priscis monumentis, & cum primis quidem ex ipsismet C. Caesaris de bello Gallico commentariis. Quid? quod ipsum illud tantopere exagitatum, omnia civilia negotia ad utilitatem publicam seu ad normam exigenda esse, non simpliciter à vero & recto alienum, sed si sano sensu accipias longe verissimum, & ipsis optimis quibus

busque civilis juris auctoribus ultro agnitionem professumque sit. Solam utilitatem sane fontem esse & gentium & civilis juris diserte professi dudum sunt ipsi illi ex quorum scriptis Pandectæ Iustinianæ coaluerunt, imo ipse ille Augustus legum conditor. Hic profecto ipsos tyrones Romanæ jurisprudentiæ voluit discere illud de gentium jure: *Ius gentium omni humano generi commune est, nam V-SV EXISTENTE ET HUMANIS NECESSITIBVS gentes humana jura quadam sibi constituerunt*: illud item de privato: *Privatum jus est quod ad singulorum UTILITATEM spectat*. Aliorum verba idem sonantia adducere non est hujus instituti: estque jam tum hic locus non semel editis libellis à me in publico illustratus. In eo duntaxat Machiavellus merito reprehendendus venit, quod deceptus vulgi pravis sententiis, non probe distinxerit illa quæ vere utilia & quæ non nisi brevi temporis commodo aliquo speciem utilitatis mentiuntur, in futurum noxia: quodque illa quæ injuste sive partis sive parandis imperiis crebrius profunt, nullo discrimine, in universum & omnibus & semper commendat. Quod si sane illa probe fuissent ab homine illo observata, multo maxime pateret accusatorum illius iniquitas. Nec vero quidquam

insolens tum haberet ejus doctrina, utpote quum tyrannicas artes quasq; quamvis pessimas, longe etiam ipso locupletius & accuratius & apertius jam tum olim præclarissimi Prudentiæ civilis magistri quasi in vulgus publicaverint. Fecit utiq; hoc princeps ipse Philosophorum Aristoteles quinto Politicorum libro. Nec obscure præcepta eadem tradidit Xenophon in Hierone & opusculo illo quo Atheniensium suorum rempublicam perstringit, Plato item octavo de republica libro. Nihil sane habet Machiavellus improbæ fraudis, quod non dudum ab illis clara sit in luce collocatum. Ut hinc etiam appareat Machiavellicorum damnatorum imperitia, qui ita vociferantur, quasi primus ille præcepta tyrannidis vulgaverit, hætenus orbi ignota & incomperta. Sed & Tiberii ac Neronis actus omnes ut & Augusti extrema curiose adeo describens Cornelius Tacitus, quid aliud quam vivam quasi imaginem Principum ex Machiavelli schola prodeuntium exhibuit, ne utique tamen à Machiavello edoctus? Quamvis igitur minus recte prudenterque sese gesserit Machiavellus, quam ab illis priscis est factum, non ferendi tamen illi ejus damnatores fuerint, qui usque adeo imperitiam suam produnt, & suaviter sibi

sibi aliisque perstradere conantur, solius Machiavelli proscriptioe satis esse terrarum orbi consultum, & cautum virtuti pietatique. Eo minus profecto audiendi illi sunt, quod iidem Iusti Lipsij Politicum volumen ambabus amplexentur, exosculentur, omnibusque commendent; quem tamen, etsi maiore nonnihil vafricie sit usus, Machiavellica & sapuisse & docuisse, facillimum deprehensu est, si expendere cui animus fuerit, quæ libro ejus quarto capitibus tertio decimo & decimo quarto differuntur. Statim enim utique in ipso initio negat, placere sibi illos, *quibus probatur solum cum virtute directumiter*: & non multò post non admittit quidem, *in iis aliquid turpe esse mixtum*, mox tamen præcipit, *utilia cum honestis miscenda*, modo non omnino abeat ab honesto. Capite sequente fraudum usum probat, & tamen in universum definit fraudem: *argutum consilium à virtute aut legibus devium*. Modum itaque duntaxat in ejusmodi servandum reapse vult Lipsius: quod ipsum & Machiavellus docuit; qui in Dissertationibus ad Livium ingenue fatetur, immitte illas & fraudulentas dominatus rationes non Christianis tantum legibus, sed ipsi humanitati adversari, iisque privatam vitam longe optabiliorem esse.

Docuit vero ita Lipsius, nullo inter juste & inique comparatos Principatus, nullo inter Regna æqua & Tyrannides, facto discrimine: atque adeo non minus crude atque Machiavellus. Aut *appassion diavolice* aut partium studium, igitur aperte ostendunt illi, qui Machiavellum proscribunt & probant Lipsium: atque adeo etiam ita merito suspecti omnibus esse debent, nec admittenda ulla eorum auctoritas.

Non immorabor amplius perstringendæ Machiavelli damnatorum plerorumque inscitia, cum jam tum nimium satis illa clareat. Est autem præter hos quidem & aliud aliquod censorum genus, sed quod æque rejici meretur, idque insignis improbitatis nomine. Sunt scilicet quibus placita Machiavellica & plene cognita & vehementer accepta sunt: qui, sua tamen interesse existimantes, videri in vulgus ab iis alieni, solent publice in hominum coronis illa detestari, nec minus severe, quam fit ab aliis, in Machiavellum animadvertere. Hujus classis esse pragmaticos perquam multos, ostendunt sane complurium, in rebus publicis præcellentium hominum actus, ad Machiavelli regulas exquisitè compositi, nusquam laudato magistro nisi in arcano & inter epoptas. Inter scri-

scriptores quoque nostræ ævi, si accurate observaveris, nonnullos hujus notæ deprehendas. Mihi sane illa larva rectus semper est visus Thomas Campanella, Machiavelli dogmatum scilicet accerrimus pariter reprehensor & fucatus doctor. Non equidem negaverim hac etiam in re haud omnino injuriam fieri Machiavellicæ disciplinæ: quia simulare probitatem cum sis improbus, quod Principibus ille suavit, nequeas, nisi saltim coram vulgo Machiavellum damnes: quod etiam quantum judico, fuit in causa, cur ipse Machiavellus inops & ab illis etiam quos instituebat desertus fuerit. Quoniam tamen nimium manifesta est hominum illorum improbitas, non admitti profecto possunt eos inter, quorum merito auctoritas in judicio æstimanda est. Et vero hi laudatores potius sunt Machiavelli quam damnatores, si larvam detraxeris.

Vt redeamus igitur in viam, Generose Alvenslevi: qui vel improbitate, vel inscitia, vel cœco partium studio non decoxerint existimationem, paucos admodum invenire est Machiavelli damnatores, atque adeo ingens ille numerus qui videbatur, neminem prudentium est quod terreat; cum reapse, computatis iis quorum auctoritas

quantivis debet esse pretii, isthæc copia ad paucos
recidat. Sed & hos paucos fortassis aspernari li-
cet; cum non minor sit multitudo eorum, qui tan-
tum non omnibus civilis prudentiæ scriptoribus
unum Machiavellum longissime anteponunt, id-
que præcul dissimulatione; adeoque hunc præ aliis
omnibus quasi in sinu gestandum arbitrantur.
Specimen laudum ejusmodi exhibet ipsa ultima
hujus voluminis pagina. Verum enimvero nec
horum invidenda præconia apud me in alteram
partem multum valent. Nec vero ego tantum
prudentiæ Machiavelli in libris hætenus observa-
vi. Imo, nisi fallor, in quamplurimis de republi-
ca consiliis, non jam dicam improba, sed plane
vel inepta vel noxia ille suggestit ac suasit. Nec
dubito idem mecum sensuros prudentiores quos-
que, ubi saltim meæ in Principem Politicæ Ani-
madversiones prodierint in lucem. Quæ impe-
randi præcepta utilia Machiavellus docuit, illa
jam dudum ab aliis prodita observavi. Ne qui-
dem illa quæ ad tyrannidem faciunt illi deberi,
aut ab illo plene tradita esse, jam tum ante adfir-
mavi & denuo nunc repeto. Et vero liquido ap-
paret, illos etiam magnos Machiavelli laudato-
res, veteris ævi vel parum vel nihil degustasse; Ari-

telem certe Platonem Xenophontem, vel non inspexisse, vel non nisi obiter & vagante animo. Ut nec propter illa, quæ laude haud indigna habet Machiavellus, scripta ipsius præcipuum aliquem locum in scholis Politicis commercantur; tantum abest, quod digna sint aliis omnibus anteponi, vel præ aliis esse in admiratione.

Quantumvis autem nec deterritus ego sim damnantium numero, nec laudantium opinione in Machiavelli amorem abreptus, imo quamvis & ipse Machiavelli nonnulla execrer nonnulla improbem, non tamen edidi nunc duntaxat hæc quæ vides, Generose Alyenslevi, Machiavellica, sed etiam pene novam versionem adornavi. Ut ingenue autem fatear, quod res est, feci illud non tam sponte quam necessitate quadam coactus. Deprehendi scilicet, impietatis quidem notam Machiavello inustam, relicta tamen illi de reliquo singularis prudentiæ existimatione; ac proinde etiam probos quam multos hac opinione imbutos incaute consiliis illius obsequi. Cum ego itaque longe aliter sentiam, operæ me pretium facturum judicavi, si saltem illius Principem Politicæ censuræ in diatribis Academiæ nostræ submitterem. Principem enim præcipue dignum ani-

madversione duxi; cum quia hic libellus præcepta
 contineat, plæraque Machiavelli alia vel historica
 sint, vel de aliorum gestis judicia, vel ad artem
 militarem pertineant, tum quia Principatus est
 frequentissima hodie reipublicæ forma, atque
 adeo præ aliis mereatur integris & omni parte sa-
 nis præceptis doceri. Imo quoniam à me illa de
 Principatu doctrina cum ex Aristotelis tum ex pro-
 prio ductu jam esset tradita, videreturque solus
 Machiavellus adhuc audiendus. Verum audito-
 ribus nonnisi pauca Machiavellici illius libelli ex-
 empla fuerunt in manibus, & illa sic versa, ut me
 animadversorem haud admitterent, nisi nova pe-
 ne facta interpretatione, certe non nisi correctæ
 interpretis Telii obscuritate: & tamen collatio
 omnino cum censura mea instituenda fuit ab au-
 ditoribus, ut fructum justum caperent sui laboris.
 Sic itaque nata illa est nova Principis editio. Ad-
 junxi autem Principi alia illa; partim quod non-
 nulla Principis Machiavellici illustrent, ceu cum-
 primis facit historia fraudis illius qua Cæsar Borgia
 conjuratos circumvenit; partim quod & ipsa il-
 la operum Machiavelli editor Italus jam conjun-
 xisset. De historia vitæ Castrucci non me fugit
 acerbum Pauli Jovii judicium. Vitam enim Gale-

Reij Mediolanensium Principis, eum dixisset, Ca-
 struccium ad consummati imperatoris existimatio-
 nem, nisi pramatura fata vita cursum praeidissent,
 peruenturum esse credi, hisce verbis claudit: *Quan-*
quam Machiavellus Florentinus improbe corrupta
historiarum fide in eum praeferoce patriam suam hostem
impudentissime jocatus, dum ejus vitam commentitie
lasciueque, contra veritatem, ad risum nausaeque
perscriberet, id unum maligne contenderit, ut Nicolai
Tegrimi Lucensis, sincerissime cuncta de Castruccio
Latine enarrantis, Spectata auctoritas interposito
mendacio apud posteros elevaretur. Similem in mo-
 dum idem Iovius perstringit hoc opusculum in E-
 logio illius Tegrimi. Verum ut dubia alias est Io-
 vii fides, ita vereor ne & haec censura amore in
 Tigrimum & odio in Machiavellum infecta sit.
 Sane iniquo sese in Machiavellum fuisse animo, Io-
 vius nec in Elogiis, ubi de Machiavello agitur,
 dissimulare potuit. Sed parum refert sive accede-
 re Iovio sive ab eo dissentire fuerit visum: ego sanc
 neutrum habeo ullo in discrimine. Satis est quod
 Principis Machiavellici imaginem in Castracano
 liceat contemplari: ne ipso quidem Iovio diffiteri
 auso: *virum fuisse haud dubie antiquis ducibus belli-*
ca virtute comparandum, nisi tyranni nomen ex atro-

eibus factis invidia expositum vel præcellentis virtutis famam facile prævare.

Nulla vero me quamvis ingens necessitas ad hæc edenda coëgisset, nisi jam tum versari in manibus hominum vidissem, aut si spes ulla esset isthæc hinc excuti, vel illis remotis hominum malitiam corrigi & in futurum caveri posse. Enimvero scio equidem, exigere prudentiæ officium, haud ignorare fraudum & impiorum scelerum quidquam, quibus humana vita sursum deorsum vertitur; & proinde nec à prudentiæ doctore ejusmodi, quamvis nefarias artes, posse non produci in publicum: si tamen rarius exerceantur & à paucis intelligi queant, fateor, non temere omnibus promiscue propalanda, & interesse reipublicæ, talia à quam paucissimis teneri. Perinde scilicet atque nemo prudens probaverit, veneficorum arcana portenta produci. Igitur cum mista sint passim Machiavellicis scelerata atque impia præcepta, quædam & aliàs noxia bonis Principatibus, nisi illa jam tum plerisque in civili vita occupatis plus satis nota, & in usu essent frequentissimo, nisi item Machiavelli isthæc scripta in manibus jam tum versarentur, ne quidem illa quæ hinc capi simul potest utilitas tantum apud me

valuisset, ut publicandi laborem sumerem. Sed
 longe aliter res sese habet: & observare est sem-
 per tyrannorum plerosque à literarum usu ali-
 enissimos, nec ex cujusquam scriptis tyranni-
 dis suæ artes edoctos esse. Quod si porro ex
 scripto velit quis tyrannum agere, remoto eti-
 am procul Machiavello, tamen isthuc quæ fa-
 ciunt ex Platone, Xenophonte, Aristotele, Ta-
 cito, aliis, satis omnia didicerit. Non caret
 vero insigni utilitate etiam hæc ita evulgasse:
 ut nempe, si qui simpliciores & scelerum hu-
 manæ vitæ minus gnari, ex sua probitate alio-
 rû ingenia æstimantes, repertifuerint, moniti si-
 bi caveant suæque libertati à tyrannorum dolis
 & occultis fraudibus: sintque adeo ad regu-
 lam ipsiusmet Christi nostri compositi, *simplici-
 es quidem sicut columba prudentes autem serpen-
 tium modo.* Ceu ille in comædia servus, cum
 herilem filium personatum in meretricias ædes
 astu deduxisset, *palmarium* credidit, quod re-
 perisset, *quomodo adolescentulus meretricium in-
 genia & mores posset noscere, mature ut cum co-
 gnorisset, perpetuo oderit: nosse enim omnia hac salu-
 tem esse adolescentulis.* Et vero si nonnullis

credimus, ipsemet Machiavellus periculum veritatis, in id Principem suum sic instituit, ut artibus detectis populari odio in Principes commoto, surgenti passim tyrannidi iret obviam. Alberici Gentilis viri utique præcellentis in eam sententiam hæc sunt l. 3. de Legationib. c. 9. verba: *Machiavellus Democratia laudator & assertor acerrimus; natus, educatus, honoratus in corpore publ. statu: tyrannidis summæ inimicus. Itaque tyranno non favet. Sui propositi non est tyrannum instruere, sed arcanis ejus palam factis ipsum miseris populis nudum & conspicuum exhibere. An enim tales, quales ipse describit, Principes fuisse plurimos ignoramus? Ecce istiusmodi Principibus molestum est, vivere hominis opera & in luce haberi? Hoc fuit viri omnium prudentissimi consilium, ut sub specie Principalis conditionis populos erudiret. Et eam speciem prætexnit, ut spes esset, cur ferretur ab his qui rerum gubernacula tenent, quasi ipsorum educator ac pedagagus. Hæc doctissimus Albericus. Eandem fuisse sententiam alterius Itali, illius, nescio cuius, qui librum Pepli titulo publicavit, liquet ex iis quæ inde excerpta suo operi de Scriptoris inferuit*


seruit Iacobus Gaddus Florentinus. Scripsit Machiavellus (inquit) *De Principe* librum: qui illi ingentem constavit invidiam, ut multi eum male de Deo sensisse, ex ejus praeceptis arguant. Sed juvat commemorare, quid ipse responderit se eo nomine arguentibus. Ideo enim impiis praeceptis à se imbutos Principes affirmavit, ut qui tum Italiam tyrannice vexabant, sua institutione deteriores, eo celerius scelerum subrum poenas penderent. Fore enim ut, cum se penitus vitiis immergissent, statim meritam numinis iram experirentur. Hæc etiam ille. Coeterum serio an non Machiavellus præcepta isthæc dederit, equidem haud disputabo, & parum mea nunc refert scire. Quicquid ejus fuerit, certum id est, ad illam regulam multos Principum res suas componere, atque adeo etiam libertatis tuendæ interesse pravas illas artes non ignorare. Igitur non est, Generose Alvenslevi, quod nos vereamur, ne quis tibi vel mihi dicam scribat, certe ne id faciat vir bonus simul & prudens: sed poteris tu non minus secure oblatum tibi Machiavelli hunc Principem accipere, atque ego illum publicavi. Nec tamen, ceu jam ante dixi, alio illum animo

tibi

tibi præcipue nunc offero, quam quod benevolentia tua exigeret à me festinatum aliquod grati affectus testimonium, aliud vero nunc adeo nihil ad manum mihi esset quo id significarem. Simul sane majus otium fuerit, ostendam graviore aliquo scripto, quanto ego affectu venerer Alvenslevium nomen, postquam generosa isthæ familia in clientelarem me meosque fidem recepit. Sed & ea omnibus pietas tua & prudentia innotuit, is etiam est θεοφιλέστατος Princeps tuus cujus arcana consilia moderaris, ut nec suspicio cui oriri possit, promptam illam Machiavellici libri acceptionem ab improborum dogmatum probatione: omnes vero facile intelligant, totum illud ab eo quo me prosequeris favore, profectum esse. Quem ut perpetuum esse velis, etiam te atque etiam rogo: Deum obsecrans, ut reipubl. bono, nulla non dote felicitatis te quoque & nobilissimam domum tuam instruat bectque. Helmestadij in Acad. Julia cl^o Id^o clx. prid. Kal. April.

BENEVOLO LECTORI

S. P.

 Veniam in hoc libello de Principe caput decimum quintum & viccesimum quintum precipue laborant improba & honestis piisque auribus non ferenda doctrina, ne quid vitii detectorum lectio, etiam antequam prodeant mea Politica in libellum integrum Animadversiones, judicari ex re futuram, quasi in antecessum pramittere pestilentis doctrina, ex illis meis Animadversionibus excerptum, αλεξιφάρμακον. Illo sane munitus, poteris, nisi fallor, quamvis imprudentior lector venena ejusmodi, etiam medios inter reipublica actus, securo animo, & sine virtutis pietatisq; labe, admittere.

ANIMADVERSIONES

AD CAP. XV.

Pag. 62. l. 9. *Qui sane se virum*) Quæ hoc & sequentibus tribus capitibus de studio virtutis differantur, acuerunt in Machiavellum plurimorum linguas & calamos; ita ut nonnulli grandibus voluminibus oppugnandum illum hac in re sibi sumpturint. Quod imprimis fecere Thomas Bozius libris de imperio virtutis, & Petrus Ribadeneira opere de Principe Christiano. Quoniam tamen ipsa illa prolixitate obscurata magis omnia videntur quam perspicua reddita, nec forte à quoquam satis digne atque ex vero quæ huc faciunt tradita sunt; nos paucis positioni-

bus rem omnem proponemus, ut distincte appareat, quid veritati sit consentaneum vel adversum.

Primum ergo fatendum est: non bonis duntaxat sed malis etiam artibus posse imperia atque adeo Principatus comparari. Hoc sane abunde docent omnium temporum monumenta, & jam tum hoc ipso libello ostensum est facinoribus Agathoclis Syracusani, Oliverotti Eirmani, & Caesaris Borgiæ. Fatendum *secundo* est: quædam imperia, sive quosdam Principatus, non aliter quam per scelera aut inhonestas artes parari posse. Vt potest cum itidem usus doceat, multa imperia absque sceleribus fuisset, oriri non potuisse. Nec vero vel Agathoclis vel Oliverotti vel Borgiæ Principatus, (ut horum exemplis tantum utamur,) fuissent nati, si illi homines solam virtutem vel id quod justum est coluissent. De iis solis verum est, quod ille nimis crude de omni regno affirmat in Thyeste Senecæ: *Ubique tantum honesta dominant licent, præcipue regnatur.* Fatendum *tertio*: etiam quæ injusta atque inhonesta sunt posse interdum ad imperiosorum conservationem facere. Id sane est usque adeo manifestum, ut à nemine civilium rerum peritior in dubium vocari soleat. *Quarto* etiam fatendum: imperia inique parata per solas artes bonas teneri non posse: quod nidem experientia notum est. *Quinto*: solis tamen artibus malis nullum imperium, quamvis scelere etiam partum fuerit, servari potest. Agnovit hoc ipse Machiavellus libri hujus *cap. viii*; nec obscurè etiam illo indicavit, dum passim docet, unicuique vel certe principum Principatus præsidium esse amorem populi; dum capite etiam decimo octavo suadet omni Principi, uti det operam, saltem quo appareat vir bonus. At verò non vel amor populi parari, vel quis bonus Princeps videri potest, si perpetuo improbe sese gerat. *Sexto* etidem compertum est usu: imperia quæ per scelera capiunt, aut inhonestis artibus student res suas tueri, raro esse diuturna; atque adeo inhonestas illas artes non perinde in longum imperiis consulere, plerumque autem vel causam vel occasionem ruinæ præbere. Imperia Agathoclis, Olive-

rotti & Cesaris Borgis utique id liquido ostendunt. *Septimo*, quolibet imperia iuste parata, (ne iis quidem exceptis quæ utilitatem dominantium primario spectant,) non indigent ad suæ conservationem inhonestis consiliis. Absurdum sane fuerit, illud quod naturalis juris consensione est acquisitum, sine ejus lesione servari non posse. Ad hoc si imperia omnia nequeant sine crimine excreri, par fuisset, omnem imperiorum administrationem lege divina prohiberi: quod tamen factum non est. Ex adverso in Sacro Codice nonnulli Reges & Magistratus ab exacta virtute commendantur; quod profecto haud fuisset factum si nulli Reges sine scelere imperare possint. Denique observandum est: nonnulla ad omnem reipublicæ administrationem non utilia duntaxat, sed necessaria etiam, esse, quæ tamen in vulgus, imo etiam à nonnullis doctrinæ nomine eminentibus, existimantur ab honesto abire, cum reapse tamen nequaquam sint talia. Habet scilicet in civilibus actibus cum primis locum illud quod *libro tertio de Officiis* præclare docet Cicero: quod scilicet multa videantur honesta quæ honesta non sunt; quod multa quæ videntur honesta temporibus fiant non honesta; quod denique tempore etiam fiat, ut quod plerumque turpe haberi solet inveniatur non esse turpe.

Hisce omnibus probe expensis, non jam amplius difficile fuerit, quæ à Machiavello proximis hisce quatuor capitibus deferuntur accuratè judicare. Et quidem apparet hinc, quod hoc loco dicit Machiavellus, *Principem si salvus esse velit debere etiam non bonum esse*; illud de imperiis iuste partis falsum, de solis autem iniuste partis verum esse. Quod discrimen cum Machiavellus neque hic neque alibi observaverit, non est mirum, turpius illam lapsus esse. Perinde atque etiam illi, qui nullo facto discrimine docent, omnes omnino Principatus solis bonis artibus haberi posse & habendos esse, valde improvide loquuntur.

P. 62. l. 30. *Verum cum nec haberi*) De solis inique partis imperiis hoc ita sese habet, de aliis non item. Pessime igitur

44
Consult Machiavellus (non Morali tantum, sed Civili etiam
Philosophia spectata) Principibus omnibus, id quod solis illis
injustis invaloribus debebat esse proprium.

Pag. 63. l. 8. *Qui virtute creduntur &c.*) Hæc vera quidem
sunt: sed hinc minimè consequitur: etiam illa, quæ ab his abe-
unt apparentibus virtutibus, simul à proprie dictis virtutibus
discedere; aut quæcunque proprie dictis virtutibus consentanea
sunt, illa esse interdum in qualibet republica revera noxia.
Ostendunt vero sequentia tria capita, Machiavellum turpiter
ignorasse, quænam vera sint virtutum officia; & hanc ipsius im-
peritiam videri causam præbuisse improbæ illi doctrinæ Machi-
avellicæ, quæ studium virtutum unicuique Principatui noxi-
um esse docetur.

AD CAP. XXV.

Pag. 101. l. 10. *Ita rerum hujus mundi*) Integrum hoc caput
ostendit, Machiavellum agnovisse, quod res humanæ non so-
lum humana prudentia aut viribus humanis gubernentur, sed
esse præterea aliud quid perquam validum, à quo rerum illa-
rum prosperitas aut infelicitas suspensa sit. Quam ejus senten-
tiam observare est etiam in Dissertationibus ad Livium ac Flo-
rentina Historia clare satis proditam. Pervenit autem ille ad
hanc veri agnitionem, non nisi diligente humanarum rerum
observatione & ingenii acuminè: ut qui revelatæ divinitus do-
ctrinæ impius contemptor fuerit. Hactenus itaque Machiavel-
lus ad veritatem propius accessit, quam factum ab iis, qui nihil
non solis humanis consiliis, prudentibus imprudentibus, at-
tribuunt. Coeterum quidnam illud sit quod præter homines
humana omnia ita moderatur, & quemadmodum fiat isthæc
moderatio, Machiavellum affectum non esse, luculente cum
ex omnibus ejus scriptis aliis, tum ex hoc quoque capite ma-
nifestum est. Etenim mentio hic quidem fit Dei, mox tamen
adjungitur Fortuna; nec in toto hoc capite ullæ amplius Dei
fit memoria, sed solius Fortunæ: quasi ex sententia Machia-
velli

Velli, Fortuna sit illa humanarum rerum valida moderatrix. Ita & alibi passim inconstanter Machiavellus loquitur: ut satis appareat vel dubium illum fuisse, vel credidisse, Deum & Fortunam unum idemque esse. Est autem hæc disquisitio aliena non ab hoc tantum loco, in quo sola illa quæ ad Principatum spectant veniunt in considerationem, sed etiam ab omni doctrina civili. Politicus siquidem aliunde accipere debet naturam atque essentiam arcanæ illius moderatricis causæ, illa autem accepta demum constituere, quemadmodum in republica omnia illi arcanæ causæ convenienter geridebeant. Agitat vero postremum hoc ex parte Machiavellus hoc capite, itidem tamen alieno loco, utpote cum ad solum Principatum istud non pertineat, sed commune sit omnibus rebus publicis.

P. 101. l. 22. *Alteram nostrarum rerum pars*) Alteram illam humanarum rerum moderatricem causam Fortunæ vocabulo à Machiavello perperam appellari, (quanquam ita loqui etiam soleant, non prisca tantum gentiles, verum etiam ex vulgo impiorum complures,) argumento certissimo est: quoniam Fortuna reapse non est causa quædam proprie sic dicta rerum ullarum, sed ejusdem plane naturæ cum casu, prout egregie docet Aristoteles *libro secundo Physic. capite quarto*. Ex adverso autem ipse Machiavellus ita differit de Fortunæ illius operationibus, ut appareat, non tantum veram esse causam, sed etiam causam perquam validam, quippe quæ ipso judice sit flumini montano omnia prosternti similis. Et vero accuratius non nihil res humanas attendentibus haud difficile est observatu, non casu & fortuito ab occulta illa causa, cui hoc loco Machiavellus partem alteram tribuit regimini humanarum rerum, res humanas temperari, sed ceu à quodam certo principio & præpotente multumque majore humanis viribus. Imo vero idem illud intelligendi vim maxima pollere, manifesto elucet cum primis ex iis, quæ

circa magnas rerum publicarum mutationes eveniunt, plane admiranda. Id certe prodigia & variae divinationes, mutationibus istis familiaria, usque adeo palam loquuntur, ut ipsummet Machiavellum isthuc fuisse tractum, appareat ex iis quae disseruit *libro primo dissertatione 36 ad Livium*. Est autem revera nihil aliud causa isthac summa moderatrix, quam id quod nos divinam providentiam appellamus; ceteras alias late & firmis argumentis demonstratur.

P. 101. l. 23. Fortunam sane) Ut circa causae illius arcae rerum humanarum moderatricis naturam graviter aberravit Machiavellus, ita & ipsam regiminis illius divini rationem non perspectam Machiavello fuisse, ex illa quae hic instituitur comparatione est manifestum. Potest autem accuratior ejus cognitio peti ex diligentiore humanarum rerum consideratione, cum primis vero ex historia aliisque libris sacri utriusque Testamenti, qui providentiae divinae regimen omnium locupletissime nos docent. Ceterum & sine eorum adminiculo res humanas cum cura spectantibus, observare est *primo*; interdum quidem à Deo O. M. res humanas quasi violenter agitari, ita tamen ut vis illa humanis artibus nonnunquam mitigetur, & tum demum habere locum illam à Machiavello institutam Fortunae cum praecipiti flumine, quod admittit obices sive aggeres, comparationem. *Secundo*: nonnunquam molliter admodum regi omnia, & humanis consiliis plurimum indulgeri licentiae. *Tertio*: cum interdum vim esse divini regiminis, ut quidquid coneris frustra sis, atque adeo omnia humana consilia sint vana & irrita, inquantum violentiam istam conantur morari aut flectere.

Hae sane omnia etiam prudentioribus populis divina luce haud instructis fuisse saltem magna ex parte cognita. Qui proinde interdum fatalem aliquam necessitatem humanis rebus inesse, interdum vero vim quidem magnam, quae

tamen

tamen flecti possit, agnoverunt. Est autem diversitatis illius causa non alia, quam multiplex ratio amoris & iræ divinæ; quibus scilicet fit, ut modo nihil, modo aliquid sed difficulter, modo plurimum humanis consiliis possit effici. Quod latius tractare non est hujus loci.

P. 105. l. 4. Fortuna namque favina) Perinepte & impie Machiavellus docet rationem temperandi nonnihil impetum divinæ illius causæ, quam ipse falso nomine Fortunam appellat. Nihil sane experientiæ magis adversatur, quam pertinaces ac temerarios actus esse omnium maxime fortunatos. Ex adverso sane, illa quæ circumspicte caute & prudenter geruntur, feliciore plerumque successu excipi, docet rerum usus. Nonnunquam tamen temeritatem esse feliciorum circumspicte cautione, fatemur: sed fieri hoc rarius solet. Est sane ineptissimum dictum, Fortunam esse foeminam, ac proinde fuisse quasi urgendam. Quemadmodum autem Dei benignitas provocari, aut indignatio mitigari, adeoque quomodo felix rerum successus procurari, atque mala averruncari, quam optime possint, si quando se flecti patitur divinum numen, (quod, ceu ante dixi, semper sperare non licet,) longe rectius atque exactius ex sacris codicibus discere est: quibus cum morationum quoque gentium consuetudines fere olim consenserunt. Fieri scilicet hæc, cum strenue agendo, tum supplicibus precibus sanctissimum numen placando. Quæ latius exponere, itidem non fere nostrum hoc institutum,

[The main body of the page contains several paragraphs of text that are extremely faint and illegible due to the quality of the scan. The text appears to be a continuous narrative or report.]

NICOLAI

NICOLAI MACHIAVELLI
PRINCEPS,

Ad Magnificum
LAVRENTIVM PETRI F.
MEDICEM.

RECEIVED 1900
JAN 10 1911

RECEIVED 1900

RECEIVED 1900
JAN 10 1911

I
NICOLAVS MACHIAVELLVS
Magnifico LAURENTIO
PETRI F. MEDICI.



Vicunq³ student gratiam Principis alicujus acquirere, solent illi per frequenter illis eum rebus adire, quæ Principi sunt cariores, aut quibus viderunt maxime eum delectari. Eapropter sane cernere est, Principibus equos, arma, gemmas, similiaque digna illorum auctoritate ornamenta oblata esse. Cum desiderarem itaq³ Magnificentia^æ Tuæ me offerre cum aliquo obsequii mei erga illam testimonio, in mea sane suppellectili inveni nihil, quod mihi quidem sit carius, aut ego faciam maioris, quam notitiam actuum magnorum hominum, longa experientia modernarum, & veterum rerum continua lectione, comparatam. Eam vero magna diligentia diu expensam a me atq³ examinatam, & nunc adeo exiguum in libellum redactam, Tuæ Magnificentia^æ transmitto. Quanquam enim censeam indignam hanc operam conspectu Tuo, firmiter mihi nihilominus persuadeo, humanitati Tuæ acceptam fore, si præsertim consideraverit, majus donum me Tibi offerre hanc posse, quam si potestatem

Tibi faciam, ut brevi temporis spacio percipere illud
 omne possis, quicquid ego tot annos, cumq; tot meis in-
 fortunis & periculis, didici & cognovi. Quem la-
 bore non ornavi aut replevi laciniosis clausulis, aut
 dictione superba, aut alio aliquo lenocinio & orna-
 mento externo, quibus multi solent res suas describere
 atq; exornare; quoniam placet, ut aut nihil illum de-
 coret, aut duntaxat argumenti veritas gravitasque
 acceptum faciat. Nolim vera ambitiosum asti-
 mari, quod homo infima tenuisq; conditionis docere
 ausit & disponere Principum regimen. Quemadmo-
 dum enim regiones delineaturi, ad montium aliorum-
 que editorum locorum naturam considerandam in
 planitie aliqua solent consistere, ut humilia vero &
 depressa cognoscant in montibus sese collocant: ita, quo
 optime cognoscas ingenium populorum, Principem,
 quo Principum cognoscas naturam, popularem esse Te
 oportet. Accipiat igitur Magnificentia Tua exiguum
 hoc munus illo quo ego mitto animo. Quod ipsum si
 Illa diligenter perpenderit legeritq;, compos fiet voti mei, ut
 perveniat nempe ad eam dignitatem quam fortuna & plurima
 dotes Ipsi pollentur. Si vero Magnificentia Tua ex culmine
 Altitudinis suae semel oculos dimiserit in hac loca humilia, per-
 cipiet quam ego indigne magnam & continuam fortune mali-
 gnitatem expertus sim.

3.
NICOLAI MACHIAVELLI
SECRETARII ET CIVIS FLORENTINI
PRINCEPS.

CAPVT I.

Quot sint Principatus formæ, & quibus modis acquirantur.



Væcunque fuit unquam, aut est imperandi ratio, qua homines hominibus dominari consuevere, ea aut *Respublica* aut *Principatus* appellatur.

Principatus, aut sunt hereditarii, quorum maiores ejusdem generis diu principatum tenuerunt: aut non sunt. Hique aut prorsus novi, ut Mediolanensis Francisci Sfortiæ: aut veluti pars hereditariæ ditioni Principis occupantis adjuncta; ut regnum Neapolitanum Hispaniarum Regis. Hi sic quæsi rerum status, assueri sunt vel sub Principe vitam degere, vel immunes sua libertate frui. Acquiruntur vero aut alienis armis, aut proprijs: item vel fortuna, vel virtute.

CAPVT II.

De Principatibus hereditarijs.

OMittam de Rebuspub. dissetere: quia de his alias fufius diximus. Nunc duntaxat orationem ad Principatum convertam, & quæ superius iam orsus eram reuocans, qua ratione Principatus hi gubernari ac retineri possint, disputabo.

In ijs igitur imperijs, quæ hereditario jure obveniunt, quæque iam eidem familiæ parere ante didicerunt, minus difficultatis inesse dico, quam in ijs quæ recenter adepti sumus. Satis est enim, ne Princeps suorum majorum instituta transgrediatur; deinde tempori ad rerum novos casus inserviat. Sic ut, si Princeps hujusmodi communi sit & vulgari solum præditus in agendo industria, semper in Principatu se conservaverit; si hac etiam vulgari careat, & vi summa ex principatu deturbetur, etsi pertinacem habeat invasorem, Principatum tamen recuperet.

Hujus rei nobis in Italia Princeps Ferrariensis exemplo esse potest; qui nullis alijs de causis anno 1484 Venetorum, & 1510 Julij Pontificis aggressionē sustinere potuit, quam quod in eo genere dominatus temporis diuturnitate consenuisset. Hoc evenit, quia qui ipsismet natalibus est Princeps, minus causæ & necessitatis habet, suos ut lædat. Quo fit, ut etiam plus à suis ametur: & hisi extraordinarijs & prævalidis vitijs in odium offensionemque populi incurrat, merito naturali quodam jure à suis diligitur. In ipsa etiam vetustate coherentis & continuati dominatus obruta jacet memoria omnium mutationum, & causæ conversionum. Semper enim quæ præcessit mutatio, latera ædificij projecta aptaque ad alterius ædificationem adnecandam relinquit.

CAPVT III.

De ijs qui mixti dicuntur Principatibus.

Sed in eo qui novus est Principatus difficultates continentur; tunc maxime, si veluti pars adjuncta (ut sic in universum mixtus dici possit) non penitus est novus. Ejus autem vicissitudines & mutationes ex naturali ea primū diffi-

difficultate oriri videntur, quæ in unoquoque novo Principatu cernitur. Spe enim meliora consequendi illecti homines, libenter statum rerum præsentium sui Principis mutatum volunt, eaque opinione adducti arma in eum, qui rerum potitur, capere student. Quæ in re tamen falluntur maxime. Nam re ipsa demum sentiunt in pejora se esse delapsos. Hoc ipsum autem ut fiat, ex alia re quæ item à natura est & vulgata, accidit: quod scilicet novus Princeps, eos ad quorum procreationem est erectus, tum copijs alendis, tum varijs incommodis, & quas nova adoptio secum trahit, infinitis injurijs, semper lædendi, quasi cogatur. Sic sane fit ut etiam eos, quos in occupando imperio prius læseras, insensos habeas, & qui te in illud invexerunt, in amicitia retinere non possis. Etenim quomodo sibi spem animo conceperant, eis sufficere non potes; & quæ acriora fuissent in eos adhibenda remedia, tibi quæ eis es devinctus haudquaquam adhibere permittitur. Quamvis enim in copijs munitissimus sit quis & præpotens, provinciam tamen ut aliquam subeat, ope indiget provincialium & favore,

His de causis Ludovicus Galliarum Rex in Mediolanum subito occupavit & subito amisit; ac Ludovici Sfortiæ privata vires satis superque validæ fuerunt illi eripiendo. Qui enim ut pateret ei ingressus auctores fuerant, iidem (quoniam opinione, & futuri boni, quam animo conceperant, spe frustratos se esse intelligerent) novi Principis molestias ferre non potuerunt.

Illud tamen haud obscurum est: populos jam semel ad defectionem prolapso, ubi iterum sub imperiū fuerint redacti, majori cum difficultate amitti. Princeps enim defectionis occasione arrepta, liberius sui propugnationem
& de-

& defensionem suscipit, pœnas de defectoribus sumens, suspectos prodens, & debiliora loca sibi muniens. Sic, etsi unus Ludovici Sfortiæ Principis autoritas in confinijs armæ strepētis primum satis fuit, ut à Gallo Mediolanense imperium adimeretur; ut tamen deinde iterum auferretur, universo pene orbi fuit in Regem illum conspirandum; & ejus copiæ tum fundendæ, tum ex Italia propulsandæ. Quod sane ijs de causis factum esse constat, quas commemoravimus. Nihilominus semel, atque iterum fuit imperium istud illi ademptum.

Expendimus prioris difficultatis communes causas; nunc reliquum est, ut eas etiam, quæ posterioris sunt, videamus; ac explicemus, quæ remedia & ille habuerit, & si quis nunc in eo statur esset, habere possit, quo melius quam Galliarum rex sese in adepto imperio tueretur.

Ejus generis, inquam, rerum status, qui ad sociantur avito cūpiam alteri, ejus Principis qui hunc est adeptus, vel sunt ejusdem regionis & ejusdem linguæ vel non. Si primum, facile admodum fuerit eos retinere, præsertim si eorum vitæ ratio ad libertatem non fuerit assuetæ. Etenim ut tyro possideantur, satis est, Principis, qui in eos imperium tenuit, stirpem extinxisse. Tunc sane cæteris in rebus, modo avitæ leges non immutentur, & morum diversitas absit, quiete sibi vivunt homines. Vti Burgundos, Armoricos, Aquitanos, & Neustrios, vidimus cum Francia diu confociatos. Etsi enim linguarum inter eos nonnihil discriminis cernitur; facile tamen, moribus & vitæ consuetudine non ab similes, sese in ea re mutuo ferre possunt. Illum sane, qui tales Principatus acquirat, si velit eos retinere, oportet, ut duo observet: primo, ut deleatur veteris eorum Principis sanguis; secundo, ut non mutentur e-

ut eorum leges aut vestigalia: utque ita omnino brevi temporis spatio in unum corpus illi concrecant cum Principis principatu antiquo.

Verum quum imperia comparantur in provincia, quæ lingua moribus institutis discrepat, hic adsunt difficultates, hic labores; hic magna felicitate summaque industria, quo retineantur, opus est. Præcipuum vero & vividius remedium est, ut is qui est adeptus, sua præsentia & domicilio illa fulciat. Id enim & securiorem possessionem & diuturniorem effecerit. Quemadmodum Turca ipse in Græcia faciundum censuit. Qui omnibus legibus ad imperium retinendum servatis, non potuisset tamen illud retinere, nisi eo demigrare, atque ibi habitare statuisset. Præsens enim qui est ea quæ perturbate & confuse sunt cernit, statimque remedium afferre potest. Si quis vero absit, audit quidē, & certior ille fit de malorum magnitudine, at id eo demum tempore, quum omnis remedii facultas penitus est adempta. Nec Principe præsentem ministrorum direptioni unquam exposita erit provincia. Tum quoque sibi satisfactum putant subacti populi, ubi ad præsentis Principis perfugium proximus eis patet accessus. Eo majorē etiam (si boni viri in Principē esse videri velint) amandi occasionem habent: sin minus, timendi. Si quis porro exterorum hujusmodi Principatum cogitarit invadere, id majori periculo tentabit. Fit denique ut, si ibi maneat Princeps, summa cum difficultate eum sit amissurus.

Alterum, quod huic rei affertur ex præsentioribus remedijs, est: ut in unum aut alterum locum ditionis adeptæ, veluti claves, coloniarum mittantur. Necessarium est enim vel hoc fieri, vel multum & equestrium ibi alere & pedestrium copiarum. In colonias non multum impen-

dit Princeps, & nullo aut exiguo sumptu eas deducit & retinet: eos autem duntaxat offendit, à quibus agros aufert & domos, novis colonis assignandas; qui ad totius ditioris rationem minima pars cum censeantur, dispersi etiam & rerum egentes sint dimissi, nocere non possunt. Reliquorum vero omnium, pars quia jacturæ immunis facile conquiescit: pars verita ne quid stulte committat, timet ne idem sibi accidat quod alijs spoliatis.

Quapropter concludo: colonias, quæ nihil impendij secum ferunt, fideiiores esse, minusque lædere: læsos vero sive sedibus suis ejectos, cum sint inopes & vagi, obesse (ut dixi) non posse. Animadvertendum enim est homines aut blanditijs deliniendos esse, aut prorsus extinguendos. Nam qui sunt læsi ulciscuntur leviores injurias, graviores ulcisci nequeunt. Ob id, quæ homini affertur injuria, talis esse debet, quæ vindictam non reformidet.

Sed si coloniarum loco militum copiæ substituantur, majorem in ea re Princeps sumptum faciet, cum in præsidij omnis proventus illius regionis sit absumendus: sic ut partum quod erat dispendio commutetur. Offenduntur præterea multo plures: nam tota provincia exercitu locando læditur. Quò incommodo non expulsi duntaxat sed etiam cæteris omnibus affectis, in omnium etiam odium & offensionem Princeps incurrit; etiam eorū scilicet, qui mala perpeSSI nocendi facultatem (cum domi sint relictī) habent. Omnino iccirco hujusmodi militaria præsidia non æque utilia sunt atque coloniar.

Impotentiorum præterea vicinorum caput & defensorem se constituere Princeps debet, qui hujusmodi provinciam, ut dixi, lingua dissimilem incolit; studereque, ut ij, qui in ea sunt potentiores infirmentur.

Tunc

Tum caveat, ne ulla rerum eventu exterorum quippiam viribus non minus pollens in eam irrepat. Semper enim usu veniet, ut ab ijs, qui nimia ambitione Principi sunt offensi, eo quis adducatur. Quemadmodum Romani in Græciam inducti olim ab Ætolis; & quameunque aliam provinciam sunt ingressi, in eam à provincialibus fuerunt inducti. Natura enim ita comparatum est, ut ubi primum alienigena quis potens provinciam aliquam subit, omnes in ea qui minus potentia valent ei statim sese adjungant, odio quodam nimirum in eum adducti, quem se potentiores hactenus sunt experti. Sic ut ad tenuiores minus sit laborandum, ut eos in suas quis parteis trahat: nam cum parto imperio universi statim libenter & ultro cocunt. Id ei duntaxat cogitandum est, ne quis externus majores capiat vires & autoritatē: sua namq; vi, atque eorum studio facile Principem deprimere potest eā qui potentia valet, ut prorsus arbiter totius provinciæ evadat. Quisquis hanc partem non commodè tractat, quod fuerat adeptus totum perdit: quamdiu vero retinet infinitis difficultatibus ac molestiis laborat.

Romani sane in provinciis subactis probe observant has partes: coloniis deductis, debilioribus servatis; potentia pollentibus dejectis, nulla dignatione autoritate ceteris præpotentibus ibi permitta.

Unico Græciæ exemplo contentus ero. Achæi atque Ætoli fuerunt ab eis servati. Macedonum regnum, dejecto Antiocho, attritum. Nec merita Achæorum vel Ætolorum unquam effecerunt, ut aliqua ipsis imperij fieret accessio. Nec Philippi suasionibus adduci potuerunt, ut eum non dejectum in amicitiam reciperent. Nec Antio-

chi potentia fuerunt industi, ut suo consensu aliquam in ea provincia potestatem haberet.

In his sane occasionibus id Romani egerunt, quod facere debent prudentes omnes Principes, qui non modo presentes lapsus cernunt, sed & futura prospiciunt, illis que omni industria occurrunt. Longe namq; si prævidentur, facile aliquo remedio præcaveri possunt: verum, si donec te propius appetant cuncteris, nulla (morbo incurabili jam facto) opportuna curatione sanantur. Accidit autem in hac re quod in hæctica feбри ajunt medici. Vbi scilicet primum aliquem init, facilem esse curatum sed cognitu difficilem: progressu vero temporis si non percepta sit nec curata, facilem esse cognitu at curatu perdifficilem. Sic in rebus imperij, si in posterum quam longissime prospiciantur (quod non nisi prudenti viro conceditur) quæ in eo oriuntur incommoda, illis expedita patebit curatio: verum ea non intellecta si crescere permittantur donec omnibus perspecta pateant, nullus amplius est illis medendi locus.

Quare Romani in posterum longe prospicientes adversos casus, semper remedia adhibuerunt, nec unquam passi sunt belli virandi causa ea evenire. Sciebant enim ita non submoverti bella, sed potius cum aliorum accessione differri. Propterea sane bellum cum Philippo & Antiocho in Græcia gesserunt, ne quid in Italia cum illis esset agendum. Potuissent sane tunc temporis utrumque vitare; tamen noluerunt. Nec id unquam probatum est illis, quod omnium nostri temporis sapientum ore effertur, *temporis liberalitate fruendum esse*: sed contrarium: quod erat ipsorum propriæ & virtutis & prudentiæ. Tempus enim omnia præ se agit; æque bonum ac malum; & malum æque ac bonum secum ferre potest.

Vc-

Verum redeatoratio unde digressa est ad Galliam; Nunquid ex his, quæ dicta sunt, aliquid præstiterit, examinemus. Ne, quid Carolus & ipse Galliarum Rex egerit, dicam, tantum de Ludovico loquar, cujus consiliorum rationes, cum diuturniorem ille possessionem in Italia retinuerit, melius perspicere potuerunt. Tunc facile quis intelliget, cum quæcunque agenda erant ad retinendum imperium, quod linguæ dissimilitudine discrepabat, neglexisset, diversumque abiisse. Rex Ludovicus fuerat in Italiam inductus ambitione Venetorum, qui eo adventu dimidiam Cisalpinæ Galliæ possessionem sibi sumere voluerunt. Hunc accessum ejusque consilij rationem improbare nolim. Nam cum in Italiam pedem inferendi initium facere vellet, nec in ea provincia ullos haberet amicos, imo ex ratione rerum gestarum Caroli Regis præclusas sibi omnes cerneret vias; quas potuit amicitias coactus est comparare. Et brevi utique ex voto cecidisset consilium, si in reliquarum administratione rerum non errasset. Parva itaque Cisalpina Gallia Rex ille statim eam existimationem & dignitatem recuperavit, quam Carolus sibi detraxerat. Genua cesserat. Florentini in ejus amicitiam venerant. Mantuanus & Ferrariensis princeps, Forilivij domina, Bentivolus item, Faventiarum, Arimini, Pisauri, Camertium, & Trajani portus reguli, Lucenses quoque, Pisani, Senenses, hi omnes obviam ei processerant, in ejus amicitia futuri. Tunc Veneti sui consilij temeritatem facile perspicere potuerunt; qui ut duas in Cisalpina Gallia urbes sibi adjungerent, regem majoris Italiæ partis dominum constituerunt.

Nunc igitur animo quis perpendat, quam potuisset minimo labore suam Rex dignitatem in Italia retinere,

si quas supra posuimus administrandi leges servasset, & quos habebat amicos securos reddidisset defensorque. Hi sane numerosiores & imbecilles cum essent, pertimescentes nonnulli Pontificem alij Venetos, cogeantur perpetuo ab ipso stare; eorumque opera facile ab illis, qui potentiores reliquis erant, poterat Rex securum se reddere. Verum ipse ubi primum Mediolanum venit, his contrarium egit, Alexandro pontifice à se ut Flaminiam occuparet adjuto. Nec animo præfenserat, hoc consilio, sublatiis amicis & ijs qui in illius sinum confugerant, se debilem, Pontifices autem, illa rerum temporalium ad jurisdictionem sacram, (qua tanta eis defertur auctoritas) accessione, maxime potentes futuros. Atque hoc commisso primo errore pergere coactus fuit usque adeo, ut ad finem ponendum ambitioni Alexandri, ne ille totius Etruriæ dominus fieret, in Italiam sibi contendendum fuerit. Nec satis habuit Pontifices potentes reddidisse, atq; amicos ab se alienasse; nisi etiam regnum Neapolitanum à se expetiturum cum Hispaniarum rege partitus esset. Arbiter enim totius Italiæ primò cum esset, socium sibi adhibuit, ut illius provinciæ viri ambitiosi & sibi offensi haberent quo confugerent. Adhæc cum tributarium quempiam regem in eo regno relinquere posset, ipse eum expulit, altero invecito, qui seipsum inde deturbare posset. Res sane è natura est maxime, maximeque pervulgata, velle acquirere: idque homines cum faciunt modo possint datur eis laudi, vel saltem vitio non vertitur. At quum non possunt & in id tamen incumbunt, error est & meretur vituperium. Si Gallia suis viribus Neapolim invadere poterat, id faciendum erat: sin minus, non erat illud regnum dividendum. Si sane Lombard-

bardæ cum Venetis facta distributio, quod per eos in Italiam pedem Rex intulisset, excusationem meruit; hæc divisio quoniam necessitate nulla excusatur, merito culpanda est.

Prolapsus itaque fuit in hos quinque errores Ludovicus: debiliores extinxit, potentioris potentiam in Italia auxit, exterum potentissimum in eam adduxit, colonias non deduxit, isthuc non demigravit ad habitandum. Qui errores poterant eo superstiti non lædere, nisi & sextum peccasset peccatum, à Venetis imperium auferendo. Nam si Pontifices non evexisset, nec Hispanos in Italiam adduxisset, Venetos deprimere necesse fuisset: verum susceptis quæ primum intenderat consilijs, non debuerat ipse in eorum ruinam consentire. Nam quum illi potentes essent facile reliquos omnes à Cisalpinæ Galliæ impetitione avertissent: tum quod Venetorum ad id habuissent (nullo ibi quæsito ab illis imperio) assensum: tum quod reliqui omnes à Gallis eam provinciam non admissent, illis tradituri. Ut autem utrique in eos impetum facerent, non satis habuissent animi. Si quis vero dicat, regem Ludovicum Flaminiam Alexandro, Hispanis vero Regnum Neapolitanum, vitandi belli ergò cessisse, respondebo attentis rationibus supra dictis: non esse quod quis confusa facta permittat evenire quo bellum refugiat: non enim vitatur, sed tuo magno malo differatur. Si qui præterea asserant, Pontifici datam fidem à rege, de ea expeditione in ejus gratiam faciendam, quo suum matrimonium, & Rotomagensis galerus statueretur: respondebo illi se in loco, ubi de Principum fide & illius observatione infra sum tractaturus.

Amisit igitur Cisalpinam Galliam Ludovicus rex, quia

ROM

non observavit quæ prudentiores alij in adjungendis sibi provincijs eisque retinendis egerunt. Nec proinde miraculo hoc factum fuit, sed modo rationi maxime consentaneo maximeq; pervulgato. De hac autem materia colloquutus sum Condivinci sive Nantibus cū Rotomagensi Cardinale, quando Dux Valentinus (hoc enim nominis erat Cæsari Borgiæ Alexandri Pontificis filio) Flaminiam occuparet. Italos enim asserenti Cardinali belli imperitos esse; Gallos, respondi, regnandi rationem non tenere: ea enim ab eis si probe fuisset intellecta, Ecclesiæ Romanæ potentiam ad eam magnitudinem non fuissent evehi. Et sane experientia patuit, & illam, & Hispanorum in Italia potentiam, à Gallia esse profectam: hujusque casum ab illis sic evectis natum esse.

Ex quibus generalis elicitur sententia minime fallax: AVTHOREM ALIENAE POTENTIAE SEIPSVM PERDERE. Et vero eam potentiam aut industria aut vi ipse author protulit; quarum utramque is suspectam habeat, qui aliquo jam processit potentia.

CAPVT IV.

Cur Darij regnum ab Alexandro occupatum, à successoribus post ejus mortem non defecit.

ADmiratione quis duci possit, perspectis difficultatibus quæ adesse solent quo nuper partum imperium retineatur; quâ factum fuerit, ut Alexander Asiam paucos intra annos occupaverit, etsi vix illo occupato diem obierit. Cum nimirum merito videri poterat, totum illud imperium iterum defecturum, tamen ejus successores sibi illud conservarunt, nec ulla alia difficultate ad illud tuendum laborarunt, quam quæ inter ipsos,

ipsosmet, præcipue, ex propria ambitione, orta fuit.

Respondeo autem. Principatus, quorum memoria extat, duplici eaque diversa ratione administratos inveniri. Aut unius Principis arbitrato, cujus gratia & permisso reliqui omnes, qui conditione sunt servi, ad regni procurationem veluti administri opem ferunt. Aut Principis simul & procerum, qui non gratia Domini, sed sanguinis vetustate illum gradum obtinent. Quales proceres ditiones habent, & sibi subiectos proprios populos, qui eos dominos agnoscunt, & quodam naturali erga eos afficiuntur amore. Qui unius Principis ductu servorumque ministerio reguntur Principatus, illis Princeps præst majori cum auctoritate: neminem enim habet in tota sua provincia, qui præter illum superiorem alium agnoscat, & si quis alij paret, id tanquam administro adscriptioque facit, nec huic ullo peculiari amore affectus est.

Horum duorum regna procurandi generum exempla hoc nostro tempore præbent Turcæ & Galliarum rex. Turcæ tota monarchia unius principis nutu regitur, ceteri ipsius sunt servi: atque inter Sangiacchos distributo ipsius regno, diversos ille constituit administratores, eosque pro animi voluntate abrogat subrogatque. Verum Galliarum rex positus est in medio antiquæ multitudinis Dominorum, quos agnoscunt populi eis subiecti & benevolentia complectuntur, quique habent suam dignitatem, quam ab eis Rex sine periculo auferre non potest.

Quocirca utrumque ejus generis statum qui animo reputaverit, is Turcæ imperiū occupatu difficile offendet, sed eo devicto nullam superesse difficultatem ut retineatur.

Difficultatum causæ, quominus Turcæ imperium occupari possit, in eo vertuntur: quod qui illud occupare molitur,

tur, haud potest à proceribus illius regni cò vocari, nec in spem adduci, quod eorum qui illum circumstant defectio-
ne incepta occupatio sit facilis futura. Quod ex his, quas
attigi superius, rationibus proficiscitur. Nam quum om-
nes sint ejus mancipia eique devincti, multo difficilins
corrumpi possunt: & si corrumpantur, parum inde tamen
utilitatis sperari possit, cum ipsi, ob allatas superius ratio-
nes, populos secum trahere non possint. Quapropter
Turcam impetituto cogitandum est, illum se bene uni-
tum esse inventurum, & magis proprijs viribus quam a-
liorum studijs & seditionibus superandum. Eo autem su-
perato acieque fuso, sic ut exercitum reficere nequeat,
nihil est quod præter Principis stirpem sit præterea timen-
dum. Quæ extincta, nemo superest (cæteris apud populos
fide & auctoritate carentibus) quem timeat reliquus.
Et quemadmodum ante partam victoriam, nullam in iis
sibi asciscendis poterat victor spem collocare; ita post
illam non est quod amplius illos reformidet.

His contrarium accidit in regnis quæ modo regni Gal-
liarum reguntur. Facilis enim tibi, asciscenti aliquem ex
Baronibus regni, patebit in illa accessus. In eis enim nun-
quam non inveniuntur, qui animo offensæ res novas mo-
liri studeant. Hi ob eas, quas supra diximus, rationes,
ad illud regnum viam tibi aperire, atque victoriam expe-
ditorem reddere possunt. Verum tamen ad illam postea
tuendam difficultates supersunt pene infinitæ: non modo
cum eis qui tibi fuerunt auxilio, verum & cum illis quos
oppressisti. Nec vero satis est Principis sanguinem extin-
xisse. Supersunt enim procures, qui novorum motuum
authores sese constituunt; quorum desiderijs quum satis-
facere non possis, nec eos extinguere, quando cunq; sese oc-
casio

caso obtulerit, amittis statum occupatum.

Nunc si spectes quo in genere administrationum fuerit Darij regnum, Turcæ regno admodum simile illud invenies. Hac de causa Alexandrū primo oportuit in Darium totum imperium facere, eumque castris exuere. A qua victoria, mortuo jam Dario, securum illud imperium, propter eas quas supra adduximus causas, Alexandro cessit. Successores sane ejus, si concordēs fuissent, plane otiosi eo frui poterant: quia nihil tumultus in eo subortum est, præterquam quod ipsimet inter se excitarunt.

Verum quæ instar Gallici regni constituta sunt imperia, illa fieri non potest ut tam pacate possideantur. Crebræ sane Hispaniæ, Galliæ, & Græciæ à Romanis defectiones orræ ideo sunt, quia frequentiores erant in illis principum ditiones. Quarum memoria quamdiu viguit, de earum possessione Romani semper incerti fuerunt: at potentia & diuturnitate imperij deleta earum recordatione, securam possessionem denique nacti sunt. Etiam deinde, prout quisque illorum sibi in partis provincijs pepererat authoritatem, cum inter sectiam bellum gererent, illarum quoque partem secum trahere potuerunt: idque propterea, quod veterum Principum sublata stirpe præter Romanos agnoscerent neminem.

His itaque perspectis, nihil mirabile habet Alexandri in retinendo Asiæ imperio facilitas: neque difficultas, quam complures Principes experti sunt (ut Pyrrhus & alij multi) in retinendo quod erat partum. Id enim non victoris aliqua exigua vel summa virtute evenit, sed pro rei subjectæ dissimilitudine & varietate.

CAPVT V.

Quomodo ciuitates aut principatus regi debeant, qui cum occuparentur suis legibus & in libertate vivebant.

Partum aliquem dominatū, si is consueverit libere vivere & suis legibus, ut retineas, triplex est modus. Primus, ut illum penitus evertas. Alter, ut isthuc ipse demigres habitatum. Postremus, ut suis legibus & libertate, annuam duntaxat pensionem exigens, sinas illum vivere, paucorum ibi dominatu tibi amico constituto. Hic sane dominatus cum à Principe sit ibi locatus, novit sine ejus amicitia & potentia se non posse consistere, obnixque omnia propterea sibi facienda existimabit quo illum Principi tueatur. Et vero facilius civitatem libere vivere assuetam tenebis auxilio suorummet civium, quam si ullo alio modo velis servare. * * *

Spartani atque Romani exemplo nobis esse possunt. Athenas Spartani obtinuerunt, & Thebas: ibique paucorum dominatu constituto, amiserunt tamen. Romani ut Capuam, Carthaginem, & Numantiam tenerent, deleverunt; nec amittere. Graciam fere ad Spartanorum modum retinere voluerunt, non abrogatis ejus legibus, at eorum votis non respondit: sic, ut ad eam retinendam coacti sint multas in ea provincia urbes evertere.

Quocirca nullus modus tutior est, illos secure possidendi, quam eversio. In cujus sane potestatem venit civitas assuetam libere vivere, si illam ipse non evertit, illam se eversuram expectet. Semper enim factio rebellis habet, quo consurgat; ad nomen scilicet libertatis & suos illos priscos ordi-

nes,

nes; quæ nec temporis diuturnitate, nec beneficiorum collatione unquam oblivioni tradi possunt. Et quicquid feceris, quicquid prospexeris; non distractis ac dissipatis habitatoribus, nunquam illud libertatis nomen institutaque ex eorum animis excidunt, sed ad omnem rerum eventum subito eo reditur. Veluti à Pisanis post tot annos à servitute illa, in quam Florentini eos adegerant, factum vidimus.

Verum civitates aut provincias, quæ sub Principe, cujus stirps tota perierit, parere assuetæ liberam vivendi rationem non norunt, quoniam ad arma capienda tardiores sunt, has facilius Princeps sibi conciliare, & ab eis se securiorem reddere potest. Partim enim obedire consueverunt; partim amisso veteri Principe, in ejus locum quem alium sufficiant, inter se non inveniunt.

At in Republica libera, odium est majus, major vindictæ cupiditas: nec veteris illius libertatis memoria finit, aut eas linere potest, ut conquiescant. Ita ut securissima sit ratio, aut excindere illam aut inhabitare.

CAPUT VI.

De novo Principatu, qui propriis armis & virtute acquiritur.

NE quem capiat admiratio, si ad eam quæ sum de Principatu prorsus novo instituturus orationem, illustrium principum tum principatuum proferam exempla. Cum enim homines aliorum pervagatis vijs ingrediantur, & imitando in suis actionibus procedant, nec prorsus tamè aliorum vias tenere, aut quorum imitantis virtutem consequi possis; viri prudentis est, semper præstantium virorum iter ingredi, & eos qui maxime excelluerunt imi-

tari; ut, si virtus propria eo non accedit, aliquid saltem odoris affletur. Prudentium sagittariorum exemplo, qui quod ferendum intendunt longius esse coniectantes, sui que arcus vi quousque feriat cognita, altius sibi scopum proponunt quam est meta destinata: non quo ad tantam altitudinem suo robore aut sagitta impellant, sed ut ductu altioris scopi isthuc quo collimarunt pervenire possint.

Principatum propterea omnino novum, qui in ditionē novi Principis concessit, plus minusve cum difficultatibus ad sui conservationem conflictari dico, prout qui illum est adeptus plus minusve virtute est præditus. Et quoniam talis rei eventus, quo quis ex privata conditione ad Principatum erigitur, præsupponit Virtutē quandam, aut Fortunam; utrāque harum duarum non nihil istæ difficultates, quibus afficiuntur, mitigari videntur. Qui tamē minus Fortunæ inhæret favori, is diutius sese in Principatu conservaverit. Parit etiam expeditiorem facultatem, quod talis Princeps cum alibi ditionem nullam habeat, adigatur, ut eo demigret præsensque ibi habitet.

• Verum ut ad eos, qui non Fortuna, sed propria virtute in Principes sunt evecti, veniamus; excellentiores dico fuisse, Moſen, Cyrum, Romulum, Theseum, & id generis alios. Etsi de Moſe non est quod loquamur, ut qui duntaxat eorum, quæ sibi divinitus fuerunt à Deo præscripta, merus fuerit exequutor. Tantum sane ob eam gratiam, qua Dei colloquio dignus habitus est, meretur admirationem.

At Cyrum & reliquos, qui regna sibi pepererunt & constituerunt, si quis consideret, omnes admiratione dignos inveniet. Si etiam considerentur eorum actiones & singu-

singularia instituta, nō dissimilia apparebunt Mōsi, etsi huic magnus contigit praeceptor. Cæterū eorum rebus gestis & vira perpenſis, à Fortuna nihil quā occasione iis fuisse oblatam videre erit; quæ occasio facultatem ipsis præbuerit, quo eam formam inducerent, quam sibi fore aptam judicarunt. Abs illa occasione si sane fuisset, eorum animi virtus extincta jacuisset: ut & sine tali virtute occasio frustra sese obtulisset. Necessarium itaque Mōsi fuit, Israeliticum populum mancipem in Ægypto teneri, & ab Ægyptijs opprimi, ut duro servitio si levari vellent ad Mōsen sequendum essent animo jam affecti. Per opportunum fuit Romulum Alba non capi, & recentem à partu exponi, quo Romanus Rex fieret, & tantæ civitatis conditor. Cyrum, necesse fuit Persas Medorum imperio infensos, Medosque ipsos diutina pace & otio molles atq; effœminatos, offendisse. Exerere animi sui virtutem Theseo non dabatur, nisi vagos dispersosque Athenienses invenisset. Tales igitur Occasiones hos viros felices effecerunt: ipsaque Occasio eorum animi præstanti virute fuit perspecta & cognita: ut & horum patria hinc tum nominis amplitudinem, tum summam felicitatem sit consequuta.

Qui horum exemplo virtutis ductu in Principes evēhantur, acquirunt quidem Principatum cum difficultate, sed retinent facile. Et difficultates quidem, quas patiuntur in acquirendo Principatu, ex novarum legum & constitutionum sanctione aliqua ex parte oriuntur: quarum inducendarum Principibus necessitas imponitur, quo eorum status & securitas firmetur. Considerandum sane est, nihil difficilius tractatur, nihil incertius obtentu, nihil periculosius servatur, quam inducendarum legum novarū sese authorem facere. Qui enim primus eas sancit,

inſen-

inensos omnes habet eos qui ex antiquis institutis commoda capiunt: & frigidos defensores illos etiā quibus novæ constitutiones sunt usui. Qui repot nascitur tum adversariorum metu, quibus leges beneficæ non sunt: tum ex hominum incredulitate, qui novæ rei fidem non habent, nisi firmam experientiam inde profectam videant. Hinc ortum habet, ut quoties adversarijs invadendi occasio sese offert, id his factiose agant, illi vero frigide defensionem suscipiant; sic, ut simul omnes periclitentur.

Necessarium est ideo, si probe hanc partem discussam volumus, examinare, an isti novi legum conditores seipsis tantum nitantur, an ex alijs pendeant: id est, an possint quod instituunt sua opera effectum reddere, an alios rogare sit opus, ut & an possint cogere. Si primum, nunquam non pessum eunt, nec quicquam ad effectum deducunt. Verum quando à seipsis pendent atque cogere possunt, tunc raro periclitantur. Hinc factum est, quod omnes Prophetæ armis instructi victoriam reportaverint, inermes perierint. Idque præter causam allatam etiam ideo, quia populi ingenium est varium & inconstans, & ut aliquid illi persuadeatur nihil est negotij, at in recepta persuasionem ut contineatur difficile est. Propterea ita instructum esse te oportet, ut si non credant, vi possis eos cogere ut credant. Sanè Moses, Cyrus, Theseus, Romulus, inermes sua constituta tamdiu servanda curare non potuissent. Vti nostra tempestate Fratri Hyeronimo Savonarolæ accidit, qui statim periit cum suis novis institutis, simul multitudo desijt illi credere; cum ipse scilicet non haberet quo illam in accepta fide retineret, nec nondum credentes vi cogere posset ad credendum.

Quapropter huiusmodi hominum conatus, cum maximis

ximis consistantur difficultatibus, eorum vero pericula in via occurrunt atque animi virtute sunt superanda. Verum illis exantlatis, ubi veneratione digni haberi coeperunt, extinctis tandem ijs qui ipsorum dotibus invidebant, homines illi potentes permanent, omni periculo vacui honorati & felices.

His tam sublimibus exemplis unum humiliter adijciam, sed quod cum illis sit proportionem habiturum. Id erit Hieron Syracusanus. Is ex privato Syracusarum Princeps factus fuit, nec quicquam tamen habuit, quod fortunæ acceptum ferret, præter Occasionem. Syracusani enim oppressi ducem illum creaverunt; id causam attulit, ut mereretur eorum decerni Princeps. Ita autem in privata adhuc vita virtute excelluit, ut qui de eo scripserunt, nihil ad regnandum tum illi defuisse præter regnum asserant. Hic veterem militiam abolevit, novam instituit: antiquas amicitias deseruit, novas complexus est: atque ubi & amicitiam & militum manum se habere in potestate cognovit, potuit his jactis fundamentis quicquid vellet superstruere. Sic ut acquisitio magno, possessio nullo ei steterit labore.

C A P V T VII

De novis Principatibus, qui alienis viribus & fortuna acquisiti sunt.

QVI Fortunæ duntaxat afflatu ex privata conditione Principes evadunt, illi nullo isthuc labore perveniunt, at plurimo negotio sese in Principatu sustinent. In ipso autem ingressu nullam incurrunt difficultatem, quandoquidem eo advolant: at ubi assederint, tunc & laboris & negotij multum nascitur. Hi sane sunt, quibus aut pecunia, aut donantis cujuscumque liberalitate, aliquis obvenerit Status

D

reipub.

reipubl. Vti compluribus in Græcia, in Ionia & Helles-
ponti civitatibus, accidit: Vbi Darius ad suam ipsius salu-
tem & gloriam multos donasse principatu constar.
Quo etiam modo quidam Imperatores olim, per sordes
militibus corruptis, ad Imperij procuracionem erige-
bantur.

Hi sane ex eorum arbitrio & fortuna simpliciter pen-
dent, qui eos in eum honoris gradum adduxerunt. Vtrum-
que autem res est plane per quam volubilis & inconstans.
Nec enim illum gradum tenere, aut sciunt, aut possunt.
Non sciunt: quandoquidē nisi quis summo ingenio sum-
maque virtute sit præditus, si privata fortuna semper vixerit,
verisimile non est, quod imperare sciat. Non possunt:
quia viribus, quæ amicæ sint & fideles, penitus caret. Ad
hæc, illi Status, qui repente & subito erumpunt, (uti na-
tura cætera omnia, quæ repentinò quodam ortu & in-
cremento fiunt) nec radices agere, nec quæ ei responde-
ant habere possunt; ac proinde primo quoque adverso
tempore extinguuntur. Nisi jam, ut dictum est, illi qui
ita subito in Principes sunt elati, tanta virtute excellent,
ut statim norint id quod Fortuna sibi in sinum demisit tue-
ni ac tenere, quæque alijs ante delatum Principatum fun-
damenta posuerunt, ea ipsi postea curent jacienda. In
hunc duplicem modum, quo quis Fortuna aut Virtute
Princeps evadit, duplex exemplum memoriæ nostræ tem-
poribus excerptum, proferant: Franciscum. Sfortiam sci-
licet, & Cæsarem Borgiam.

Franciscus omnibus modis ad eam rem idoneis, sum-
maque virtute, è privata conditione ad Mediolanensem
Ducatum pervenit; quodque mille curis fuerat adeptus
minimo negotio tenuit. Ex altera parte Cæsar Borgia (cu
vulgo

vulgo cognomē Duci Valentino fuit) acquiſiverat Statum ſuum per fortunam Parris, cumque eadem illa periijt: etſi ipſemet omnem operam adhibuiſſet, & ea omnia curafſet faciendā, quæ à prudenti ac virtuoso viro expectari poterant, ut in ijs ditionibus, quas aliena & arma & fortuna conceſſerant, radices figeret. Qui enim prima (ut dictum eſt) fundamenta non ponit, ille poteſt (licet non ſine architecti incommodo & ædificij discrimine) ſingulari quadam virtute in poſterum jacere. Si itaque Ducis Valentini progreſſus omnes conſiderentur, facile perſpicietur, quam ille firma ad futuram potentiam fundamenta ſubſtruxerit. Quæ nequaquam arbitror ſupervacaneum examinare: quia quænam meliora novo Principi præcepta tradi poſſint, quam ejus actionum exempla, equidem non video. Si ſane ejus diſpoſitio rerum nihil adjumenti ipſi attulit, id non ejus culpa accidit, ſed extraordinaria quadam & extrema fortunæ malignitate.

Alexander Sextus cum magnum Ducem efficere filium ſuum vellet, tum præſentibus tum futuris difficultatibus diſtinebatur. Primum non videbat, qua ratione ille aliquo Principatu, qui Pontificiæ jurisdictioni non ſubefſet, ornari augerique poſſet: ſi vero ad ea quæ Pontificij juris eſſent ſurripienda ſe converteret, ſciebat, nec Ducem Mediolanenſem nec Venetos id eſſe paſſuros: quoniam Faventia, atque Ariminum in Venetorum ditionem jam conceſſerant. Perſpiciebat præterea Italiæ arma, & quæ privatim ſuis commodis ſubſervire poterant, in eorum manu eſſe, quibus Papalis potentia formidabilis erat, quibusque proinde non poterat fidere: in Urſinorum nempe, & Columniorum familijs, nec non eorum ſectatorum, poſita. Turbandi propterea fuerunt ordines

illi, atque Italicae res confundendae, quo aliquarum partium in ea provincia dominus fieret. Quod quidem factum facile fuit. Reperit enim Venetos, qui alijs de causis impulsu volebant ut Galli in Italiam iterum transmitterent. Quod tantum absuit ut Alexander sit aversatus, ut constitutione matrimonij Ludovici regis perfacile reddiderit. Auxilio itaque Venetorum atque Alexandri consensu Rex Italiam repetijt : nec Valentinus prius Mediolanum appulit, quam ad Flaminiam expugnandam, auctoritate regia Papae adjudicatam, copias ab Rege obtinuit. Partademum Flaminia, Columnijsque attritis, cupientem Valentinum illam tueri atque ad maiora progredi, duo turbarunt : tum propria arma quae infida iudicavit, tum Galliarum regis dubia voluntas. Timuit nimirum Vrsinorum arma, quibus hactenus usus erat, ne subtraherentur : nec solum impedirent quod sibi adungere moliebatur, sed & quod erat partum auferrent. Regem quoque ipsum ne idem faceret fuit veritus. De Vrsinis jam specimen ceperat, cum expugnata Faventia Bononiam est adortus : tunc enim illos frigide se gerere conspexit. Porro quid animi esset Regi jam senserat, cum Urbinatum Principatu occupato Etruriam invaserat : à quo incepto Rex eum revocavit. Hac de causa Dux Valentinus constituit, non amplius à Fortuna aut ab armis alienis sibi esse pendendum. Quocirca Vrsinorum ac Columniorum partes Romae attrivit. Nam omnes qui illis adhærebant nobiles Romanos, uberioribus stipendijs ac rerum gerendarum munij pro cuiusque conditione datis, suos reddidit ; ut paucis interjectis mensibus illa animi eorum propositio erga partes reflexerit, totaque ad Valentinum sese converterit. Ad hæc occasionem, qua Vrsinos perderet,

(Colum-

(Columnijs jam dispersis) expectavit. Qua feliciter oblata felicius in rem suam est usus. Cognito namque sed sero ab Vrsinis, Valentini atque Ecclesiæ Romanæ potentiam sibi excidio fore, conventum Magione in agro Perusino indixerunt. Quæ res Vrbinatium defectionem, Flaminiae tumultum, ipsi vero Principi Valentino infinita excitavit pericula. Quæ omnia Gallorum auxilio superavit. Verum recuperata existimatione, Galliarum exterorumque diffusis opibus, ne amplius illas experiri cogeretur, totus ad fallacias fraudesque se convertit: ac usque adeo animum simulatorum ostentavit, ut Vrsini secum, auctore Domino Paulo, in gratiam redierint. Erga quem Paulum nullum officiorum, nullum necessitudinis genus, quibus illum securum redderet, omisit; vestibus, pecunia, equis donatis. Donec eorum imperita simplicitas in illius potestatem eos Senogalliam attraxit. His igitur primarijs captis & occisis, eorumque sectatoribus in suam amicitiam adductis, satis firma fundamenta jam ad potentiam struxerat. Flaminia nimirum occupata: Urbinatium Principatu subacto: eorumque populis, quod non nihil felicioris status (ut iis videbatur) degustassent, ad suam amicitiam adjunctis.

Et quoniam hic locus dignus est, quem quis noverit ac imitetur, prætermissum nolim. Postquam Valentinus Flaminiae rerum est potitus, eamque offendisset teneri à nonnullis Dominis tenuioribus, quique subditos populos spoliaverant potius quam emendaverant, discordiis præterea quam concordiae majorem præbuerant licentiam, ut jam tota provincia latrocinij, rixis, & omnis insolentiae genere referta esset; judicavit aliquem ibi legitimum reipubl. statum constituendum, quo illam

illam pacatam regiæque potentia morigeram redderet. Ob id Remerum Orcum virum crudelem ac promptum cum summa potestate illi præfecit. Hic brevi tempore provinciæ tranquillitatem concordiamque summa cum existimatione restituit. At vero visum est Duci in rem non esse immodicam illam præfecti auctoritatem. Timebat enim ne illa in odium incurreret. Ea de causa in media provincia iudicium quoddam rerum civilium constituit, cui juris & usus fori peritissimus præesset aliquis: quoque in loco singulæ totius provinciæ civitates suum haberent advocatum & causarum actorem. Cum autem severitatem illam nonnihil odij sibi conflasse animadverteret, ut illud ex animis multitudinis detergeret, seque purgaret, atque in primis omnes sui studiosos efficeret, ostendit, si quid sævitia in provincia fuerat admissum id non se authorem, sed ministri acerbiore ingenio fuisse factum. Atque ad hanc rem occasione arrepta iudicem illum in duas partes discissum, summo quodam mane, frusto ligni ac cruento gladio ad ejus latus aptato, in Cæsennatum medio foro deponendum curavit. Ferum istud spectaculum momento temporis effecit, ut populi sibi satisfactum esse putarent, & in stuporem vertentur.

Verum ut eo redeat oratio unde digressa est. Dux ille cum se satis magna potentia auctum cerneret, & periculis præsentibus (quod ex animi sententia probe armis sese instruxisset, & quæ proxime sibi nocitura videbantur extincta jacerent) aliqua ex parte liberatum, reliquus erat (sic cū his quæ sibi partæ jam erant opes ad majora progredi vellet) qui habebatur ad Gallos respectus. Animadvertebat enim, Regem, qui sero erratum suum agnove-

rat,

rat, id non concessurum. Novas idcirco amicitias comparavit: sub Gallorum adventum in regnum Neapolitanum contra Hispanos, qui tunc Caietam obsidione premebant, cum Gallis vacillavit: ac illud animo suo versavit, quo pacto se tutum ab illis præstaret. Quod sane ex voto cecidisset, si Alexander vitam cum morte non commutasset.

Hæc ad res præsentis fuerunt tñm ejus consilia & administrandi rationes. Quæ vero ad futuras spectabant, illud ei dubium erat, an novus Pontificis dignitatis successor ei futurus esset amicus, & quæ pater Alexander concesserat, is ne adimenda tentaret. Ut autem hoc se metu liberaret, quadruplici idratione moliri cogitabat. Primo, ut omnium Dominorum, quos spoliarat, totam stirpem excinderet, quo omnes lædendi sui occasiones futuro Pontifici præiperet. Secundo, ut omnibus Romanis patritiæ gentis sibi amicitia devinctis, eorum ope Pontificis animum freno compesceret. Tertio, ut Cardinalium collegium ad se omni, qua posset, ratione pertraheret sibi que conciliaret. Quarto, ut tantum imperij ante obitum patris sibi compararet, quo primæ cuique impressioni posset resistere propriis viribus. Ex quatuor his cetria jam expedita habebat cum Alexander mortem obiter; quartum quoq; pene confecerat. Quandoquidem quotquot potuit potentiores assequi, paucis elapsis omnes trucidavit. Iam patritiam gentem Romæ sibi devinctam tenebat. Tum Collegij Cardinalium maximam partem habebat suffragaturam. Porro animo statuerat, quo nova sibi imperij fieret accessio, totius Etruriæ principatum occupare. Iamque Perusini in suam ditionem concesserant Plombinumque: Pisæ autem in ejus clientelam sese

fese contulerant. Hinc tanquam nullā habiturus amplius Gallorum rationem (nec enim habere debebat, illis jam spoliatis regno Neapolitano ab Hispanis; sic ut utriq; adigerentur illum sibi conciliare) protinus Pisas insiliit. His peractis Lucenses Senensesque statim cedebant, tum ob odium in Florentinos, tum ipsius Principis metu. Florentinis ipsismet nullum remedium fuit reliquum. Id quod si evenisset, uti revera eo ipso anno quo Alexander è vita discessit eveniebat, tantum virium sibi adjunxisset & auctoritatis, ut sua ipsius potentia se sustinere ac tueri potuisset: non fortuna opibusque aliorum sed sua virtute & potentia subnixus.

Sed quintum post annum, ex quo gladium diffringere coeperat, Alexander naturæ concessit; illo in solius Flaminiae imperio probe firmato, cætera dubio, lethali morbo correpto, inter duos potentissimorum regum exercitus sibi inensos relicto. Inerat Duci tanta animi ferocia & elatio, & usq; adeo ille probe tenebat, quibus artibus homines conciliandi quibusve perdendi essent, tamque firma erant quæ brevi temporis spatio jecerat fundamenta, ut nisi illos in se ingruentes exercitus habuisset, vel saltem si adversa valetudine non fuisset detentus, omnem difficultatem fuisset superaturus. Quod autem ejus fundamenta firma fuerint, istud perspicuum facit: quod ad mensem totū Flaminia illum expectarit: ipse Romæ quamvis semimortuus securus manserit; adventantibus item eo Balionibus Vitellijs & Ursinis, nemo tamen fuerit repertus qui se contra Ducem illis adjungeret. Potuisset quoq; cavere, si non quem vellet, ut saltem non quem ipse noller crearetur Pontifex. Si sane cum Alexander è vita discederet, ipse prospera fuisset valetudine, omnia explicata,

cata, omnia plana reddidisset. Hinc eo tempore, quo Iulius secundus Pontifex Maximus fuit creatus, mihi dixit; se ad omnem rerum eventum, quem à patris morte futurum putarat, longè in posterum prospexisse, atque remedia comparasse: illud unum duntaxat se præterisse, quod scilicet nunquam putasset, sub patris morte sibi etiam cum morte esse confligendum.

Omniibus itaque Ducis Valentini rebus gestis in summam adductis, non video, qua in re eum reprehendam: imo potius imitandum proponi eum existimo (ut ego jam tum feci) omnibus illis qui ad imperia fortuna & armis alienis sunt provecti. Aliter sane, cum magno esset animo & alta haberet proposita, rem suam administrare non potuit. Vitæ duntaxat Alexandri brevitatis, sui que ipsius infausta valetudo, illius consilij est adversata.

Quamobrem qui in recente suo Principatu necessarium ducit, se ab hostibus tutum asserere: amicos parare: vi aut fraude victorem esse: a populo vel amari vel timeri: milites ut sequantur simulque ut observent efficere: eos, qui possunt aut volunt nocere, perdere: novis artibus veteres ordines & instituta invertere: severum esse & gravem, magnanimum & liberalem: infidam militiam extinguere, novam instituere: Regum & Principum amicitiam conservare, sic ut grate beneficij te cumulent vel saltem timide offendant: ille inquâ recentiora exempla, quam hujus Principis res gestas, invenire non poterit.

Illud duntaxat, in eo reprehendi posse videtur, quod in cooptatione ad summum pontificatum Iulij II, eligendi optionem arripuerit non bonam. Nam etsi electionis pontificiæ ex voto compos esse non poterat, tamen ipsi integrum relinquebatur, impedire, ne fieret Papa quem ipse

nollet. Nec vero unquam consentire debuit, ut quisquam Cardinalium in Pontificem Max. assumeretur, quem ipse aliquando aliqua affecisset injuria, aut à quo in eam dignitatem everso sibi timendum erat. Existunt enim hominum in homines injuriæ, aut metu, aut odio quodam. Quibus vero inter alios ipse injurium se præstiterat, fuerunt, Cardinalis titulo divi Petri ad vincula & Columnius, Cardinalis item titulo divi Georgij & Ascanius: cæteris omnibus Pontificatum assequutis, timendus relinquebatur, præterquam Rotomagensi atque Hispanis: his quidem ex officio & sanguinis conjunctione; illi vero propter potentiam, quod esset Galliarum Regno conjunctus. Ob id Dux Valentinus Hispanorum quempiam ad pontificatum obeundum creare debuerat: id autem si minus dabatur, in Rotomagensem suffragijs inclinandum erat, neutiquam vero in Card. T. D. Petri ad vincula. Quandoquidem qui existimat magnorum virorum inveterato odio novis beneficijs oblivionem induci posse, is vehementer fallitur. Erravit igitur Valentinus illa electione, causamque attulit, ut omnibus tandem bonis & fortunis suis everteretur.

CAPVT. VIII.

De ijs qui scelere ad Principatum sunt provec̃ti.

QVoniam duabus etiam rationibus è privato quis ad Principatum provehatur, quæ non omnino aut Fortunæ aut Virtuti debetur; haud illæ prætereundæ mihi videntur; quamvis de altera diffusius differi possit, ubi de Republica est agendum. Hæ autem rationes sunt: vel cum aliquo scelerato & nefario modo ad imperium ascenditur: vel cum civis aliquis privatus, suorum civium favore patriæ

patriæ Principatum occupat. Atque de primâ quidem ratione differentes, duplici eam exemplo explicabimus, primo ex veteri, altero ex recentiori ævo desumpto. Nec enim ita cogemur de rei dignitate aut indignitate iudicium interponere; Imitari autem cupientibus (si rei necessitas ad id adegerit) ea satis esse iudico.

Agathocles Siculus, non modo è privata, sed abjecta & infima fortuna, in Syracusarum Regem evasit. Is figulo patre natus, per omnes suæ fortunæ gradus semper flagitiosam vitam degit; sua tamen scelera tanta cum animi & corporis virtute consociavit, ut cum ad rei militaris disciplinâ animum appulisset, per gradus eò deveniret, ut Syracusarum Prætor fuerit creatus. In qua dignitate constitutus, cum jam in animum induxisset Principatum invadere, ac id quod omnium consensu fuerat illi concessum vi retinere, nemini devinctus, statuisset; suo consilio cum Amilcare Carthaginiense, qui tum in Sicilia cum copiis stipendia merebat, communicato, populum Senatumque Syracusanum mane quodam coegit, tanquam aliqua quæ ad Rempublicam pertinerent deliberaturus: ac ad nutum ad id constitutum, iussit à suis militibus omnes senatores omnesque è populo diriores ad unum interfici. Quibus trucidatis Principatum illius civitatis occupavit, ac sine ulla civili controversia illum retinuit. Et licet à Carthaginiensibus bis fuerit bello fractus, ac demum obsidione inclusus, civitatem tamen suam non modo defensam conservavit, sed suarum copiarum parte ad ejus propugnationem relicta, cum altera Africam est aggressus, ac brevi temporis spatio Syracusas obsidione exemit, & ipsos Carthaginienses in extremam adduxit rerum difficultatem: sic ut pace facta, se Africa

contentos, Agathocli vero Siciliam relinquere, concederent. Qui itaque hujus viri res gestas & virtutem animo reputarit, nihil aut parum in iis animadverterit, quod fortunæ sit adscribendum: quandoquidem, uti jam dictum est, non alieno favore, sed militiæ gradibus, quos mille incommodis ac periculis conscenderat, ad Principatum pervenit: eumque postea incolumem tot animosis consilijs, torque periculis aditis potuit conservare. Cæterum virtutis nomine haudquaquam est coonestandum: suis civibus mortem attulisse: amicorum proditorum egisse: nulla fide, nulla pietate, nulla religione fuisse. Imperia sane hærationes parare quidem possunt, at gloriam non item. Igitur si Agathoclis in adeundis periculis atque ipsis exantlandis virtus, ejus item animi in perfrendis superandisque adversis rebus magnitudo spectetur, non quidem videtur cur inferior quovis ducum excellentissimorum haberi possit. Nihilominus ejus animi effera sævitia & inhumanitas, cum infinitis pene ac fœdissimis flagitijs conjuncta, non patitur ut inter viros excellentissimos celebretur. Quare Fortunæ aut Virtuti acceptum ferri non potest, quod ipse sine earum ulla est consequutus.

Ætate nostra, Alexandro VI. Pont. Max. Oliverotus Firmanus cum superioribus annis puer esset orphanus relictus, à materno patruo, cui Joanni Bogliano nomen erat, educandus suscipitur, ac ab ineunte adolescentia Paulo Vitellio in re militari instituendus traditur, ut illius disciplinæ institutus ad aliquem militiæ præstantem gradum perveniret. Paulo deinde vita functo, Vitelloccio ejus fratri militavit, atque brevissimo temporis spatio, quod ingenio solerti esset & corpore & animo acer, inter prima-

primarios militiæ illius locum obtinuit. Verum cum servilis animi esse existimaret, sub alieno imperio stipendia facere, subiit ejus animum ea cogitatio, ut subsidio nonnullorum civium, quibus patriæ servitus libertate charior erat, ac Vitelliorum favore, Firmum urbem occuparet. Literas itaque ad Joannem Foglianum dedit: se complures annos à patria abfuisse; cupere & illum & patriam suam videre, atque aliqua ex parte patrimonium suum adire ac visere: cumque non alio consilio labores suscepisset, quam honoris adipiscendi causa, ut cives intelligerent à se nullum tempus frustra impensum, velle sese isthuc honorifice, ac centum suorum amicorum servorumque equitibus comitatum, remeare: rogare itaque, ut cum Firmanis agere ne gravaretur, quo sese honore exciperent; id enim non solum sibi, sed & illi præcipue, ut cujus fuerit alumnus, honori futurum. Quam obrem Iohannes nullum erga nepotem prætermisit, illi debitum, officium. Hic vero à Firmanis summo cum honore illius opera exceptus, ad proprias ædes divertit. Vbi aliquot interjectis diebus, ijsque omnibus, quæ ad futurum facinus parrandum erant necessaria, diligenti cura structis, lautissimum convivium instituit: ad quod Joannem Foglianum, unà cum civitatis primarijs omnibus, invitavit. Epulæ autem cum jam finis esset, cæteraque omnia, quæ in convivijs oblectamenti causa adhiberi solent, lætitiæ irritamenta semora; Oliverottus astu quodam intulit sermones graves de Alexandri Papæ ejusque filij potentia, atque decorum rebus gestis. Quos excipientibus Ioanne & reliquis omnibus, assurgit ille statim: Hæc sunt, inquit, de quibus in secretiore loco est differendum: atque in cubiculum sese recepit, quo Ioan-

nes & reliqui omnes illum sunt sequuti. Nec dum considerant, cum ecce è cubiculi secretioribus locis profilientes milites Ioannem & quotquot ibi aderant trucidarunt. Post patrata[m] cædem, equum Oliverottus conscendit, ac urbem totam excurrit, supremumque magistratum in curia obsedit: sic ut ille metu adactus ejus imperia detrectare haud potuerit, ad ejusque voluntatem rerum statum, cujus ipse Principem se constituit, ordinavit. Interfectis autem omnibus, qui aut læsi aut offensi ei nocere poterant, novis legibus civilibus ac militaribus sese munijt: sic ut anni spatio, quo Principatum tenuit, non solum securus ageret in Firmana civitate, verum omnibus vicinis factus fuerit formidabilis. Ejus autem expugnationio difficilis admodum fuisset æque ac Agathoclis; nisi in fraudem à Valentino sivisset se illici, cum Senogallia, ut dictum est, Vrsinos ille cepit & Vitellios: ubi, anno post patratum patricidium, ipse captus unà cum Vitelloccio, quem suarum virtutum & scelerum præceptorem habuit, fracta gula interiijt.

Possent quis dubitare, quid factum sit, ut Agathocles & ejus generis alij, post peracta infinita & immania facinora, securam vitam degere in patria potuerint, atque ab exteris inimicis sese defendere, nec unquam à civibus suis fuerit in eos conspiratum; cum alij complures, propter crudelitatem, nunquam potuerint, ne pacis quidem, nec dum belli tempore ancipiti, suum statum tenere. Arbitror hoc fieri ex crudelitate, recte vel perperam exercita. Recte eam adhibitam esse dici possit (si de eo quod malum est quid boni pronuntiari detur) cum quis necessitate adactus semel tantum, quo securum se reddat, crudelitatem exercet, nec amplius illi insistit, sed in subditorum

torum majorem utilitatē, quantum fieri possit, illam commutat. Quæ autem perperā adhiberi dicitur, ea est: quæ etsi initio rara est multiplicatur tamen cum tempore potius quam extinguitur. Qui priorem rationem observaverit is penes Deum pariter & homines aliquid remedij ad statum suum servandum habere poterit, uti Agathocles habuit. Reliqui vero, ut sese sustineant, impossibile est.

Quapropter in occupando principatu, illud constitutum occupanti esse debet: vim omnem sæviendi semel tantummodo effundendam, ne perpetuo eo sit recurrendum, utq; ipsa ab immanitate cessatio homines ad securitatem alliciat, & beneficiorum collatio in amicitiam eos adducat. Qui hoc vel timiditate vel pravo consilio facere refugit, huic semper necessarium erit gladium nunquam è manu deponere, nec ullum in subactis populis fundamentum collocare; cum nec illi propter continuas & recentes injurias securi esse possint. Igitur injuriæ simul omnes & semel sunt effundendæ, quo minus gustentur minusq; offendant: Beneficia vero sensim sunt instillanda, quo melius sentiantur. Ita cum primis vivere apud suos subditos Princeps debet, ut nullus fortuitus eventus, sive ad voluntatem fluat sive adversetur, possit illum mutare. Nam si turbida tempora necessitatem objecerint, sævire jam non erit tempestivum, benigne vero facere nihil proderit: quia invito animo fecisse crederetur, ut nihil inde gratiæ sit relaturus.

CAPVT. IX.

De civili Principatu.

VErum ad alteram partem accedentes: cum Princeps quis non scelere aliquo, nec quapiam non ferenda
vio-

violentia, sed suorum civium favore in patriæ suæ Principem evehitur. Qui Principatus *civilis* appellari potest: neque ut eo perveniatur necessarium est, ut ipsa plane Virtus vel Fortuna quem deducat, sed potius fortunata quædam astutia. In eum, inquam, Principatum, vel populi, vel optimatum favore ascenditur. In omni enim civitate hæc duo inter se dissidentia studia insunt: oriunturque ideo, quia populus scilicet cupit non imperari, neque à potentioribus opprimi: potentiores vero id cum primis obnixè student, quo imperitent populumque deprimant. Atque ex his duabus inter se pugnantibus cupiditatibus unum horum trium in civitatibus surgit: aut Principatus, aut Libertas, aut Licentia. Principatum vel populus vel optimates, ex oblata alteri harum partium occasione, inducunt. Cum enim Optimates vident se populo resistere non posse, omni auctoritatem in aliquem sui ordinis derivant, atque cum Principem faciunt, quo ejus sub umbra suos animi impetus efflare possint. Populus item nusquam perspecta ratione, qua possit potentioribus occurrere, devoluta ad unum quempiam auctoritate, ad principatum illum evehunt, ut ejus potentia sint defensi.

Qui Optimatum subsidio Principatum subit, difficilior, quam qui Populi suffragiis eo evehitur, sese sustinebit: quoniam cum multis sese circumstantibus Principem agit, quique se ei pares esse existimant. In quos propterea plenam ex voto administrandi atque imperandi potestatem non habet. At qui populari favore ad Principatum accedit, rerum summam in se unum versam cernit; nec ullum habet, vel certe paucissimos, qui non prompto animo ejus imperata sint facturi.

Ad hæc

Ad hæc , potentioribus nec digne satisfieri potest neque sine aliorum injuria : at multitudini potest maxime , quia honestior finis est populo , quam optimatibus : cum hi opprimere , illi ne opprimantur obnixè contendant.

Accedit etiam , quod adversante populo nihil securitatis polliceri sibi potest Princeps , cum nimium multi sint : Optimatibus vero , cum pauci sint , potest . Omnium incommodorum gravissimum quod à populo sibi infenso potest expectare Princeps , est , ne se deserant : at ab Optimatibus , si hostes sint , non solum ne se destituant , sed etiam ne in se impetum faciant verendum est . Cum enim perspicacia major sit in illis & astutia , semper observant tempus , quo se tutos reddant ; ac eos gradus quærunt , quibus spes est superiores se fore .

Cum populo præterea cogitur Princeps perpetuo vitam ducere , cum Optimatibus non item : quia horum multos subrogare & abrogare , iisque dignitatem deferre & auferre quodcumque velit , possit .

Verum ut pars hæc melius explicetur , duobus modis Optimates quæunt potissimum considerari : An scilicet in sua rerum administratione penitus Principis fortunæ se committant , An non . Qui Principis fortunæ se committunt nec rapinis inhiant , ij digni sunt qui honorentur ac diligantur . Qui vero id facere nolunt , ij in duplici sunt consideratione . Aut enim animi quadam dejectione , & naturali animi defectu ducuntur ne hoc faciant ; & tunc eorum opera in rem suam Princeps uti debet , illorum præsertim qui consilio pollent . In rebus enim quæ ad voluntatem fluunt , sunt sibi honori : in adversis vero , non est quod ab illis sit timendum . Aut astu & ambizioso con-

F

silio

filio sese obligari nolunt: quod utique planum facit premeditatum illis esse, sui magis quam Principis rationē habere. Ab istis Princeps sibi cavere debet, eosque habere quasi jam aperti sint hostes, ut qui semper cum quid adversi accidit, operam daturi sint. quo illum præcipitem agant.

Qui igitur Populi favore ad Principatum erigitur, æquum est, ut illum in amicitia retineat: quod quidem (cum nihil isquam ne opprimatur in votis habeat) sine ullo negotio potest fieri. Verum Optimatum studio contra populum cui desertur Principatus, huic in eam curam maxime est incumbendum, ut populum sibi adjungat. Id quod etiam factu est perquam facile, si illum defendendum suscipiat. Et quoniam homines cum de se eos benemeritos vident à quibus damnum aut malum se accepturos putabant, benefactoribus istis suis sese vehementer obstringunt: ita propensior est in Principem illum subditus populus, quam si suis illum studiis ad Principatum evexisset. Multis porro modis eos sibi Princeps conciliare potest: cum tamē illi pro subjectæ rei natura maxime varient, non potest de eis certa tradi regula ac proinde omitterentur. Concludo duntaxat: Principi maxime omnium esse necessarium, populum retinere in amicitia, quod alioquin in perturbatis rebus nullum habeat perfugium.

Nabides Spartanorum Princeps totius Græciæ & invictissimi Romani exercitus obsidionem sustinuit, ab illisque & patriam & rerum suarum statum defensum tenuit: atque ingruenti periculo illud unum ei satis fuit, paucorum insidias cavere. Quod si populum habuisset inimicum, id sane non fuisset satis.

Nec vero meæ huic opinioni quis contrarius eat, illo

illo trito proverbio : *QVI POPVLARI nititur aura domum in luto exstruit.* Illud enim locum habet, ubi civis, qui privatæ est conditionis, populo nititur, atque sibi persuasum habet, ab hostibus aut magistratu si opprimatur populum se habiturum liberatorem. Eo in casu sæpenumero se deceptum sentiet : quemadmodum Romæ Gracchis, Florentiæ Georgio Scalæ accidit. At si Principatum jam possidet is qui populo nititur, si pollet imperandi facultate, si vir est ingentis animi, ac nullis rebus adversis exanimatur, nulloque aliarum rerum caret apparatu, animi magnitudine autem nec non suis institutis multitudinem universam retinet animatam ; ille haud se deceptum intelliget, sentietque illa quæ jecerit fundamenta stabili in loco locasse.

Periclitari quidem solent ejus generis Principatus, cum è civili ad absolutum imperandi gradum altius evolare contendunt; ideo, quoniam hi Principes, aut per se imperium exercent, aut magistratu mediante. Hoc posterius imbecillem, & periculis obnoxium reddit eorum Principatum : quia hi in suo statu consistunt ex voluntate eorum civium, qui in magistratu sunt : quique tum maxime cum difficilia tempora incidunt, Principum statum nullo negotio subvertere possunt, vel eis adversando, vel eorum jussa detrectando. Nec vero Princeps, cum res jam in discrimen venit, in tempore adesse potest, ut absolutum occupet imperium : quia cives & subditi magistratuum jussis assueti, haud sunt in ea rerum perturbatione & turba Principi parituri. Summa etiam laborabit, perplexis illis temporibus, eorum penuria, quibus tuto fidere possit. Nec enim illo qui pacato tempore. haud displicuit Princeps, tū niri potest, cū cives egent eo qui Rempub. accurate regat.

Ante scilicet omnes accurrunt, omnes promittunt, omnes pro eo, cum mors longius abest, volunt oppetere: tempestatibus autem savientibus, cum Respublica civium opera indiget, tunc eorum mira est paucitas. Eoque magis harum rerum experientia est periculosa est, quo semel duntaxat experiri licet.

Eam igitur Princeps prudens sibi ineundam rationem cogitet: ut cives semper, & quavis temporum conditione, sua administrandi opera indigeant. Tunc sane eos in se animo fideli futuros intelliget.

CAPVT X.

Qua ratione Principatum omnium vires metiendæ sint.

EXaminanti Principatum rationem etiam alia quædam consideratio conveniens est, & quidem hæc: *tantum ne Princeps ditionis possideat, ut necessitate premente suis viribus se sustinere possit, an ad alienas opes sit ei perpetuo confugiendum.*

Verum ut hæc pars magis perspicua fiat, dico: Eos suis viribus se rueri posse me iudice, qui aut multitudine hominum aut pecuniæ vi iustum exercitum colligere, atque cum quovis qui se armis velit petere prælium committere potest. Eos contra semper alienis me iudice subsidijs egere, qui adversus hostem in aciem prodire non possunt, sed intra moenia confugere atque ea defendere coguntur.

Primum illud jam expendimus, plura quæ occurrent infra sumus dicturi. Ad secundum nihil nunc adicere possum præter id, quod adhortandi sunt Principes tales, ut suam præcipuam urbem muniant atque firment, nulla reliquæ

quæ regionis habita ratione. Quicunque enim urbem suam probe munitam habet, atque cum subditis suis ita se in rerum administratione gesserit, quemadmodum supra jam dictum est; illum nemo, nisi maxima ipsius habita ratione, adoriri tentabit. Quare semper homines omnes oderunt illos insultus qui pericula secum & difficultates afferunt. Et vero vident, non facile effectum esse, aggre-
di aliquem qui præmunitam urbem possidet, quique apud multitudinem odio non laborat.

Germaniæ civitates maximè liberæ sunt, agri parum admodum possidentes; & tamen demum ubi volunt Imperatori parent: nec illum, nec alium quempiam vicinum timent: idque quoniam ita munitæ sunt, ut nemo sit, qui earum expugnationem difficilem, tardique plenam fore non existimet. Fossis quippe idoneisque muris sunt circumseptæ: quod satis est etiam habent æneorum tormentorum: atque in annum totum asservant in publicis cellis penarijs cibum ac potum, & ad ignem paratam materiam. Ad hæc, quo multitudinem sine Reip. dispendio refectam teneant, ex publico habent, ut artificum operæ in ijs rebus impendantur, quæ illarum civitatum nervi sint & vita, quarumque industria multitudo ipsa potest ali ac sustentari. Rerum præterea bellicarum studia summo habent in honore: ad quas retinendas multæ leges multæque rationes institutæ sunt.

Proinde Princeps, qui unam civitatem egregie munitam habet, nec odio se dignum præstat, in eum nemo impetum facere poterit: & si quis hoc velit, illi cum ignominia discedendum fuerit; quia res hujus mundi ea sunt varietate atque inconstantia, ut fieri non possit, ut aliquis cum suis copijs annum integrum possit otiose in campo degere.

Si quis excipiat: cum populus suos agros extra urbem incendio absumi videt, fracto animo patientiam abrupturum, longaque obsidione & rerum suarum amore coactum iri Principis oblivisci. Respondeo: Principem qui est potens & animosus, omnes illas difficultates semper superaturum, partim subditis facta spe non fore diuturna mala, partim ex hostium sævitia timore incusso, partim ab ijs situtum sese reddat qui paulo plus videntur animi confidentioris. Ad hæc incendia & vastitates sub ipso adventu suo obsidionisque initio, cum adhuc ardent animi & ad defensionem sunt accensi, inferri ab hoste solent. Minus sane propterea Principi erit dubitandum, quoniam aliquot diebus post quam ardor ille animi est restinctus, detrimenta jam sunt illata, damna accepta, cum malis remedium afferri non potest: ac tum maxime sese cum Principe conjungunt subditi, ut quem sibi devinctum existimant, quod ipsius causa sint ædes incensæ omnesque fortunæ eversæ. Ita enim fert hominum natura, ut beneficijs ultro citroque datis æque inter se devinciantur homines, atque acceptis.

Hiscæ omnibus diligenter perspectis, non difficile fuerit Principi prudenti, suorum civium animos constantes confirmatosque, tum ante tum post obsidionem, retinere: com metu modo & reliquis ad defensionem necessarijs non deficientibus.

CAPVT XI.

De Pontificio Principatu.

DE Pontificio Principatu reliquum duntaxat est, ut disseramus. Hunc difficultates omnes priusquam possideretur circumfusiunt, quia aut Virtutis aut Fortunæ favo-

favore acquiritur. Neutrius tamen horum opera conservatur : quoniam sustentatur vetustis institutis Religionis, quorum omnino vix tanta est & illa natura, ut suos Principes, quomodocunque se gerant aut vitam instituant, in imperio tueantur. Hi soli Principatum habent, nec illum defendunt. Habent subjectos populos, quos tamen non regunt. Eorum provinciæ sunt indefensæ, eas tamen nemo aufert. Populi sub eorum administratione se neglectos sentiunt & nihil morantur : nec cogitant aut possunt sese ijs subducere. Hi soli itaque Principatus securi sunt & felices. Verum quia ratione quadam superiore reguntur, ad quam hominum mens non attingit, de illis loqui super sedeo. Deus enim ipse eos evexit ac sustinet : eoque arrogantis ac temeritatis fuerit de ijs disquirere.

Attamen si quis me roget, quare Pontificatus eo magnitudinis in temporalibus effectus sit ; (cum scilicet ante Alexandri ætatem omnes Italiæ Potentes, nec solum qui hoc Potentum nomine dicebantur, sed etiam minores omnes Barones & Domicelli, in temporalibus parvi illum æstimarent, & nullius ille fuerit authoritatis ; hoc tamen tempore Galliæ rex cum extimescat, utpote qui hunc poterit Italia exturbare, & simul Venetis exitium inferre) etsi omnibus hæc fortè nota sint, aliqua tamen ex parte ejus memoria si renovetur, supervacuum fore non puto.

Antequam Galliæ Rex Carolus in Italiam transmississet, imperio Pontificis, Venetorum, Neapolitani Regis, Mediolanensis Ducis, ac Florentinorum, tenebatur Italia. Hi dominatus in duas potissimum curas incumbere debebant. Prima erat, ne exterorum quisquam Italiam cum armis ingrederetur. Altera, ne eorum quisquam ma-

jore

jorem potentiam sibi acquireret. In quos autem quam maxime animo intendendum erat, ij Pontifex erant & Veneri. Venetos avertissent, si inter se facta conjuratione, reliqui omnes, uti in Ferrariensi defensione, in eos conspirassent. Pontifex autem reprimi poterat Romanorum Baronum opera. Illis enim in duas factiones divisus, Vrsinorum scilicet & Columniorum, semperq; inter eos turbis & offensionibus ferventibus, cum ob oculos Pontificis illi armati starent, rem Pontificiam imbecillem atq; infirmam continebant. Et quanquam Pontifex aliquis animosus suscitaretur, qualis fuit Sixtus, nihilominus neque fortunæ favor neque rei gerendæ peritia ab his incommodis illum liberare potuerunt. Hujus autem rei causa erat Pontificum vitæ brevitatis. Decennium enim, quod solet fere unus Papa vivere, vix ad alteram factionum deprimendam satis erat. Sed & si eorum quis (exempli causa) Columnios fere extinxisset, alter statim prodibat Vrsinis insensus, qui hos iterum erigebat: nemo in tempore penitus illos extinguebat. Hac itaque de causa Pontificum vires in temporalibus parvi in Italia pendebantur.

Emersit postea Alexander VI, qui unus omnium qui unquam fuerunt Pontificum, ostendit quantum & pecuniarum & virium potentia queat Papa valere; effecitque Dux Valentinus, illa tanquam instrumento & Gallorum in Italiam opportuna transmissione abusus, ea omnia, quæ de illius Valentini Ducis rebus gestis superiori oratione differuimus. Et vero licet Alexandri consilium non eo spectarit, ut Pontificum Principatum eveheret: nihilo secius quicquid gestum fuit à Duce Valentino, id totum ad amplificationem Pontificij regni redundavit; quippe quod post Alexandri mortem & Valentino extincto,

in c-

in ejus labores omnes hæres successit.

Venit deinde Papa Iulius, reperitque rempubl. Pontificiam (quod tota ei subacta esset Flaminia, Romani Barones extincti jacerent, atque Alexandri verberibus factiones illæ essent attritæ) mirum in modum evectam. Natusq; præterea est viam ad congerendam pecuniam, quæ ante Alexandri tempora parum fuerat usitata. Quæ omnia Iulius non solum sectatus est, verum etiam obnixè curavit augenda; atque proinde animo statuit Bononiam suo imperio adjungere, Venetos delere, Gallosque ex Italia protrudere. Quæ omnia illi pulchre cessere ex sententia: ac majore cum laude ideo, quia non ad privatum quempiam, sed ad Remp. Pontificiam locupletandam, id totum curavit agendum. Parte is idem Vrsinas atque Columnias, in quo invenerat statu, retinuit. Inter quos licet esset, qui se caput factionum ad res novas constitueret, tamen duo eos in officio retinebant: quorum alterum erat amplitudo Ecclesiasticæ reipublicæ, qua deterrebantur: alterum, quod in Cardinalium senatu neminem ex suis haberent. Hi sane omnium inter ipsos motuum authores esse consuevere: nec unquam hæ factiones conquiescent, dum Cardinales habebunt. Hi enim Romæ forisq; partium studia fovēt; quas defendere ejus generis Barones adiguntur. Ab horum sane Prælatorum ambitione discordiæ tumultusque inter Barones nascuntur.

Leo itaque Papa hunc Pontificatum nactus est potentissimum. De quo spes est, si armis illum alij magnum reddiderunt, quod ipse tum morum integritate, tum infinitis alijs suis virtutibus, illum maximum ac venerandum sit effecturus.

CAPVT XII.

Quot sint militiae species, deque militibus mercenarijs.

Disquisitis singulorum Principatuum rationibus, de quibus initio differendum proposuimus; eorumque tum boni tum mali causis aliqua ex parte perspectis: explicatis denique modis, quibus multi eos consequi ac tenere sunt conati; id mihi duntaxat est reliquum, ut generatim ea perlustrem, quæ vel ad offendendum, vel ad sese defendendum spectant, quæque in eorum quolibet accidere possunt.

Dictum autem est supra: necessarium esse ei qui Principem agit, ut probe firmata habeat sua fundamenta, quod alioquin illum corruere necesse sit. Præcipua vero fundamenta, quibus imperia, cum nuper tum olim parta & quæ ex his mixta sunt, continentur, sunt *bonæ leges & bona arma*. Quia autem bonæ leges esse non possunt, ubi non sunt bona arma, at ubi bona vigent arma, ibi necesse est ut bonæ etiam sint leges; legibus in præsentia præteritis, de armis orationem instituam.

Arma igitur, quibus Principes dirionem suam tuentur, sunt vel propria, vel mercede conductæ, vel auxiliaria, vel mixta. Mercenaria & Auxiliaria inutilia sunt & periculosa. Et quicumque statum suum armis mercenarijs habet superstructum, is firmiter ac secure non consistit: quia unita non sunt, ambitiosa, nullius disciplinæ, nullius fidei, inter amicos acerrima, in hostes inertia & ignava, nullo Dei metu, nulla erga homines fide: tam diu ruina eorum differtur, quamdiu impressio differtur. Pacis tempore ipsi illi, belli vero hostes te spoliant. Cujus rei cau-

rei causa est , quod neque alio amore neque alia causa castra sequantur, quam stipendioli cujusdam; quod tamē satis non est ad eos impellendos, ut tua causa mortem sibi optendam purent. Cupiunt sane in tuum exercitum allegi, si nullum tibi bellum sit: at ubi est cum hoste congregiendum, tunc aut fuga, aut discessu, te deserto, sibi consulunt.

Id sane nullo negotio persuadere possim. Nam Italiae praesens exitium aliunde non esse ortum patet, quam quod in mercenarijs armis à multis jam annis spem suam collocaverit. Quæ quidem, nonnihil retroactis temporibus, usui quibusdam atque inter se valida fuisse visa sunt: at præpotente extero adventante, tunc apertum factum est, quid virium haberent. Quapropter Carolo regi facile fuit Italiam gypso quasi occupare. Qui sane ejus mali causam fuisse peccata nostra asserebant, ij, quod res erat, affirmabant quidem: sed peccata illa tamen non erant, quæ credebantur, verum ea de quibus jam dixi. Et quoniam Principum erant peccata, luerunt & ipsi poenas.

Infelicitatem adhuc hujus generis armorum melius ostensam volo. Mercenarij duces aut sunt viri præstantes, aut non. Si excellant, jam eorum te fidei tuto committere neutiquam potes. Semper enim vel tui, cujus sub imperio degunt, vel aliorum contra animi tui propositum oppressione, ad suam ipsorum amplitudinem aspirabunt. Si fuerint virtute nulla eminentes, tunc te procul dubio in ruinam trahent.

Si quis excipiat, hoc idem esse facturos quicumque arma tenent, sive ij mercenarij sint sive non. Responderem. Arma vel tractantur à Principe, vel ab aliqua Republica. Principis est ipsum præire atque imperatoris obire

parteis : Reipublicæ vero suos cives mittere. Quorum si quem industria & virtute parum respondere hæc videat, illum submovendum curet : si expectationem explet, tum legibus illum, ne officij fines transfiliat, cohibeat.

Et vero reipsa cernitur, solos Principes ac Respublicas armis instructas maximos fecisse progressus : mercenaria autem arma damnum semper dedisse. Ad hæc, majori cum difficultate Respublica aliqua proprijs armis munita adigitur ad sui alicujus civis obedientiam, quam quæ extero milite utitur. Roma & Sparta per multa secula armis instructa floruerunt, & liberae manserunt. Helvetij armatissimi sunt & liberrimi. Qualia olim fuerint arma conductitia, Carthaginenses nobis exemplo esse possunt : qui statim à primo contra Romanos confecto bello, parum absuit quin à militibus, quos mercede conduxerant, fuerint oppressi, licet suos cives Carthaginenses copiarum haberent præfectos. Philippus Macedo à Thebanis post Epaminondæ mortem creatus est imperator, & parva ex hostibus victoria eorum libertatem sustulit. Mediolanenses, mortuo Philippo Duce stipendio conduxerunt contra Venetos Franciscum Sfortiam : qui ad Caravagium devictis hostibus adjunxit se illis, ut Mediolanenses suos dominos opprimeret. Ejus pater Sfortia cum Ioannæ Neapolitanorum reginæ stipendia mereret, repente illam inermem deseruit, sic ut, ne regnum amitteret, in Arragoniorum Regis sinum coacta fuerit sese conjicere.

Si quis objiciat : Venetorum atque Florentinorum imperium his armis retroactis temporibus fuisse acquisitum, nec illud ab eorum præfectis in potestatem redactum sed defensum esse. Respondeo. Florentinos quidem fortu-

fortunam in ea re fautricem habuisse. Quandoquidem ex eorum ductoribus illi qui strenui erant, & à quibus sibi metuendum fuerat, nonnulli adversis præliis sunt usi, nonnullis fuit repugnatum, reliquos ambitio aliò devolvit. Qui infeliciter bellum administravit, is fuit Ioan. Acutus: cuius fides amissa victoria cognosci non potuit: at nemo non fatebitur, si victoriam ille reportasset, Florentinorum rem in ipsius arbitrio fuisse futuram. Sfortiaæ perpetuo Brachiani sunt adversati, mutuo sese observantes. Franciscum ambitio in Longobardiam pertraxit: Bracchium vero contra Ecclesiam Romanam atque Neapolitanum regnum. Verum ad id accedamus, quod nuper contigit. Summam belli gerendi Florentini detulerunt Paulo Vitellio, viro insigni prudentia, qui ex privata fortunæ conditione, maximum sibi nomen peperebat: is si Pisas expugnasset, Respublica Florentina indubie ejus imperium subire fuisset coacta. Si sane in hostium parte is militatum transisset, nullus fuisset evadendi locus: si vero eum retinuissent, illi obedire debuissent.

Venetorum si progressus examinentur, facile quis intelliget, eos tutissime ac felicissime tunc se præstitisse, cum ex propria gente collecti eorum exercitus bella gererent. Qui moeis fuit antequam ad terrestres expeditiones sua studia converterent. Quo quidem tempore patriæ gentis & urbanæ plebis instructi armis, fortissime se gesserunt. At ubi primum terra bellum gerere coeperunt, hanc virtutem neglexerunt, moresque Italicos sunt sequuti. Atque initio quidem sui incrementi per continentem, tum quod non ita longe fines protulissent, tum etiam quod in magna essent existimatione, non erat ipsis à suis belli ductibus valde timendum: at propagatis impe-

rij limitibus Carmignola exercitus imperatore facto, tunc ejus erroris specimen ceperunt. Nam cum illum acerrimum ducem cognovissent, postquam verò ejus ductu Mediolanensem Ducem multassent, illum remissiores in bello gerendo factum cernerent, eo ductore se amplius haud fore ut vincant sunt rati. Quare ne quod partum fuerat iterum periret, cum dimittere nec volebant nec poterant: ut tamen tutos se assererent, eum interfecerunt. Habuerunt deinde suarum copiarum imperatorem Bartholomæum Bergomatem, Robertum Severinatem, Comitem item Perilianum, & id generis alios: quibus ducibus metuendum fuit ne detrimentum potius quam emolumentum suæ reipublicæ caperent. Id quod ad Vailam accidit: ubi unico cum hostibus congressu id totum periit, quod de cetero annis tot laboribus fuerat quaesitum. Ut proinde his armis lentæ duntaxat, seræ ac exiguæ rerum accessiones, at subitæ & repentinæ jacturæ & calamitates fiant.

Quoniam vero his exemplis eo devenimus, ut de Italia nobis fuerit sermo, quæ multos annos his armis mercenarijs procurata fuit, de his altius disquirere placet; si forte eorum & origine & progressu perspecto, consilia in melius referre fortassis possit.

Itaque attendendum, quod ultimis temporibus cum vis Imperij ex Italia alio translata fuit, ac Pontificis in temporalibus major authoritas excrevit, tota Italia in plures dynastias dissecta sit, quia celebriores urbes in suos Nobiles, quibus antea Imperatorum favore oppressæ parebant, arma sumperunt: ad quod etiam Pontifices, ut inde extinctionem sibi in temporalibus compararent, opem tulerunt. Ex his nonnullæ in Principatum suorum civi-

um ces-

um cessetunt. Ex quo vero Italix potentia quasi in manus ac potestatem Pontificū & nonnullarum Rerumpub. ferme devenisset, cumque hujus generis cives rei bellicæ ignari essent, ceperunt illi stipendia militibus persolvere. Qui primus omnium huic militiæ existimationem attulit, fuit Albericus Comensis è Flaminia. Prodierunt ex hujus disciplina Bracchius, & Sfortia: qui sua tempestate rerum in Italia quasi arbitri fuerunt. Hos reliqui omnes secuti sunt, qui ad hæc nostra usque tempora res bellicas in Italia curarunt. Quarum rerum bellicarum is fuit exitus, ut Carolus Italiam percurreret, Ludovicus diripuerit, Ferdinandus oppresserit, Helvetij deformaverint.

Ordinis bellui quem illi tenebant is primarius erat scopus: sibi existimationē conciliare detracto pedestri militiæ omni honore. Fecerunt illud, quoniam nullam ditionem haberent, sed sua duntaxat industria cogarentur sibi victum querere: peditum paucitas nihil nominis poterat dare, copioso exercitui autē alendo non erant pares. Hinc sane tota res militaris in equitatum per eos abiit: cujus mediocri numero ipsi ali poterant ac in honore retineri. Ita demum factum, ut in exercitu viginti millium hominum, vix duo millia peditum invenirentur. In illud præterea omni industria contenderant, ut à se atque à militibus omnem laborem & metum averterent; ne ullæ cades fierent: capi tantummodo utrinque liceret, & sine ullo pretio dimitti: in objecta sibi oppida noctu tormenta bellica non emitterentur, nec vicissim ex oppidis in tentoria jacerentur: castra præterea nullo vallo, nulla fossa cingerentur, nec hybernis temporibus haberentur. Hæc autem omnia in eorum militaribus atque ab ipsis inventis institutis permixta erant: in eum finem (ut dictum est)

quo

quo laborem & periculum omne devitarent. Sic, ut per eos nunc Italia captiva jaceat ac foedissime deformata.

CAPVT XIII.

De militibus auxiliarijs, mixtis, & proprijs.

Auxiliaria arma, quæ & ipsa sunt inutilia, sunt, cum præpotentem aliquem, ut suis armis nobis succurrat nosque tueatur, accimus. Quemadmodum proximis temporibus à Pontifice Iulio II est factum. Qui perspecto sui mercenarij exercitus tristi specimine, ad auxiliaria arma se convertit, pactusque est cum Ferdinando Hispaniarum rege, ut suis copijs sibi opem ferret.

Possunt quidem id generis arma sua natura & utilia & bona esse: at in evocantem nunquam non perniciofa sunt: quandoquidem ijs fractis eversum, victoricibus vero eorum captivum te senties.

Et si vero his exemplis universæ pene historię antiqua monumenta sint referta: tamen ab hoc Iulij exemplo, quia adhuc recens est, non discedam. Cujus consilio nihil inconsideratius esse potuit, ut qui ad Ferrariam occupandā se totum alienæ potentię commiserit. Sed ejus prospera fortuna effecit, ut tertia quædā res nasceretur, ne sui temerarij consilij fructum caperet. Nam fractis ad Ravennā suis auxiliarijs copiis, ac irrumpentibus Helvetijs (qui præter & suam & aliorum opinionem victores eiecerant) factum est, ne captivus fieret vel hostium, qui jam fugatierant, vel auxiliarium, quia alijs armis non ipsorum victoria potitus erat.

Florentini penitus armis destituti, decem millia Gallorum, ad Pisas expugnandas, stipendijs conduxerant. Quo consilio graviora subierunt pericula, quam unquam antea in

tea in omnibus suis adversæ fortunæ casibus.

Constantinopolitanus Imperator, ut vicinis hostibus occurreret, decem millia Turcarum in Græciam immisit, qui confecto bello illinc abire noluerunt. Quod sane futuræ servitutis totius Græciæ tum Christianæ religionis hostibus initium dedit.

Cui itaque stat sententia, ut velit non posse vincere, hæc arma in usum adhibeat: nam & mercenarijs sunt longe periculosiora. Quandoquidem in ijs quasi tuum exitiū inest: ut quæ tota unita sint, & tota alieno imperio obediant. Mercenarij autem ut post victoriam tibi partam tibi fiant offensi, longiore tempore & majore quadam occasione opus est: quia non ita omnes unum corpus constituunt; cumque à te accitæ atque stipendio sint affectæ, si tertium quempiam illis ducem præficias, non capiunt sibi statim tantum autoritatis, ut te ausint offendere. Summa illa est: in mercenarijs ignavia periculosior est, in auxiliariis autem bellica virtus.

Princeps igitur sapiens quisque semper hæc arma fugit atque ad propria animum contrulit, maluitque suis armis vinci, quam alienis victorem esse: alienis scilicet armis partam victoriam haud veram existimans.

Nunquam verebor in exemplum Cæsarem Borgiam ejusque actiones adducere. Dux ille in Flaminiam cum auxiliari exercitu, eoque toto è Gallica gente collecto est ingressus, atque eorum ope Imolam & Forum Livium cepit. Verum cum parum fida ea arma cerneret, ad mercenaria, ut quibus minus periculi inesse judicabat, se contrulit: & Vrsinos propterea ac Vitellios conduxit. Verum cum usu observasset etiam illa arma dubia, infida, & periculosa esse, opprimenda curavit, atque ad propria arma se con-

H

vertit,

vertit. Quid autem discriminis inter se habeant hæc utraque armorum genera, facile perspicuum fiet; cognita differentia inter eam Ducis Valentini existimationem, quam habuit cum Gallicis tantum subsidiarijs aut Vrsinorum & Vitelliorum mercenarijs copijs instructus esset; & eam, qua floruit, cum proprijs militibus septus fuit. Hoc enim tempore nunquam non illam auctam reperiemus. Nec vero magni nominis est habitus, nisi cum omnes eum integrum possessorem suorum armorum esse agnovissent.

Nolebam ab Italiæ exemplis, ijsque recentibus, discere: nihilominus unum eorum de quibus supra facta est à me mentio, Hieronem Syracusanum, præterire nolo. Is (ut dixi) à Syracusanis declaratus exercitus imperator, statim sensit militiam illam mercenariam non fore utilem: cum jam in ea duces æque essent comparati, atque nunc nostri Itali. Sed tamen cum videret eos se nec retinere nec missos facere posse, ad unum interficiendos curavit. Ex eo postea tempore non alienis armis sed suis bellavit.

Ad hoc institutum illustrandum, ex Veteri Testamento similitudinem aliquam in memoriam revocabo. Cum in provocatorem Philistæum Goliath David dimicaturum sese Saulo obtulisset, ei ut Saulus animum adderet, suis eum armis instruxit: quæ ubi David induisset, rejecit, cum illis, inquit, sese non valere ad pugnam: hostem propterea, cui erat assuetus funda & gladio, aggredi statuisse. Vno verbo: aliena arma, aut ex humeris decidunt, aut sunt tibi oneri, aut te constrictum tenent.

Carolus VII Ludovici XI regis pater, cum Galliam sua fortuna & virtute duce ab Anglis liberasset, hanc sui munien-

niendi proprijs armis necessitatem cognovit, instituitque per suum regnum & equitum & peditum ordines. Hujus filius Ludovicus peditum ordinem sustulit, atque Helveticæ genti stipendia dare cœpit. Ex quo errore, quem posterius ejus (ut nunc re ipsa constat) secuti sunt, ejus regni pericula emanarunt. Conciliata enim Helvetijs existimatione, vilior omnē suam propriam militiam effecit: quia peditatum in universum sustulit, & suæ gentis milites alienis quasi obligavit: utpote qui militare cum Helvetijs jam assueti, nunquam se sine ipsis vincere posse existimant. Hinc sane fit, ut Galli adversus Helvetios non satis virium habeant, contra alios autem sine Helvetijs nihil audeant. Gallica itaque militia mixta est ex mercenarijs, & proprijs. Quæ arma conjuncta meliora quidem sunt ijs, quæ vel simpliciter mercenaria sunt, vel simpliciter auxiliaria; longe tamen proprijs inferiora. Cujus rei exemplum satis est illud quod est superius adductum: quia Galliæ regnum, Caroli instituto aucto vel saltem retento, fuisset invictum. At minuta hominum prudentia sæpe aliquid constituit, quod quia tunc boni non nihil præ se fert, non aperit statim quod ibi delitescit venenum; ut supra de hæctica feбри est dictum. Vt vere sapiens dici non possit ille, qui mala non nisi cum in Principatu nata jam sunt agnoscit. Illa tamen longe antevertere paucis conceditur.

Porro si etiam prima everſio Romani Imperij consideretur, non aliunde eam initium sumpsisse quis intelliget, quam quod Gothi mercede conduci cœperunt. Ab eo sane principio vires Romani Imperij infirmiores sunt reditæ; quia virtutem omnem sibi ademerunt Gothi tribuerunt.

Certum sit igitur : nullum Principatum proprijs armis destitutum unquam fore securum : imo à fortunæ inconstantia (quod virtute careat qua protegatur) totum pendere. Et vero in ea semper & opinione & sententia fuerunt sapientissimi quique: nihil levius, nihil infirmius, aut instabilius esse, quam famam potentiae non propria virtute suffultam.

Sunt autem arma propria, quæ constant aut ex subditis tuis aut ex civibus aut ex clientibus; reliqua omnia mercenaria sunt, aut auxiliaria.

Modus ordinandi domesticam militiam facilis inventu fuerit, perspectis rationibus, quæ à nobis supra posita sunt: considerato item quo pacto Philippus Alexandri Magni pater, nec non multæ Respublicæ & Principes, sese armarint ac instruxerint. Ad quæ instituta lectorem remitto.

CAPVT XIV.

Quid ad militiæ usum Principi conveniat.

Nihil aliud itaque ob oculos sibi statuere debet Princeps, nihil aliud curare, nullam aliam artem exercere, quam bellum, quam militaria instituta, quam denique militarem disciplinam. Ea enim sola ars est imperantis. Est autem tantæ virtutis, ut non solum eos qui Principes nati sunt sustentet, verum & multos privata fortunæ homines ad eum gradum sublimes ferat. Contra vero perspicuum est, Principes, qui magis delirias quam bellicas arteis curarunt, Principatum suum amisisse. Ejus autem amittendi prima causa est hujus disciplinæ neglectus, ut acquirendi, ejusdem est cura ac professio. Franciscus Sfortia armis instructus è privato fortunæ statu Mediolanensi-

gensium Dux fuit euectus : at ejus filij militiæ molestias atque incommoda detrectantes , è Ducibus ad privatam conditionem reciderunt.

Et vero inter alias malorum , quæ te armis denudatum circumstunt , causas est etiam illa : quod tui contemptum pariat. Quæ sane turpitudine præcipua est earum , quæ sunt Principi summo studio effugiendæ : ut infra dicetur. Nulla sane proportio est inter armatum & inermem : nec ratio ipsa patitur , ut armatus sponte ac volens obediat inermi : aut ut qui inermis est securus inter armatos servos versetur ; quoniam fieri non potest , ut inter eos recte omnia agantur , in quorum alteris indignatio , in alteris suspicio obtinet. Porro in nulla existimatione apud milites haberi potest Princeps ille , qui militiæ est ignarus , nec se illorum fidei potest committere : quod ad alias (ut dictum est) infelicitates accedit.

Nunquam propterea cogitationem à belli studio avertere : imo pacis tempore acrius in eo quam belli sese exercere Princeps debet. Id autem duplici ratione efficere potest , opere scilicet & mente. Quod Opus attinet , præter id quod suos quibus præest habere debeat probe ordinatos & exercitatos , ipse venandi studio jugiter incumbat : ut hoc usu & corpus laboribus assuefaciat , & locorum naturam addiscat. Ut intelligat nimirum : quomodo assurgant montes : quo pacto vallium ora aditum admittant : uti diffusi campi pandantur : ut fluminum præterea naturam & paludum noscat : atque in hoc summam judicet adhibendam curam. Quæ cognitio duplicem affert utilitatem. Prima est , quod ita explorata sibi pateat tota suæ ditionis regio , meliusque curam impendere possit illius defensioni. Altera est : quia ex tali locorum judicio &

usu, facile situm loci alium quempiam, qui recenter est propositus speculandus, animo complecti potest. Nam qui in Etruria (verbi gratia) siti sunt colles, valles, æquatæ planities, flumina, & paludes, habent cum ijs quæ in alijs sunt provincijs eertam quandam similitudinem: ut ex unius provinciæ situ in aliarum etiam cognitionem facillime deveniri possit. Princeps sane qui hac caret peritia, præcipua destituitur parte qua belli dux instructus esse debet. Quoniam hæc hostem invenire, castris locum capere, exercitum ducere, diem indicare pugnae, urbes denique docet cum commodo obsidione cingere.

Philopoemenis Achæorum principis, inter alias quæ à scriptoribus ei tribuuntur laudes, ea una est, quod pacis tempore nihil quam rationem bellandi animo versaret; atque campos cum amicis peragrans, sapius gradum sifteret, unaque cum ipsis differeret: quæso inquires, si forte collem illum hostes tenerent, nosque hic cum exercitu consisteremus, uter nostrum superior esset? quo pacto servatis ordinibus tuto eos aggredi possemus? cupientibus item nobis pedem referre, quomodo esset agendum? si ipsi revocare gradum vellent, qua ratione insequi possemus? Atque ita proficiscens, omnia quæ in exercitu casu evenire possunt, illis proponebat, eorumque sententias intelligebat, suam afferebat, ac rationibus confirmabat. Sic, ut ex hac jugi cogitatione nunquam posset inter ducendum exercitum aliquid adversi casus suboriri, cui ipse non haberet quo occurreret remedium.

Quod Mentis exercitium spectat, Principi evolventæ sunt historiæ, in illisque præstantium virorum res gestæ inspiciendæ: videndum quid in bello gerendo consilij tenuerint: examinandæ causæ victoriæ aut accepti detri-

men-

menti, quo & has fugere, & illas imitari possit. Illud imprimis faciat, quod olim à præstantibus quibusque viris factitatum est, ut si quem ante sua tempora laudibus & gloria ornatum audiverit, eum sibi imitandum proponat, illiusque semper & res gestas & actiones apud se teneat. Quemadmodum Achillis Alexandrum Magnum, Cæsarem Alexandri, Cyri Scipionem imitorem fuisse dicunt. Et vero si quis vitam Cyri à Xenophonte descriptam legerit, facile intelliget ex Scipionis vita, quantum ei ex imitatione isthac gloriæ accesserit, quamque in castitate, comitate, humanitate, & liberalitate Scipio sese composuerit ad ea, quæ à Xenophonte de Cyro prodita sunt.

Id generis modos sapiens Princeps observare debet, nec unquam pacato tempore otiosam vitam ducere, verum summo studio eos omnes in pretio habere: ut in rebus adversis sibi usui esse possint, atque fortuna resiliante, ad omnes ejus ictus declinandos propulsandosque sit instructus.

CAPVT XV.

De ijs rebus, quibus homines, maxime vero Principes, aut laudantur aut vituperantur.

Reliquum est ut videamus quænam instituta Principis esse debeant, quæque vitæ quotidianæ consuetudo cum suis subditis & amicis. Et quoniam non ignoro multos in hoc genere scribendi operam locasse; vereor, ne si & ipse ad scribendum de eisdem rebus me conferam, id arroganter esse factum credatur, si præsertim alienam à communi aliorum sententia de hac re disputationem institutam. Verum cum animus sit ea scribere, quæ intelligenti

genti utilitatem afferunt, magis consentaneum visum est, veritatem rei, quam ejus inane figmentum sequi. Et sane multi Respublicas & Principatus quosdam animo effinxerunt, qui nunquam sub aspectum ullum venerunt, multo minus revera extiterunt. Tantum distat vero ratio, qua homines vivunt, ab ea qua debebant vivere, ut qui negligit id quod fit, intentus duntaxat illi quod debebat fieri, is addiscendo sibi ruinam potius atcerfat quam aliquid salutis. Qui sane se virum omnibus partibus bonum præstare studet, cum inter tot non bonos periclitari necesse est. Necessarium est itaque Principi, si se salvum velit; ut sciat qua ratione possit esse non bonus; idque pro rei necessitate in suum usum convertat vel non convertat.

Quapropter posthabitis quæ de Principe duntaxat animo sunt effecta, de ijs quæ vera sunt differens, ita dico. Omnes Principes (de his est sermo, quia præ aliis editiore loco positi sunt) harum rerum aliqua notari solent; idque vel ad laudem vel ad vituperium. Ut alius nimirum dicatur liberalis, restrictus & tenax alius: quidam munificus, raptor alius: alius crudelis, alius clemens: quidam foedifragus, fidelis alius: unus effœminatus & abjecti animi, alter vir fortis & ferox: alius humanus, superbus alius: alius libidinosus, castus alter: quidam simplex, alter astutus: alius asper, alius lenis ac facilis: alius gravis & severus, alius levis ac dissolutus: unus religiosus, alter à pietate alienus; & his similia.

Nemo non fatebitur scio, fore rem summis laudibus celebrandam, si omnibus his Princeps fuerit ornatus, quæ ex jam dictis bona existimantur. Verum cum nec haberi, nec per adversantem humanæ vitæ conditionem ser-

vari

vari possint, necessarium est valere Principem ea prudentia, ut infamiam fugiat eorum vitorum, quibus illi imperium adimi possit. Caveat etiam ab ijs, si fieri possit, etsi non auferrent: si fieri non possit, quam minimo tamen detrimento omittantur. Nec multum sane laboret, si in eorum vitorum infamiam incurrat, sine quibus dominatum non facile tueri possit. Vtpote quum, si diligenter animo reputes, reperiantur quædam, quæ virtutes creduntur, quæ tamen si sequaris, id tuo magno malo fiat: contra vero nonnulla deprehendantur in speciem vitiosa, quæ si assumas, in tuam & securitatem & incolamitatem sint cessura.

CAPVT XVI.

De liberalitate, & tenacitate.

INitium itaque sumens ab eo, quod inter jam dicta primum locum est sortitum: non negarim fore optimum, ut Princeps habeatur liberalis. At vero ita liberalem esse ut tu non metuaris, sane obest. Nam si ex virtute, & quemadmodum fieri par erat, benignus sis, id obscurum jacebit, nec à contrarij vitij infamia te liberabit. Quapropter, ut apud homines liberalitatis nomen quis accipiat, necessarium erit, nullius generis luxum omittere: adeoque talis Princeps, nunquam non opes suas & fortunas est profusus, adigeturque tandem (si liberalis nomen sibi conservatum velit) extraordinarie populum suum gravare exactionibus, ac omnia moliri quibus pecunias sibi congerere possit. Hinc fit, ut suis subditis fiat inivisus, atque ad inopiam redactus in exigua apud omnes habeatur estimatione. Sic, ut hac sua liberalitate compluribus læsis, paucis contra beneficio affectis, ad

primum quodque incommodum nutet atque in primo quoque discrimine periclitetur : id quod si ipse jam intelligat, & ab incepto desistere velit, confestim in famam avari incurrit. Proinde Princeps si hac liberalitatis virtute, sic ut omnibus illa illustris fiat, sine detrimento uti non possit, si sapit, tenacis nomen non reformidabit. Nam progressu temporis, cum perspectum fuerit, ex sua parsimonia abunde sibi vestigialium suppetere, ut possit res suas ab ijs qui bellum erant illaturi, tueri, & non gravata multitudine res aggredi insignes; tunc, munificus habebitur, ideo quod in omnes illos liberalis censeatur, quibus nihil ademit, qui pene sunt infiniti; parcus autem in eos, quibus nihil contulit, qui pauci sunt.

Ætate nostra vidimus nihil laude dignum esse factum nisi ab ijs qui parci sunt habiti, reliquos autem perijsse. Julius II Papa postquam liberalitatis nomine ad Pontificatum aucupandum se satis superque fuisse perfunctum cognosceret, illius nominis conservandi postea securus in diversum abiit, quo Galliarum regi bellum posset inferre; totque bellis gestis, nihil aut tributi aut vestigialis extra ordinem unquam imperavit: quia immoderatis sumptibus satis subministravit ejus diutina parsimonia. Hispaniarum qui nunc regnum obtinet, si liberalis nomine commendari voluisset, nunquam tot res gerere, victorijsque potiri potuisset.

Proinde Princeps (ne suos spoliet, utque sese tueri ac sustinere possit, in pauperiem item & contemptum ne recidat, aut ad rapinas ne adigatur) avaritiæ nomen parvi faciendum ducat: quia hoc unum vitiorum est, quod ipsum facit regnare.

At si quis C. Cæsarem dixerit sua liberalitate ad imperi-

perium pervenisse, aliosque complures, quod & essent & haberentur liberales, ad altissimos honorum gradus fuisse evectos, responderim: Aut tu jam es Princeps, Aut ad illum gradum adhuc es in via. In priore statu hæc tua liberalitas fuit noxia tibi: in altero si vivas necessarium est, ut liberalis habearis. Cæsar ex ijs erat, qui ad Romani Imperij Principatum aspirabant: verum eo occupato, si superstes fuisset, nec sumptibus fuisset temperatum, totum illud Imperium profudisset.

Si iterum quis dixerit, multos exstitisse Principes, qui suis exercitibus res magnas gesserunt, & tamen liberalissimi habiti, dicendum est: Principem vel de suis suorumque subditorum, vel de aliorum bonis sumptus facere. Si primum, parcus esse debet: si secundum, necesse est ut nullam partem liberalitatis prætermittat. Atqui Principi in expeditionem exercitum educenti (qui exercitus præda, direptionibus, tributis sint alendi) alienaque tractanti, necessaria est hæc liberalitas: alioquin milites illum non sequentur. Quod autem non est tuum nec tui populi, id liberalius conferri potest: uti à Cyro, Cæsare & Alexandro factum constat. Non enim id quod de alienis bonis infumis, tibi existimationem adimit, imo cumulationem reddit: sed à proprijs opibus absumptis tibi detrimentum venit. Atque nihil est quod magis seipsum conficiat, quam liberalitas: qua dum uteris facultatem utendi amittis, atque redigeris vel ad egestatem, vel ad tui contemptum, vel si pauperiem velis fugere, ad rapienda aliena atque ad id ut fias invisus. Omnium maxime autem Principi est vitandum, ne aut contemnatur, aut odio habeatur, ad quorum utrumque liberalitas illum facile impellit. Quare sapientius est nomen Parci sustinere, quod

infamiam absque odio parit; quam liberalis ut dicaris, necessitas isthuc adigi ut raptoris nomen merearis, quod infamiam summo cum odio conjunctam attrahit.

CAPVT XVII.

De crudelitate & clementia: atque satiusne sit amari, quam metui.

IAm ad alia eorum quæ supra recensuimus devenientes fatemur, unicuique Principi optabile fore, ut clemens, non crudelis haberetur: nihilominus cautio adhibenda est, ne hæc ille abutatur clementia. Cæsar Borgia immanis existimabatur: sua tamen immanitate totam Flaminiam in integrum restituit, in unum collegit, atque ad pacem & fidem redegit. Quod si probe consideretur: Florentino populo deprehenderetur illum mitiorem fuisse: qui ut crudelitatis nomen effugerent, siverunt Pistoriensium urbem evetti.

Parvi itaque ducat Princeps sævitæ nomen, quo suos subditos concordēs & in fide retineat. Paucissimis enim suppliciis clementior illis eris, qui nimia lenitate permittunt ut rerum perturbationes sequantur, unde exdes aut rapinæ nascuntur. Totam enim multitudinem hæc offendere solent, cum illæ animadversiones, quæ à Principe proficiuntur, nō nisi aliquot singulares lædant. Inter omnes autem Principes ille potissimum qui novus est, fieri non potest ut inclementis nomen effugiat, cum novi dominatus adeo periculis sint referti. Hinc Virgilius ore Didonis regni sui inhumanitatem novitate excusat, inquit:

*Res dura, & regni novitas, me talia cogunt
Moliri, & late fines custode tueri.*

Nihil

Nihilominus gravitatem quandam adhibeat Princeps, quo minus temere omnia credat, aut quibuscvis moveatur, aut sibi ipsi metum injiciat: verum ita rerum administrationem prudentia & humanitate temperet, ne nimia confidentia incautum aut nimia diffidentia intolerabilem efficiat.

Oritur ex hoc quaestio, *satiusne sit amari quam metui, an metui quam amari?* Vtrumque dici possit esse necessarium: verum difficile cum sit ambo simul conjungi, tutius est (si altero sit earendum) metui quam diligi. Nam de hominibus universis affirmari potest, eos ingratos esse, inconstantes, simulatores, periculorum fugitantes, lucri cupidos: quamdiu de eis bene mereris ac necessitas procul abest, tui omnes sunt studiosi, offerunt sanguinem pro te effundendum, fortunas, vitam, liberos: at periculo premente, ut supra docuimus, confestim desciscunt. Princeps vero, qui ab omni alio apparatu nudus, eorum pollicitationibus verbotenus factis penitus nititur, in princeps fertur: quandoquidem amicitiae, quae non animi magnitudinac & praestantia sed pretio comparantur, debentur quidem meritis, at eas possidere aut in tempore in usum tuum adhibere non potes. Homines praeterea minore respectu offendunt eos qui student ut diligantur, quam qui metuuntur. Nam amor solo officij vinculo continetur: at cum homines omni improbitate laborent, ad quamcunque proprii commodi levem occasionem, vinculum illud rumpunt. Contra metus, formidinae perpetua instantis poenae, nunquam non animo obversante, retinetur. Ita tamen se metuendum exhibeat Princeps, ut si inde benevolentia non concilietur, odium tamen vitetur. Nam satis pulchre cohaerere possunt, timeri, & in odio non esse.

Quod quidem nunquam non erit, si suorum civium & populorum abstineat bonis & mulieribus. Quod si quando in vitam alicujus fuerit animadvertendum, id tunc ne vereatur facere, cum & facti ratio & manifesta causa id exigit. Ante omnia vero abstineat Princeps à fortunis alienis: quia citius parentum cædem oblivioni dant homines, quam fortunarum suarum direptionem. Ad hæc eripiendi aliena nunquam non aderunt causæ. Qui etiam rapinis victitare incipit, perpetuo causas exquiret, quibus alienas opes occupet. Contra, sanguinis effundendi rariores sunt causæ, citiusque prætereunt atque deficiunt.

Porro Principi jam in exercitu versanti, atque multitudinis militaris curationem habenti statuendum omnino est, ut illo tempore inhumanitatis nomen pro nihilo ducat: quia hujus nominis expertus, nunquam exercitum conjunctum, nec ad aliquid aggrediendum instructum retinere potest. Inter alia digna omni admiratione quæ gessit Annibal, illud quoque recensetur, quod cum copiosissimum peneque ex infinitis gentibus compositum haberet exercitum, conductum ut in alienis terris militaret, nulla unquam aut inter se aut in ipsum ducem fuerit suborta seditio: idque constanter, in utraque fortunæ conditione, tum adversæ tum prosperæ, fuisse factum. Quod aliunde proficisci non potuit quam ab illa ejus effera sævitia: quæ una cum infinitis cæteris ejus virtutibus, in conspectu totius exercitus augustum illum atque terribilem reddidit, & sine qua cæteræ virtutes satis non fuissent tantæ rei præstandæ. Cæterum scriptores parum considerate, ejus res gestas admirantur quidem, ex altera tamen parte potissimam earum causam accusant. Reliquas autem illius vir-

virtutes ad id non fuisse suffecturas, id facile est perspicere in Scipione, viro singularissimo non solum suæ tempestatis verum in omni rerum quæ sciuntur memoria: utpote cujus exercitus in Hispania ab eo desciverunt. Nec vero hoc aliunde fuit profectum, quam ab ea lenitate nimia, qua milites effecerat licentiores, quam militari disciplinæ conveniebat. Id quod postea in Senatu fuit illi exprobratum à Fabio Maximo, Romanæ militiæ corruptorem illum appellante. Locrenses à Scipionis quodam legato eversos ipse non vindicavit, nec de illius sui legati insolentia poenas sumpsit; quod omne ex illius facilitate ingenij nascebatur: adeo ut illam excusandam in Senatu cum suscepisset, multos, inquit, esse homines, qui melius errata vitare, quam aliorum errata corrigere nossent. Quod ingenium temporis progressu Scipionis & nomen & gloriam violasset, si cum eo in imperio retinendo perseverasset. Sed quia vixit ille sub regimine Senatus, hæc vitiosa ejus affectio non solum latuit verum maximæ gloriæ fuit.

Concludo igitur de metu & amore, quo quis aut diligere aut metui debeat, & sic statuo. Cum homines ad arbitrium suum ament, metuant autem ad Principis voluntatem; Princeps qui sapientia valet, eo quod suæ est non alienæ facultatis debet niti. Illud vero duntaxat omni diligentia curet, ne in odium incurrat, ceu dictum est.

CAPVT XVIII.

Quo pacto fides à Principe sit servanda.

Quam sit omni laude dignum in Principe fidem servare, atque vitæ integritatem sine dolo malo retinere, nemo est qui non intelligat.

Ve-

Verum, cum sint duo genera decertandi, unum jure legum, alterum per vim: cumque illud proprium sit hominis, hoc belluarum; confugiendum ad posterius, si non satis est si utaris primo. Proinde necessarium est, ut Princeps rectum utriusque, & belluæ & hominis, usum teneat. Invulcro quodam hæc pars Principibus est à veteribus scriptoribus tradita: asserentibus Achillem compluresque alios ex prisca illis Principibus, Chironi Centauro educandos atque in ejus disciplinam fuisse traditos. In eo enim quod præceptorem mixti generis, & hominis & belluæ, habuisse dicunt, nihil perinde Principi fore necessarium docuerunt, quam utriusque naturæ usum, & quod unum sine altero non sit durable.

Cum itaque magni referat Principem belluinum ingenium scite inducere, ei tum vulpis tum leonis mores assumendi erunt: quia leo sibi à laqueis non cavet, vulpecula vero lupos non cavet. Ut itaque laquei caveantur, vulpeculam agere oportet; lupi vero ut terreantur, leonem. Qui sane simpliciter leonis vestigijs insistant, rem non tenent.

Princeps propterea qui sapientia est præditus, debet ea promissa vitare, quæ suis commodis contraria fore videt. Atqui homines si probi essent omnes, præceptum hoc plane esset inutile: verum cum improbi sint, nec fides tibi bene servent, non est etiam quare tu illis serves. Nec vero unquam Principibus defuturæ sunt causæ, quibus violatæ jam fidei fucum inducant.

In hanc rem fere infinita possent recentia proferri exempla, atque illis ostendi, quot pacis fœdera, quot promissa & conventa fuerint irrita & vana reddita Principum perfidia. Qui vero vulpinum ingenium melius exprimere potuit, ei felicius omnia ceciderunt.

Vo-

Verum hanc naturam plurimum refert ut quis recte norit colore tegere : ut sit magnus simulator ac dissimulatur. Homines sane adeo simplices sunt , adeo præsentibus necessitatibus obsequentes , ut si quis fallere velit , statim sit habiturus qui se decipi pariat. Quo magis tales homines cavendi erunt , eorumque artificium arte frustrandum.

Nolo inter recentia exempla unum reticere. Alexander sextus Papa nihil quam hominum deceptorem egit , nihil quam ad omnem malitiam & fraudem (quo hominum genus falleret) mentem suam exercuit. Nemo in asseverando quid magis fuit efficax, nemo majore jurejurando aliquid affirmavit , & minus præstitit. Nihilo scius doli nunquam non commode ei cesserunt , quia fallendi artem & hosce mores hominum probe callebat.

Proinde non est quod Princeps omnes superius descriptas virtutes habeat: necessarium vero est apparere , quasi habeat. Imo ausim dicere, semper noxium esse, si Princeps illis sit præditus & illos observet ; utile vero, si Princeps simulet se illas possidere. Ut, simulet pietatem, fidem, humanitatem, religionem, integritatem : modo animus ita compositus sit, ut, si opus, possis in contrarium mutare. Sciendum sane, Principem, maxime Principem novum, non posse observare omnia illa ob quæ homines creduntur boni; quoniam sæpissime cogitur agere contra humanitatem, contra caritatem, contra religionem; ut statum conservet. Quocirca ad omnem ventorum & fortunæ conversionem versatile ingenium Princeps habeat, est necesse : & (ut jam dictum est) ab eo, quod bonum est, ne discedat : at si necessitas urgeat, edoctus sit & malum avertere.

K

Inid

In id itaque Princeps curam diligentiamque omnem adhibeat, ne quid ex ejus ore excidat, quod quinque illis jam numeratis virtutibus non sit refertum; atque ita conspicendum sese audiendumque exhibeat, ut pietatem, fidem, integritatem, humanitatem, religionem sancte colere videatur. Nihil vero est quod magis præ se ferre oporteat, quam postremam hanc virtutem. In universum quippe homines magis oculis quam manibus judicant: idque quia videre omnibus, atrectare paucis datum est. Nemo non videt qualis tu videaris: at pauci sunt qui, qualis sis, sentiant: illi autem pauci non audent multorum opinioni, qui defenduntur imperij maiestate, adversari. In hominum sane, præsertim vero Principum actionibus (ubi nullum habetur constitutum, ad quod vocentur, iudicium) rerum eventum plerique expectant.

Vitam igitur Princeps tueatur, curetque statum conservare. Rationes quibus id fit, nunquam non honore laudibusque dignæ existimabuntur. Ducitur namque vulgus perpetuo quasi captivum specie recti & rerum eventus; & nihil fere quam vulgus toto in orbe versatur: pauci vero ibi locum obtinent, ubi plurimi non habent quo nitantur. Princeps quidam nostri temporis, cujus nomini parcendum est, nihil magis laudat, quam Pacem & Fidem; at si unam alteramque harum observasset, ne illæ sæpissimè statum ipsius & auctoritatem evertissent.

CAPVT XIX.

Principi tum contemptum sui, tum odium, esse fugiendum.

Quoniam de Principis dotibus superius differens mentionem feci duntaxat de ijs, quæ majoris sunt momenti
reli-

reliquas nunc breviter sub universa quadam tractatione disquiram. Vt Princeps scilicet cogitet (ceu nonnihil superius attingi) ea fugienda, quæ infensum & vilem eum reddere possunt. Quando sane hoc declinaverit, suas partes plane absolvit, neque à cæteris infamiae notis ullum periculum experietur.

In Odium maxime omnium, ut dixi, adducitur, si fuerit rapax, & usurpator bonorum ac mulierum subditorum suorum. Quibus proinde abstinendum est. Quotiescunque multitudinis parcitur bonis & honori, præclare secum agi ducunt homines: & duntaxat superest oppugnanda ambitio paucorum, quæ multis modis nulloque negotio reprimi potest.

Contemptus quis redditur, si varius, si levis, si effeminatus, si timidus, si denique habeatur animi dubius. Ideoque omnia hæc tanquam scopulos fugere studeat Princeps, adnitaturque, ut in omni administratione rerum, animi magnitudo, spiritus ingens, gravitas, fortitudo cluceat. Apud eos porro qui inter subditos digniores sunt, ita sententiam suam, quam semel pronuntiavit, ratam ac firmam habeat, ut ab ea nunquam deduci aut dimoveri illum posse, hi certo credant. Talem præterea de se opinionem retinere studeat, ut nemo illum aut decipi aut flecti posse, cogitet.

Ille Princeps, qui talem de se opinionem concitavit, semper habetur maximi. In eum vero, quem omnes magnificiunt, difficilis est conjuratio, difficilis irruptio: modo fama ferat, eum apud suos excellere & summa veneratione coli. Duplici enim metu teneri Principem oportet: altero interiore & domestico, subditorum causa; altero exteriori propter potentes extraneos. Ab hoc se as-

ferit idoneis armis & fideis amicis. Arma idonea autem si adsint, nunquam non bonos amicos habebit: & domi firma erunt semper omnia, si firma sint quæ foris geruntur; nisi sane aliqua perturbentur conjuratione. Si tamen quid novarum rerum agitetur, is qui ita instructus est, quique vitæ rationem talem instituit qualem præscripsimus, semper (modo seipsum non deserat) omnem impetum feret ac sustinebit. Quemadmodum Nabidem Spartiatam fecisse diximus.

At à subditis, si quando externa quiescunt, illud timendum est, ne qua per eos conjuratio fiat. Ab illa autem Princeps se facile securum vindicabit, contemptu & odio virato, & si populus per eum cumulate sibi satisfactum asserat; quod consequi (ut latius supra patuit) necessarium est. Omnium vero remediorum contra conjurationem maximum Principi est, odij & contemptus à multitudine vitatio. Semper enim is qui in aliquem conspirat, sibi persuadet, Principis morte populo se satisfacturum. Si in ea autem fuerit opinione, ut credat id fore apud populum sibi offensionem, in animum non adducet; quia conjurantibus quæ imminet difficultates pene infinitæ sunt. Re ipsa profecto cernitur, multos quidem conjurasse: quibus vero feliciter cesserit paucos admodum fuisse. Qui scilicet conjurat, nec solus esse, nec socium sibi asciscere potest, nisi ex ijs quos esse offensos existimat. Verum ubi primum offenso cuiuspiam animi tui consilium aperueris, facultatem illi concedis, qua sibi cumulate satisfieri possit: quandoquidem detecto animi tui cogitato, omnia sibi inde commoda polliceri potest. Ab una nempe parte quæstum certum eum videat, ab altera vero incerta omnia & periculi plena, par est, ut aut

EARUS

ratus sit amicus, aut, ut tibi fidem servet, pervicaci odio in Principem sit affectus.

Vt rem ad pauca redigam, ita pronuncio. Conjuratorum partes metum, sollicitudinem, poenæ formidinem, perpetuos comites habent. At à Principis partibus stant Principatus majestas, leges, defensiones ab amicis & tota provincia: quæ omnia adeo illum tutum reddunt, ut si his accedat popularis benevolentia, fieri non possit, ut quis adeo temerarius sit, ut conspirare velit. Nam fere asfolet, ut cum ante admissum facinus sit conjurato timendum, in hac re etiam post patratum scelus etiam sit illi timeendum: quia jam ob commissum facinus insensam habeat multitudinem, ac propterea nullum possit sperare perfugii locum.

Hujusrei possent infinita exempla proferri: sed illo uo- no, quod patrum nostrorum memoria contigit, contentus esse volo. Annibale Bentivolo, hujus Annibalis qui nunc est avo, qui Princeps erat Bononiensium, à Cannefchis, qui in illum conjurarant, interfecto, nec ulla ex illo, quam Joannetune in cunis agente, relicta prole; statim à patrato homicidio excitata est multitudo, quæ totam Cannefchorum familiam exde sustulit. Quod sane à populari illa in Bentivolam gentem, qua illa tum fruebatur, benevolentia profectum esse constat. Quæ sane tanta fuit, ut cum nemo ad Principatum regendum superes- set, indicio accepto, quod Florentiæ esset qui è Bentivo- lorum gente genus duceret, ad illud usque tempus fabri- filius habitus, illum accersitum eo profecti sint Bononi- enses, eique suæ civitatis administrationem detulerint: quam ille tamdiu est moderatus, donec Joannes ad æta- tem imperio regendo idoneam pervenisset.

Dico itaque: conjurationes omnes Principi parvificiendas esse, ubi populi in eum fuerit propensa voluntas: at eo infenso & inimico, omnia sunt Principi & ab omnibus timenda. Principatus præterea bene constituti, Principesque sapientes omni diligenti cura statuerunt, ne viri primarij ad desperationem adigantur, utque populi desiderijs satisfiat. Et vero hæc omnium gravissima est materia, quam tractet Princeps.

Inter ea regna, quæ hac nostra ætate bene constituta prudenterque curantur, Galliarum regnum numeratur. In quo sane plurimæ sunt sapientes constitutiones, à quibus Regis & libertas, & securitas pendet. Horum primum est Parlamentum, ejusque autoritas. Quandoquidem qui illud regnum instituit, cognita potentum ambitione eorumque insolentia, censuit illius orialiquod frenum esse imponendum. Ex altera parte animadvertens odium multitudinis in potentiores metui duntaxat inniti, cupiensque eos securos reddere, noluit hanc curam Regi committere, ut ille omni apud regni proceres liberaretur invidia, si multitudini faveret, & apud multitudinem, si procerum partes complecteretur. Ob id tertium quendam constituit judicem, qui sine Regis invidia Proceres caderet, & tenuiores tueretur. Nihil sane melius, nihil sapientius decerni potuit: nec regni, aut ipsius Regis major est securitatis causa. Hinc vero alterum quid notatu dignum elicitur: ut nimirum ea Princeps quæ invidiam parere possint per alios curare jubeat, sibi vero quæ grata sunt reservet. Conclusum igitur denuo sit; existimationem procerum Principi in pretio esse habendam, ita tamen ne populi sibi odium conciliet.

Compluribus fortasse qui legerunt vitas & mortes
Impe-

Imperatorū Romanorum, videri possunt illorū huic meæ opinioni repugnare exempla : quia nonnulli aliquem invenerint, qui, etsi egregie vixerit, & ingentem animi magnitudinem præ se tulerit, imperium tamen amiserit, aut à suis, qui in illum conspirarunt, fuerit interfectus. Cupiens itaq; ad hæc, quæ objecta sunt respondere, in nonnullorum Imperatorum mores & ingenium disquiram, & causam cur perierint examinabo, eam verò esse non dissimilem his, quæ proposita sunt, ostendam. Tum considerata proponam, quænam digna sunt notari ab ijs qui res gestas illorum temporum legunt. Volo vero ulterius eos omnes Imperatores oratione complecti, quibus imperij successio obvenit, à Marco Philosopho ad Maximinum usque initio ducto : qui sunt Marcus, ejusque filius Commodus, Pertinax, Julianus, Severus & Antoninus Caracalla ejus filius, Macrinus, Heliogabalus, Alexander, & Maximinus.

• Illud principio observandum est, cum in omni alio Principatu unicum certamen soleat esse cum procerum ambitione & populi insolentia, Romanos Imperatores tertia quadam affectos esse difficultate, quod illis ferenda fuerit militum crudelitas & avaritia : idque cum difficile esset, causam exitij multis attulisse. Et vero factu haud facile est, militum & populi votis satisfacere, quia populus quietem amat, ob idque Principes amat modestos : milites vero amant eos, qui animo bellicoso, insolenti, crudeli, & rapace sunt insignes. Hæc omnia sane Romanus miles in populum cupiebat ab Imperatoribus exerceri, quo duplicata stipendia habere & avaritiam & sævitiam suam explere possent. Hinc factum est, ut illi Imperatores, qui eam de senatura vel arte partam opi-

nio-

nionem non attulerunt, qua utrumque hominum genus freno posset compesci, corruerint atque oppressi sint. Ast eorum maxima pars (illi præsertim, qui novi principatum inierunt) perspecta difficultate utriusque illius diversi ingenij, eo animum inclinavit, ut militibus gratificaretur, injurias populi parvi faciens. Quod consilium necessarium fuit: quia cum Principes vitare non possent, quin in aliorum odium incurrerent, illud inprimis contendendum fuit, ut multitudinem sibi insensam facerent: id autem si obtinere non possent, in id omnium maxime incumbendum fuit, ut ejus multitudinis offensionem declinarent, quæ erat potentior. Hac sane de causa Imperatores, qui ob principatus novitatem studijs & favore extra ordinem opus habebant, militibus libentius, quam populo sese adjunxerunt. Id in tantum vel damnum vel commodum illis attulit, inquantum Princeps ipse dignitatem suam & auctoritatem retinendi peritus fuit.

Hisce de causis factum est, quod Marcus, Pertinax, Alexander, viri modestæ vitæ & justitiæ cultores, crudelitatis hostes, humanitate & comitate præditi, tristes exitus sint consequuti. Præter unum Marcum, qui honorate vixit, & obiit; idque quoniam Imperij successio hæreditario jure ei obtigisset, eoque non esset cur ille aut militibus aut populo illud acceptum ferret; cum tanto præterea virtutum comitatu, quæ illum venerandum & augustum effecerant, septus esset. Semper sane quoad vixit, utrumque ordinem, ab omni odio & sui contemptu liber, intra officij fines continuit. At Pertinax repugnante exercitu fuerat ad imperium evehctus: qui, cum sub Commodo assuetus esset dissolute vivere, non poterat id genus honestæ vitæ, ad quod illum Pertinax cupiebat adduci, æquo animo ferre. Hinc
sane

sane odio sibi eorum conflato, cum illi odio contemptus (quod jam senex esset) accessisset, inter initia delati imperij concidit. Vnde & illud animadvertere licet, honestæ æque ac turpis vitæ factis odium conciliari. Quocirca (ceu supra dictum) Princeps qui imperium salvum velit, cogitur nonnunquam esse non bonus: quandoquidem si multitudo, aut populi, aut militum, aut optimarum, cujus opera ad imperium sustinendum te indigere cognoscis, fuerit depravata, obsequi ejus studio atque illi morem gerere necesse est. Quo tempore quæ facta honesta Principi vehementer sunt contraria.

Sed veniamus ad Alexandrum; in quo vistantur extitit probitatis, ut inter alias laudes quæ illi tribuuntur, illa censeatur, quod toto illo quatuordecim annorum spatio, quo imperium fuit moderatus, nemo indicta causa fuerit interfectus. Nihilominus cum effoeminati animi fuerit habitus, & qui maternis consilijs sineret se duci, ob id in contemptum delapsus, ab exercitu in eum conspirante fuit interfectus.

Nunc vicissim mores & ingenium Commodi, Severi, Antonini Caracallæ, & Maximini examinantes, atrocissimos illos deprehendimus ac rapinis inhiantes. Hi ut militum cupiditatem explerent, à nullo injuriarum genere, quod in populum committi potest, abstinuerunt: omnibus tamen, Severo excepto, tristes obtigerunt vitæ exitus. Severus enim tanta excelluit animi virtute, ut postquam militum animos in se propensos continuisset, tametsi populus esset à se duriter oppressus, potuerit tamen imperium feliciter semperque retinere. Illius namque virtutes ita illum in conspectu cum exercitus tum reliqui populi suspiciendum effecerunt, ut hi attonitis quo-

L

dam.

dammodo hærentes animis & stupore perculsi, illi vero ejus reverentia tacti atque satis contenti, æque quiescerent.

Et quoniam hujus res gestæ præclaræ fuerunt in Principe novo, paucis ostendam, quam pulchre vulpeculæ personam & leonis in usum suum inducit: quorum ingenia & naturam Principi imitanda (ut dixi) existimo.

Severus cognita Iuliani Imperatoris ignavia, persuasit exercitui, cujus ipse in Illyrio ductor erat, optimum fore, ut Romam Pertinacis Imperatoris cadem vindicturi proficiscerentur, qui à prætoriano milite erat interfectus. Hac itaque specie, ne ad Imperium aspirare videretur, exercitus contra Romam movit: ac prius in Italiam venit, quam de illius discessu fuerit rescitum. Cum Romam venisset, Senatus metu adductus Imperatorem illum, Iuliano vita functo, declaravit. Post hæc, duo superfuerunt Severo ad absolutum imperium occupandum: alterum in Asia, ubi Niger exercituum Asiæ præfectus Imperatorem & ipse se salutare jusserat: alterum in occidente ab Albino, qui itidem ad Imperium aspirabat. Verum cum perspiceret periculosum fore, si se utrique hostem declararet, statuit Nigrum adoriri, Albinum autem dolo circumvenire. Ad hunc propterea literas dedit: eum ab Senatu Imperij procuratio fuerit sibi delata, se statuisse eam dignitatem utrique communem facere: atque Cæsaris titulo ad illum misso, ex Senatus decreto illum collegam sibi adjunxit. Quæ omnia ab Albino pro veris bona fide fuerunt accepta. At Severus, devicto atque interfecto Nigro, Orientisque rebus probe compositis, Romam reversus, contra Albinum, (quasi beneficii à se accepti

cepti immemor, suam cædem per prodicionem esset molitus) apud Senatum conquestus est, ob idque esse necessarium, ut eos conferat de illius ingratitude meritas poenas sumpturus. Inde ergo in Galliam profectus, una cum Imperio vitam illi ademit. Qui itaque hujus viri res gestas exacte animo reputaverit, eum leonem ferocissimum dicet, vulpeculam quoque astutissimam: eamque & timore & reverentia ab omnibus fuisse cultum, ab exercitu autem nec spretum, nec contemptum unquam fuisse, intelliget: desinetque mirari, quod homo novus tamdiu Imperium retinere potuerit. Summa nempe ejus existimatio semper illum à populi odio, quod ex rapinis in se concipi potuisset, vindicavit.

Ejus filius Antoninus, vir itidem præstantissimus habitus est: ac multis rebus excelluit, quæ illum & in omni populi conspectu admirandum reddiderunt, & exercitui summe gratum. Erat enim vir plane bellicosus, omnium laborum patientissimus, & qui omnem ciborum lautitiam vitæque molliæ universam summa opere aspernaretur. Quod militum animos erga se benevolos ac propensos effecit. Nihilominus tanta ejus fuit ferocia & tam inaudita crudelitas (nam propter multiplices prætextus majorem populi Romani partem, Alexandrinâ vero universam multitudinem, cæde sustulit) ut omnium pene mortaliū in se concitarit odium: cœperitque ijs etiam terrori esse, qui illum antehac sepeverant; sic, ut à centurione in medio sui exercitus fuerit interfectus.

Qua in re illud considerandum venit, id generis cædes, quæ ab obfirmati & obstinati animi proposito accidunt, vitari à Principe non posse. Qui nempe instructus est ad mortem contemnendam, ei factu perquam proclive id

fuerit. Verum hoc mortis genus minus est Principi timendum, quod longe rarissimum sit. Videndum est dun-taxat, ne quempiam ex ijs gravi injuria laceſſat, quorum opera ipſe utitur, quosque ad imperij procurationem circa ſe retinet. Quod fecit Antominus; qui Centurionis prædicti fratrem contumelioſiſſime interfecerat, ipſique quotidie minabatur, & nihilominus illum inter ſui corporis ſtipatores retinebat. Cujus quidem conſilij ratio temeraria erat, atque (uti poſtea accidit) in ea percundum illi fuit.

Sed ad Commodum noſtra redeat oratio. Is nullo fere negotio Imperium retinere poterat; quia illud jure hereditario, quod Marci filius eſſet, ipſi obrigerat: ſatisque fuiſſet ſi paternis veſtigijs inſtituiſſet, quâ re univerſo populo & militi fuiſſet cumulatiſſime ſatisfactum. At animo truculento cum eſſet & effero, totum ſe convertit ad exercitus, quem licentioſiorem effecerat, gratiam retinendam, quo ſuas poſſet in populo exercere rapinas. Cæterum diverſa parte dignitatem ſuam cum non tueretur, in theatrum cum gladiatoribus decertaturus ſæpenumero deſcendens, aliaque indigniſſima Imperij majeſtate admit-tens, deſpicabilem proſus in militum conſpectum ſe præbuit: eoque cum uni parti odio eſſet, alteri contemptui, in eum conſpiratum eſt, & fuit interfectus.

Reliquum eſt, ut de Maximini ingenio diſſeramus. Is bellicoſiſſimus fuit, cumque Alexandri, de quo ſuperius narravimus, mollicies eſſet exercitui ſatiſidio, hoc vi-tæ functo, ad Imperium eſt evectus. Quod tamen non diu retinuit. Nam duo illum inſenſum ac contemnendum effecerant. Alterum, quod ignobiliſſimus eſſet. Paverat enim ovium gregem in Thracia; quæ res ubique gentium

erat.

erat notissima, atque ob id efficiebat illum omnibus despectum. Alterum erat, quod primo statim ingressu sub Principatus, cum Romanam profectiorem distulisset, & in possessionem Imperij venisset, de sese opinionem, crudelitatis, attulerit: idque quia & Romæ, & per totam Imperij ditionem, ab ejus præfectis multiplici immanitate sævitæ graviter esset. Sic, ut toto penè orbe, tum contemptu in eum ex generis obscuritate, tum odio ex metu efferati ingenij permoto, primum Aphrica, deinde Senatus una cum universo populo Romano, atque Italia tota, in illum conspirant. Quibus junxit sese proprius ejus exercitus: qui ad Aquileiam cum esset in castris, expugnationem difficiliorem nactus, illiusque sævitæ pertæsus, tot in illum hostes cum cerneret minus timens, illum interfecit.

Omittam de Heliogabalo, Macrino, ac Iuliano, dicere: qui contempti omnino cum essent, statim fuerunt oppressi. Ad propositæ rei conclusionem vero accedens, ita sentio. Qui nostro tempore sunt Principes, minus hac difficultate premuntur, ut militibus in Imperij sui administratione teneantur extra ordinem satisfacere. Quia etsi illorum aliqua est habenda ratio, id tamen paulo momento definitur, cum nemo horum Principum collectos in unum tales exercitus habeat, qui una cum gubernatione & provinciarum procuratione, uti Imperij Romani exercitus, consenuerunt. Et verò quod tunc militibus potius, quam populo erat satisfaciendum, id accidebat, quod miles quam populus potentior esset. Nunc vero longe magis est necessarium, ut populo mos geratur (Turcarum Imperatore & Egypti Syriæque Sulthano excepto) quam militibus: quia populus exercitu potentia præstat.

Dico autem, excepto Turcarum Imperatore. Hie enim peditum XII, equitum autem XVI millia semper qui secircumstent, cum teneat, à quibus regni securitas & robur pendet, necessarium est, ut populi neglecta ratione, hos sibi propensos foveat. Huic persimile est Sulthani regnum: quo toto in militum manu constituto, necessarium est, ut & ipse, nulla populorum habita ratione, eos sibi in amicitia firmos reddat. Meretur vero observari, hoc Sulthani regnum longe diversum à cæteris Principatibus esse. Accedit tamen quam maxime ad Christianum Papatum. Quem nec hæreditarium, nec novum appellare possumus: quia Principis demortui liberi superstites nec testamento hæredes relinquuntur, nec Principatus domini; sed ille, qui in eum gradum per eos, penes quos est eligendi potestas, eligi solet. Qui mos quia cum tempore inveteraverit, recens dominatus dici non potest: nec ullâ earum difficultatum affligatur, quibus novi obnoxij patent. Etsi enim novum est imperium, illius tamen dignitatis decreta antiqua sunt, atque in eum finem facta, ut illum tanquam hæreditarium dominum admittant.

Verum ad nostrum redeamus institutum. Si quis, inquam, ea quæ jam supra expendimus, animo reputabit, facile intelliget, quod odium & contemptus calamitatem Imperatorum ante memoratorum effecerit. Perspicuum & illud fiet, quæ factum sit, quod eorum nonnulli, administrandi rationem sive hanc sive contrariâ sequuti, in utraque parte ejusdem administrandæ rationis alijs felix alijs tristis vitæ finis contigerit. Inutile scilicet fuit imo noxium Pertinaci & Alexandro, cum novi Principes essent Marcum hæreditarium Principem imitari voluisse

fuisse. Caracalla, Commodo, & Maximino perniciosum item fuit Severi vestigijs insistere: quia non tanta præditi erant virtute, quæ ad ejus vestigia implenda satis esset. Quapropter novus Princeps in imperio retinendo non potest Marci res gestas imitari. Nec etiam necessarium est, ea quæ Severus egit imitari. Verum eas Severi partem amplectatur, quæ ad imperium confirmandum sunt necessaria: à Marco autem eas mutuetur, quibus imperium jam stabilitum & confirmatum, digne ac gloriose tueri ac sustinere possit.

CAPVT XX.

Sintne arces, & multa alia, quæ à Principibus plerunque fieri solent, utilia an noxia.

QUO tuto dominatum retineant Principes, alii subditos suos armis spoliaverunt: alij in factiones discissas urbes subjectas continuerunt: alij inimicitias mutuo fovērunt: alij arces extruxerunt: alij arces suas jam extructas everterunt. Nam pauci in id animum intenderunt, ut qui sibi initio Principatus suspecti erant, eos in suam amicitiam adjungerent. Quare etsi de his omnibus definita ferri sententia non possit, nisi ad præcipuam quandam horum Principatuum formam tractanda quæstio deducatur: tamen perinde deij orationem institutam, atque subjectæ rei materia patietur.

Nunquam itaque habitum est consultum, ut novus Princeps arma suis detrahat. Imo qui sapit inermes nactus semper armis instruendos curavit. Quia hoc modo arma quibus instruuntur tui juris esse coeperunt: qui tibi suspecti habentur ij fideles evadunt: in fide autem qui hæcenus persisterunt illi confirmantur: & quibus jam imperio

procedit.

præces tui adhaerentes fiunt. Quoniam sane quæ in tuam potestatem cessit multitudo universa armari non potest, si de ijs qui jam armis sunt instructi bene merearis, securius cum reliquis agere potes. Et diversitas illa habendi, eos qui liberaliorem te erga se agnoscunt, tibi devinctos reddit: reliquis excusationem pro te defendendo exprimit, judicantibus necessarium esse, qui periculorum plus subeunt & oneris eos etiam videri plus jure meritos esse. Verum cum arma detrahis, jam illis injurius esse incipis, atque ostendis, quod vel animi tui abjectione, vel in eos exigua fide, illis omnino diffidas: quarum opinionum utraque odium in te concitat. Cum enim sine armis esse nequeas, ad mercenariam militiam te convertere cogêris, quæ cujus sit naturæ supra disseruimus. Et vero hæc etsi bona esset, non ea tamen est virtute, quæ te à præpotentibus hostibus & ab ea quam suspectam habes multitudinem tueri possit. Quocirca novus Princeps (ut dixi) in novo cui præest Principatu nunquam non sic disposita habeat arma. Harum autem rerum exemplis historiæ pene omnes sunt refertæ.

At si Princeps nova aliqua provincia augeatur, quæ veluti pars veteri suo adjungitur imperio, tunc necessarium est, ut sic parta provincia armis exuatur, illis exceptis, qui in ea occupanda tui se studiosos declararunt. Hi enim temporis progressu & per occasionem molles reddendi sunt & effoeminati. Ita vero sese comparet Princeps, ut totius ditionis arma in ijs militibus collocentur, qui proprii sunt, & qui in veteri Principatu vitam apud te traducunt.

Majoros nostros, & qui sapientes habebantur, solitos dicere accepimus: Pistoriensium civitatē factionibus,
Pisas

Pisas vero arcibus retinendas esse. Hinc factum est, ut in nonnullis urbibus eorum imperio subjectis, dissidia foverint, quo earum possessionem facilius retinerent. Quod recte factum esse poterat, dum Italia quodammodo bilance temperata erat; at hoc tempore id præceptum præscribi posse non arbitror: quia dissidia aliquid commodi ex se unquam parere non puto. Imo, necessarium est, ut ad hostium accessum urbes factionibus distractæ statim amittantur: quia semper debilior pars viribus externis sese adjunger, altera autem se nec tueri nec sustinere poterit.

Veneri superioribus rationibus adducti (ut ego existimo) Guelforum factiones & Gibellinorū in civitatibus sui imperij aluerunt: & tametsi nunquam permetterent, ut in eædes faciendas erumperent, nihilominus hujusmodi dissensiones foverunt, ut sic controversijs occupati populi, in sese motum nullum excitarent. Quod, uti postea patuit, ex sententia illis non cessit. Nam ad castellum, quod Valla appellatur, cum essent fracti, statim partium altera audentior facta omne imperium illis ademit.

Hæ rationes igitur administrandi Principis imbecillitatem arguunt: quandoquidem viribus potens Principatus, nunquam id generis urbium distractiones feret. Pacis tempore duntaxat usui esse possunt; cum per eas facilius, qui in tua sunt potestate, homines regi possint: at bellum si instet, tunc suam declarat id genus consilij fraudem. Haud dubie superando difficultates & quæ struuntur res adversas, clari evadunt Principes. Ob id fortuna, præsertim cum aliquem Principem novum vult evchere, qui majorem quam hereditarius Princeps existimationem sibi parandi necessitatem habet, hostes excitat, &

M

con-

contra parat expeditiones: quo illæ ex oblatâ occasione superentur, atque super scalâ illâ quâ hostes quem attulerunt altius ascendatur. Quare multi sentiunt, rerum peritum Principem, si quando occasio datur, astu aliquid inimicitiarum in se alere debere, ut illis oppressis, major nominis subsequatur dignitas & amplitudo.

Nati sunt majorem fidem & utilitatem Principes, præsertim novi, in ijs, qui in principatu incundo judicabantur suspecti, quam in ijs, quibus maxime initio confidebant. Pandulfus Petruccius Senensium Princeps, per eos magis principatum administrabat, quos suspectos habuit, quam per quosvis alios. Verum de hac administrandi ratione, quia ex subjectæ rei naturâ variâ est, haud quaquam fusius disserere possum. Illud duntaxat dictum velim: si homines, qui initio principatus hostes fuerunt, ejus generis sunt, ut quo se sustineant auxilio indigeant, nunquam non Princeps perquam facile poterit eos sibi amicos conciliare: ipsi vero coguntur Principi inservire, quia norunt opinionem de se inique conceptam factis deleri debere. Ita fit, ut major ab his fructus ad Principem redeat, quam ab ijs, qui nimia securitate illi inservientes res illius negligunt.

Cæterum postquam res ipsâ postulat, prætermittere nolo inmemoriam revocare Principi, cui nuper provincialium favore parta est aliqua provincia, ut probe consideret, quæ causâ illo impulserit, ut sibi faverent. Atque si studium illud in se, non à naturâ quâdâ propensione profectum esse cognoscatur, sed tantum quod prior administrandi ratio non placueret, tunc plurimum negotij & difficultatis erit, eos in amicitia posse retinere. Ut enim illis Princeps satisfaciat, fieri non potest. Atque hujus rei cau-

sa

sa per ea exempla, quæ ex vetustis & recentioribus rebus colligi solent, perspecta & examinata, intellige Princeps: longe facilius eos in suam amicitiam pertrahi passio, qui priore dominatu contenti erant, & propterea hostes in se fuerunt, quam eos, qui quod illis prior status dispicebat, in Principis amicitiam inclinarunt, atque ad eam provinciam occupandam studium omne & favorem ei præstiterunt.

Consuetudo invaluerat apud Principes, quo tutius principatum obtinerent, arces erigere, quæ essent tanquam habenz & frena apta compescere illos, qui in se aliquid vellent moliri: atque in repentino quoque & primo impetu securum, quo serreciperent, perfugium. Equidem consilium hoc, quia jam vetustum & usitatum est, improbare nolo. Nihilo secius ætate nostra vidimus Nicolaum Vitellium duas quæ in urbe Castillo erant arces, ut ditionem illam retineret, diruisse. Guidus Vbaldus Urbinatium Dux, in ditionem suam unde à Cesare Borgia fuerat ejectus restitutus, omnes illius provincie arces funditus evertit, & existimavit illis evertis difficilior provinciam illam iterum amitti posse. Bentivoli Bononia recuperata eadem consilia sunt sequuti. Ex temporum itaque varia conditione arces sunt vel non sunt usui: si qua autem in parte quid boni inde ad te redit, in altera maxime lædunt.

Hoc vero sic examinare licet. Princeps, qui subditos suos magis quam externos timet, arces debet erigere: at qui sibi ab externis magis quam à suo populo metuit, is illas prætermittere debet. Plus sane bellorum intulit illarumque est Sfortianorum familie Mediolani à Francisco Sfortia extructum castrum, quam quodvis aliud in illo sta-

tu commissum erratum. Proinde propugnaculum quovis alio firmius est, subditorum odio carere. Nam qui in odium sui populi incurrit, tametsi munitissimas possideat etiam tamen arces liberare non possunt. Populo enim, cum arma ceperit, nunquam decrunt qui suppetias ferant exteris. Nunquam ætate nostra observatum est, Principum cuiquam arces profuisse, præterquam uni Catharinæ Foroliviensium dominæ, eo tempore quo Hieronymus eius vis erat mortuus. Poruit enim per illam quam tenebat arcem, popularem impetum effugere, subsidium Mediolanensium expectare, & ditionem universam recuperare: idque quoniam temporum talis erat tunc conditio, ut alienus Princeps non posset auxilio esse populo. Verum illi tamen non profuit, cum in illam Cæsar Borgia impressionem faceret, ac populus infestus extero Principi illius inimico est adiunctus. Quare securius illi fuisset, & tunc temporis, & prius, in populi odium non incurrere quam arces possidere.

His itaque perspectis, probabo equidem, cum qui arces condunt, tum qui de illis non admodum laborant: accusabo tamen eos, qui illis confisi parum aut nihil ducunt in populi odio esse.

CAPVT XXI.

Quo pacto Princeps gerere se debeat, ut existimationem sibi comparet.

Nulla re magis Princeps commendatur, quam grandi aliqua facta expeditione, & raro exemplo alijs præbito. Hac nostra ætate Ferdinandum Arragoniæ nunc Hispaniæ regem habemus. Eum fere novum Principem dicere quis possit: quia ex imbecillo Rege eo & famæ & glo-

gloriæ processit, ut inter Christianorum Reges facile primus evaserit. Et vero si illius res gestas spectes, maximas utique & extra ordinem omnes illas deprehendes. Initio enim sui imperij Granatense regnum invasit, quæ expeditio illi fundamentum status extitit. Eam primam otiosus, & ab omni, qua posset impediri, interpellatione securus confecit. Castellanos vero procerum animos occupatos in ea continuit: qui in id bellum intenti; ab innovandis rebus animum avocabant: ipse autem & auctoritatem & imperium in eos, nec opinantes, interim sibi comparabat. Potuit suum exercitum sacris & populi pecunijs alere, atque diutino illo bello admilitiam suam firmandam (quæ postea celebrem illum reddidit) fundamenta jacere. Ad hæc ut majora aggredi posset, Religionis nomen perpetuo prætexens, ad piam quandam sævitiam animum convertit, Maranis è toto regno ejectis, exemplo valde mirabili & valde raro. Hoc etiam pallio rectus, Africam est aggressus, in Italiam expeditionem confecit, postremo Galliam est adortus. Atque ita semper res ingentes molitus, quibus subditorum suorum animos suspensos, & admiratione obstupefactos, atque rerum eventus occupatos detinuit. Hæc autem illius res gestæ, ita aliæ ex alijs enatæ sunt, ut nullum quiescendi, nullum sui oppugnandi spatium hominibus reliquerit.

Plurimum item refert, Principem rara de se exempla in urbana administratione præbere, similia iis quæ de Bernardo Mediolanensi narrantur: cum occasio sese offert in vita civili, opus aliquod, præter morem vel honeste vel turpiter gestum, vel præmio cohonestandi, vel supplicio afficiendi, ita ut de eo multum diuque loquantur homines.

Illud imprimis diligenter studeat Princeps, ut in omni vita sua saniam existimationemque de se magni & excellentis viri excitet.

Eo etiam nomine commendatur Princeps, quando se ostendit vere amicum & vere inimicum: hoc est, si sine omni respectu fautorem alicui contra quemvis alium sese præbet. Quod consilium utilius semper est, quam vel le in neutram partium inclinare. Nam si duo potentes vicini tui inter se confligant, qualescunque illi fuerint (sive altero debellato sit tibi à victore timendum, sive non) utilius semper erit in utraque conditione, si te patefacias atque apertum bellum geras.

Quoniam primo casu, nisi te aperias, semper ejus cui victoria cesserit eris præda, maxima cum ipsiusmet victi voluptate. Nec ullum jus ullamve rationem habebis, qua aut defendi aut recipi possis: quia victor suspectos amicos, quique in rebus adversis auxilio sibi esse nolunt, negliget: qui autem victus jacet, cum tu armis arreptis ejus alcam sequi nolueris, te nunquam recipiet. In Græciam Antiochus transmiserat, ab Ætolis, ut inde Romanos expellerent, inductus. Legatos ad Achæos Romanorum amicos misit, hortatum ut neutram in partem inclinarent. Vicissim Romani eis suadebant, ut arma pro se caperent. Res in Senatum Achæorum deliberanda deducta est. Ibi Antiochi legatus, ut neutram partium sequerentur, eis suadebat: contra Romanus legatus excipiens; Id, inquit, quod optimum, atque ex usu vestræ Reipub. maxime fore isti dicunt, ne vos scilicet hoc nostro bello implicemini, illo nihil est quod vobis magis sit contrarium, quandoquidem si absque gratia atque existimatione bello abstinaueritis, victori præmium reliquum eritis. Nunquam non
fit,

fit, ut qui tibi haud amicus est non contendat à te, ut neutrius partis esse velis: at amicus qui est à te petet, ut arreptis armis palam prodeas. Principes vero qui sunt animi dubij, ut ea praesentia pericula vitent, saepenumero eam sequuntur viam ut neutri habeantur: quo fit ut non raro periclitentur. Verum cum Princeps audacter alterius partis fautorem te ostendis, si is, cui te junxisti victor evaserit, tamen si ille praepotens sit, & tu ad ejus arbitrium relinquaris, nihilominus habes tibi illum obligatum, & amor tui jam contraxit, & homines praeterea non adeo inhonesti sunt & iniqui, ut tanto ingratiitudinis exemplo te opprimant. Ad haec, victoriae ipsae non ita feliciter parantur, quin victor aequam cogatur habere rationem iustitiae & aequitatis. Porro si is cui adhæres victoria cadat, recipieris tamen ab eo, & ille, quoad fuerit facultas, nunquam non aderit suppeditaturus; sis etiam socius ejusmodi fortunae, quae iterum aliquando erigi potest.

Secundo casu, si illi qui armis congregiuntur, tales sunt, ut tibi ab altera partium, quae victoriam est consecuta, non sit timendum, majoris etiam prudentiae est te eorum alteri adungere: quia unius auxilio ad alterius excidium accedis, qui alter ab altero, si sciperet, servandus erat; sic, ut adepta victoria tua is relinquatur voluntati, nec fieri potest quin tuo subsidio fultus victor evadat.

Hic autem Principi cavendum est, ne, ut dixi, illum offensurus. Societatem ineat cum eo, quem se potentiorrem agnoscit, nisi cogat necessitas. Illius enim arbitrio (quod plane Principibus omnibus obnixè fugiendum), resignatur tractandus. Societatem Veneti cum Gallis inierunt contra Mediolanensem Ducem, quod tamen socius.

dus ne fieret vitari poterat : id autem postea attulit eis calamitatem & exitium. At si vitari non potest (uti accidit Florentinis, cum Pontifex & Hispani Lombardiam cum exercitu sunt adorti) tunc Princeps in alteram partium, ob eas quas commemoravimus causas, descendere non recuset.

Nec tamen quisquam sibi persuadeat, in ijs rebus certum consilium semper capi posse: imo omnia ambigua cogitet capeffenda, quandoquidem in ordine rerum id maxime cernitur, ut, quo quis studiosius discrimen unum declinare contendit, eo magis in alterum incurrat. Verum prudentia collocata est in eo, uti quis discriminis naturam prospiciat, atque, adversum quod est, id tanquam ad rem præsentem commodum arripiat.

Virtutum præterea amatorem ostendere se debet Princeps, ac in unaquaque arte excellentes viros honorare.

Ad hæc civibus suis animum addat, ut sperent se tranquille sua negotia, tum in mercaturis, tum in agris colendis, & in quocunque alio hominum commercio exercere posse: ne alij à possessionum cultu direptionis metu, alij ab instituenda nova aliqua mercatura tributorum magnitudine deterriti, abstineant. Quinimo præmia ijs constituat, qui aut hæc faciunt, aut civitatem & ditionem quacunque ratione augere cupiunt.

Congruis item anni temporibus populum detineat ludis & spectaculis occupatum.

Si porro civitas in artificum collegia, aut in tribus sit distributa, eorum coetus Princeps in honore curet apud se habendos: unaque cum ipsis nonnunquam sese socians, humanitatis & magnificentiae specimen de se illis dare studeat,

Suz

Suz tamen dignitatis majestatem perpetuo ac constanter retineat. Hæc enim nulla in re, neque ullam ob rem, prætermitti aut negligi debet.

CAPVT XXII.

De ijs qui Principibus sunt à secretis consiliis.

NON est minimum Principi momentum situm in ministrorum delectu: quales sunt boni aut non boni, juxta Principis prudentiam. Prima sane omnium, quas de Principe ducunt homines conjecturarum, ab ijs potissimum capitur qui circum illum versantur. Qui si rerum periti & fide præditi sint, semper & ipse prudens existimari potest; quod scil. optime noverit dijudicare idoneos, potueritque eos sibi fideles retinere: secus autem si fuerit, nunquam non sinistre de eo judicari poterit. Vt primum erratum, quod admittit Princeps, in illo delectu maxime committatur. Nemo erat, qui Antonium Venastrum Pandolfi Petruccij Senensium Principis ministrum cognoscens, non arbitraretur, Pandolfum summæ esse prudentiæ virum quod apud se talem teneret ministrum. Sane quia triplex hominum est genus; quorum unum per se intelligit, alterum cum fuerit ei monstratum, tertium ne admonitum quidem nedum per se id præstare potest, primumque illud excellentissimum, secundum excellens, tertium vero sit inutile: necessum utique erat, ut Pandolfus si non primum at certe secundum obtineret gradum. Et vèro quando quis ea quæ sunt quæque dicuntur recta & prava suo judicio discernere potest, tamen si inveniendi aut excogitandi rationem non habeat, quæ recte turpiterve à ministro tamen gerantur facile percipit: & dum illa qui-

N... dem

dem effert, hæc vero deprimendo corrigit, minister illum falli posse diffidens in sua perstat probitate.

Ut vero ministri agnosci possit ingenium, modus ille est minime fallax. Cum deprehendis quem sibi magis quam tibi prospectum velle, atque in omnibus rebus gerendis suam querere utilitatem, hic ita comparatus: nunquam probi ministri fungetur officio, nec huic unquam fidere poteris. Qui enim alterius Principatum in manu habet, ille non de se sed de Principis commodo cogitare, nec quid aliud quam quod in rem illius cedit, Principi in mentem debet revocare. Vicissim Principis est quo illum in probitate contineat, de ministro suo cogitare, illum honoribus & divitijs afficere, devincire, honorum item atque obeundorum munerum participem reddere, ut ille multipliciter honore ac divitijs cumulatus alios aut honores aut divitias ne expetat, utque multiplicia munera quæ illi sunt obeunda adigant illum rerum vicissitudinem reformidare, cognito sine Principis favore se consistere non posse.

Cum sic fuerint comparati & Princeps & Minister, facile alter alteri fidere possunt: secus autem, nunquam non perniciosus fuerit vel uni vel alteri exitus.

CAPVT XXIII.

De ratione fugiendi assentatores.

EAm partem atque errorem illum prætermitti nolo: à quo Principes, nisi summa præditi prudentia, & acrimuniti in eligendo iudicio, vix se tueri possunt: nimirum de assentatoribus: de quibus fugiendis monumenta fere omnia præceptis referta sunt. Homines enim adeo in rebus suis proprijs sibi indulgent, adeoque se falli sinunt, ut vix
ab hac

ab hac hominum peste sibi cavere velint. Si tamen sibi caveant, periculum est ne in contemptum cadant; quia nulla alia ratione ab assentionibus se vindicare quis potest, quam si homines intelligant, se non offensuros, si tibi libere veritatem dicant: at si hoc ab omnibus fieri liberum fuerit, tua imminuetur existimatio,

Princeps propterea qui sapit, tertium quendam modum constituet, eos in suo Principatu eligendo, qui rerum usu periti sunt. Ijsque duntaxat permittere Princeps debet veritatem loqui, deque jis tantum rebus, de quibus ipse interrogabit, & non de alijs. De omnibus tamen eo sciscitari debet, eorumque audire sententias, ut ex eorum consilijs, id quod sibi visum fuerit, per se postea constituat. Cum illo Consilio atque cum unoquoque eorum ita se comparet, ut omnes intelligant, quo liberiores fuerint in dicendo, eo se acceptiores fore; Principemque præter ipsos neminem auditurum qui rem jam deliberatam persequi audeat, atque à semel suscepta sententia illū nulla vi depelli posse. Secus qui fecerit, aut præceps fertur per adulatorem, aut sæpius de sententia discedere cogetur propter sententiarum multiplicem varietatem: unde postea exigua nascitur de eo existimatio.

Proferam ad hoc institutum recentis memoriæ exemplum. Pater Lucas, è Maximiliani hoc tempore Imperatoris familia, cum semel de Imperatore illo verba faceret: Maximilianus, inquit, à nemine consilium capit, nec tamen quod cupit unquam efficit. Hoc sane inde fiebat, quod diversam à præscripta rationem teneret. Imperator enim homo est suorum consiliorum tacitus, nemini sui animi secreta detegit, neminem in consilium advocat: at ubi primum inter exequendum ejus consilia aperiuntur,

N z

tunc

tunc ab his, qui illum circumstant, contradici solet: ipse vero, qua est ingenij facilitate, statim à sententia discedit. Hinc fit, ut quod die uno extruit altero convellat: nec quid sibi velit, aut quid animo verset, intelligi potest, nec etiam in ejus deliberationibus ullum fundamentum statui potest.

Quapropter Princeps de omnibus rebus semper consilium capiat, ad suam tamen non aliorum voluntatem; imo omnium animos, à dandis ulla de re consilijs se non rogitante, prorsus avertat. Ipse vero in interrogando creber esse, inque omnibus ad consultandum propositis, se vicissim veritatis patientem auditorem præstare debet, ut si quempiam norit aliquo ad se respectu eam reticere, super ea re maxime succenseat.

Quoniam vero nonnulli arbitrantur Principem, qui de se opinionem prudentiæ affert, talem existimari, non quod ejus sic ferat naturæ præstantia, sed quod virorum prudentum, qui illum circumstant, optimis fulciatur consilijs: hi sane propterea maxime falluntur, quoniam hæc regula generalis est: Principi qui per se non sapit, illi recta consilia non facile dari posse. Fortuito quidem ita contingere posset. Nempe uni cuiquam prudentissimo homini duntaxat se totum regendum tradens, hac ratione optime regeretur. Verum ad exiguum tempus duraturus ille esset in Principatu: quod ille moderator statim ab imperio Principem turbaret. Si vero Princeps rerum imperitus plures uno in consilium adhibeat, nunquam inter se coherentia habebit consilia, nec ipse per se idoneus erit, ut illa conciliet. Eorum qui sunt ei à consilijs, de proprijs commodis unusquisque cogitabit, ipse vero nec eos cognoscere, nec corrigere poterit. Qui autem illis meliores fu-

res futuri sint, non facile inveniri possunt: quia homines in te semper improbi sunt, nisi aliqua vis eos cogat esse probos.

Illud itaque maneat: necessarium esse, ut recta consilia, à quocunque proficiantur, à Principis nascentur prudentia; non autem Principis prudentia à rectis consilijs derivetur.

CAPVT XXIV.

Qui factum sit, ut nonnulli Italici Principes suos Principatus perdiderint.

SI quæ jam dicta sunt prudenter observentur, fiet ut novus Princeps antiquus videatur; eaque ipsa statim illum securiorem firmioremque in Principatu constituent, quam si in eo consenuisset. Quia Princeps aliquis novus plures habet administrationis suæ observatores, quam is qui hereditario jure imperat. Quærerum procuratio si cum virtute excellere conspici faciat facilius multo homines sibi conciliat, magisque illos devincit, quam aliqua stirpis antiquitas. Potius enim præsentibus quam præteritis rebus capiuntur homines: & cum præsentia ijs sunt commoda, eorum fructu contenti facile conquiescunt: imo omnem defensionem pro Principe suscipiunt, modo ipse cæteris in rebus sibi non defuerit. Hac ratione sane duplicatam gloriam consequetur: tum quod novum Principatum instituerit, tum quod eundem bonis legibus, bonis armis, bonis amicis, bonis denique exemplis decoraverit & corroborarit: quemadmodum duplicatam ignomiam repostabit, qui Principum sanguine natus sua rerum imperitia illum amisit.

Quod si quis consideraverit eos Principes, qui in Ita-

lia hac nostra ætate Principatum amiserunt, uti Neapolitanum Regem, & Mediolani Ducem, & id generis alios; animadvertet primo in eis communem quendam in parandis armis defectum, ob rationes quas longo sermone supra sumus persecuti. Deprehendet præterea eorum nonnullos populo suo fuisse invisos: vel si populum amicum habuerunt, ab ijs tamen qui potentiores essent nescivisse securos se reddere. Nunquam sane sine tali labe ea imperia amitti solent, quæ tantum virium habeant quantum sat est ad exercitum in aciem proferendum.

Philippus Macedo (non Alexandri Magni pater, sed qui à T. Quintio superatus fuit) habebat non amplum Principatum, facta comparatione ad Romanorum & Græcæ magnitudinem, qui illum invaserant: nihilominus cum esset vir bellicosus, & peritus continendi populum & se securum à potentioribus reddendi, plures annos contra eos bellum sustinuit: & licet denique nonnullarum civitatum possessionem amiserit, regnum tamen retinuit.

Quapropter hi nostræ ætatis Principes Itali, qui diu suos Principatus tenuerant, non est quod fortunam incusent, si illos amiserint, verum suam socordiam: quia tranquillis temporibus de possibili mutatione nunquam cogitavit (quod commune est omnium hominum vitium, qui tempestatem dum tranquillitas adest parvi ducunt) adversis temporibus irrupentibus nulla defensionis cura, turpi fuga sibi consulere cogitarunt, speraruntq; populum, victorum insolentiæ fastidio, se revocaturum. Quod consilium, cum cætera desunt, bonum est: at turpe est ob id unum reliqua remedia negligere. Nunquam sane cadendum est ea spe, ut inventurum putes, qui te postea erigat

erigat. Id quidem aut nunquam fit; aut si fit, nihil securitatis habet, quia & vilis est defensio, & à tua voluntate non pendet, cum tamen illæ solæ defensiones bonæ certæ ac constantes sint, quæ à te tuaque virtute suspensæ sunt.

CAP V T XXV:

Quantum in rebus humanis fortuna valeat, & quæ ratione illi obsisti possit.

HAud mihi ignotum est, ejus sententiæ complures esse. Hac olim fuisse: ita rerum hujus mundi curationem à Fortuna ac Deo geri, ut ab hominum prudentia nulla ratione corrigi queat; imò nullo posse occurri remedio. Atque ob id existimari possit, in ijs rebus non multum laborandum esse, sed quo Fortuna impellit, eo se ferri permitendum. Hæc opinio magis persuasa fuit his nostris temporibus, propter rerum multiplices conversiones, quæ visæ sunt quotidieque videntur fieri præter omnem humanam conjecturam.

Hoc ego nonnunquam animo cum cogitasset, aliqua ex parte inclinaveram in eandem sententiam. Sed ne liberum arbitrium nostrum extinguatur, existimo verum esse posse, ut altera nostrarum rerum pars Fortunæ arbitrata procuretur, altera tamen vel paulo minus nobis administranda relinquatur. Fortunam sane montano flumini omnia prosternenti comparare soleo, quod cum præceps fertur, in agros effunditur, arbores sternit, & convellit domos, hinc terræ multum abripiens alio idem illud regerit; ut omnia ejus conspectum fugiant, omnia illius furori cedant, sublata omni ratione qua posset reprimi. Nihilominus etsi ita feratur nihil impedit, quo minus
homi-

homines tranquillis temporibus possint sibi de obicibus aggeribusque prospicere, ut iterum exundans canalibus defluat, aut impetu represso tam effuse perniciosaque non feratur. Idem accidit de Fortuna; quæ cum vim suam exerit, nulla est ad resistendum instructa virtus: eoque suos impetus convertit, ubi nullos aggeres, nulla impedimenta, quibus sibi obviam iri possit, novit esse extracta.

Iam vero Italiam harum conversionum sedem, & quæ hos motus excivit, si quis consideret, facile intelliget, esse illam vastam quandam & sine aggeribus, sine obicibus desertam terram: quæ si, cæu decebat, convenienti virtute Tuffulta esset, uti Germaniam Hispaniam Galliam certimus, hæc inundatio aut in illam non irrupisset, aut tot enormibus mutationibus, ut fecit, illam non affecisset.

Atque de ratione universali quæ Fortunæ obstiti possit, hæc sint dicta. Sed ut ad specialiora arctius orationem dirigam, dico; Hunc vel illum Principem hodie videri feliciter agere, cras vero præcipitem ferri; cum tamen ejus nec naturam nec ingenium mutatum videamus. Hoc primum ex ijs, quas supra fufius disquisivimus, causis proficisci arbitror; quod nimirum Princeps qui fortunæ secure incumbit cum illius conversione corruat. Illum etiam felicem existimo; cujus in administrando consilia temporum conditioni respondent: vicissimque infelicem illum puto, à cujus rerum gerendarum procuratione tempora discrepant. Constat enim, homines in ijs rebus, quibus ad finem quem ob oculos propositum habent deducuntur (ut gloriam aut opes) non una ratione procedere: nonnullos circumspicere, alios cum impetu, alios vi, alios arte, alios patienti animo, alios effrenatim, & unumquemque

que his modis inter se repugnantibus eo pervenire posse. Præterea ex duobus qui in agendo in totum seduli versantur, videmus alium quo destinavit pervenire, alium nequaquam; vicissim duos videmus, dum alter est circumspectus alter impetuosus, æque felices fieri. Quæ res aliunde non manat, quam à temporum conditione, quæ cum eorum agendi modis vel consentit vel repugnat. Hinc oritur quod jam dixi, ut duo aliquando, qui pugnantibus consilijs aliquid conantur, eundem pene exitum sortiantur: ut duorum item in quippiam æque incumbantium, alter finem assequatur alter non. Hinc etiam bonorum vicissitudo derivatur. Nam si cui circumspecte & sedato animo sese gerenti, tempora & rerum status ita circumvolvuntur, ut ejus administrandi ratio cum illis consentiens sit bona, feliciter omnia contingent: at si tempora & res ipsæ commutentur, ille statim perit, quoniam agendi rationem non mutavit. Nec quisquam reperitur, qui ea prudentia sit præditus, ut sciat cum hac temporum natura consentire; tum quod ab eo ad quod natura impellit abire quis non potest, tum quod non facile sibi quis persuaderi patitur, utile esse ab ea via discedere, in qua perpetuo cursu insistenti sibi nunquam non prospera omnia eveniunt. Quapropter qui circumspecte agit, is cum tempus adest ut impetu feratur ad agendum, impelli non potest: hinc illius casus sequitur. Quod si cum temporum & rerum conditione naturam commutasset, non etiam fortuna mutasset.

Julius II Papa in unaquaque re, quam suscepit agendam, impetuose gessit se; reperitque temporum & rerum statum cum sua agendi ratione consentientem: hinc semper felicem exitum fuit consequutus. Perpendatur pri-

O

mum

mum expeditio illa Bononiensis, instituta vivente adhuc
 Principe Ioanne Bentivolo. Veneti illam expeditionem
 ægre ferebant. Inter Hispaniæ æque ac Galliæ Reges de ea
 expeditione sinistri sermones habebantur. Ipse tamen
 ea, qua erat ferocia, præsens ad eam expeditionem
 conficiendam profectus est. Quo motu suspensos reddi-
 dit, ac ne quid tentarent continuit & Hispanos & Vene-
 tos: hos quidem metu, illos vero spe occupandi totum
 regnum Neapolitanum. Parte alia Galliæ Regem ad se
 traxit: qui Rex, cum videret illum jam moventem, cupi-
 ens in suam illum amicitiam adjungere, quo facilius Ve-
 metos opprimeret, existimavit se non posse sine aperta in-
 juria copias suas ei denegare. Iulius itaque ferox illo suo
 impetuoso motu ad finem perduxit, quæ nemo un-
 quam Pontificum, quacunque humana prudentia, effi-
 cere potuisset. Si sane protectione ex urbe Roma pro-
 traxisset aliquot dies, atque omnia rite instituisset (ut
 quivis alius Pontificum judicasset faciendum) omnem
 suæ expeditionis felicem successum amisisset. Galliæ
 enim Rex sexcentas commentus esset tergiversandi vi-
 as, reliqui autem infinitis pene illum obruissent terrori-
 bus. Omittam reliquas ejus res gestas: quæ omnes cum
 his similitudine quadam cohærent, & omnes ex animi vo-
 to ei contigerunt. Vitæ autem brevisitas impedimento fu-
 it, quo minus quæ ijs contraria subsequi potuissent expe-
 riretur. Nam si in ea incidisset tempora, in quibus consi-
 derate atque circumspicte fuisset agendum, ejus exitium
 pariter fuisset subsequutum: quandoquidem nunquam
 ab eo, ad quod ingenio impellebatur, recedendum
 parasset.

Stetit itaque sententia. Quorum hominum obstinata in-
 pro-

procurandis rebus ratio cum fortunæ vicissitudine pulchre consentit, illi felices sunt: Contra, quorum cum illa dissidet, miseri sunt. Satiùs tamen esse iudico, ferocem esse, quam circumspèctum. Fortuna namque fœmina est; & ut quiseam sibi subjiciat, necesse est ut fuste eam subagitet, atque urgeat. Et nemo non videt, eam libentius ab ijs qui ardentiores, quam ab illis qui in agendo frigidi sunt, pati se vinci. Proinde quia fœmina, ea juvenibus semper favet, qui minus circumspècte agunt, magis sunt feroces, & in ipsam etiam fortunam cum magna audacia imperium exercent.

C A P V T XXVI.

Adhortatio ad Italiam à Barbaris liberandam.

QUamobrem perspèctis omnibus quæ à nobis supra sunt exposita, animoque versanti, num Italiæ temporum cursus talis esse nunc videatur, ut novum aliquem Principem honore possit afficere, & num quæ sit materia, in quam occasio sit viro virtute & prudentia præstanti, illam formam introducendi, quæ illi honorem & Italiæ genti commune aliquod emolumentum possit afferre: tot tantæque visæ sunt mihi opportunitates concurrere, ut quod aptius hoc extiterit tempus, plane ignorem. Et vero (ut dictum est) Moïsis virtus quò perspicua fieret, necesse erat Israëliticum populum in Ægypto servum esse: & ut Cyri magnitudo animi omnibus illustris esset, oportuit Persas à Medis opprimi: ad illustrandam item Theſei excellentiam, referebat Atheniensium gentem dispersim vivere. Sic hoc tempore, ut Italici spiritus virtus aliqua eluceret, necessum fuit Italiam redigi ad hæc extrema, atque magis mancipio teneri quam Hebræos,

asperiori servitute premi quam Persas, longius latiusque dispergi quam Athenienses, sine ullo capite, sine ordine, flagris caecam, bonis spoliata, in parteis scissam, undique excussam, atque omne calamitatum genus perpeſſam. Et quanquam haecenus emicuerit, qui hanc virtutem non nihil spiraret, sic ut judicari posset, illum ad eam redimendam à Deo fuisse ordinatam: nihilominus perspectum est, in summo illo suarum rerum cursu quo pacto fuerit à fortuna tandem rejectus. Sic, ut Italia ceu sine vita jacens expectet, quis sit futurus qui sua vulnera sanet, atque Lombardiae direptionibus & incendijs, nec non Regni Neapolitani Etruriaeque expilationibus & tributis, finem imponat, easque plagas curet quae jam ex longo tempore in fistulosum morbum abierunt. Iamque illam Deum precantem cernimus, ut alleget, qui à praesenti Barbarorum immanitate & insolentia se redimat. Perspicitur etiam, quam pronam, quamque paratam se praebet, ut ad aliquod vexillum convolet, modo sit qui illud proferat. Nec hoc quidem tempore quempiam videt, de quo plus possit sperare, quam illustrem tuam Medicorum familiam: quae sua virtute, & fortuna ita evecta est, (favente Deo & Ecclesia, cujus ipsa nunc Principatum tenet) ut possit praebere caput illius redemptionis. Idque illi non admodum arduum esse poterit, si ob oculos eorum, de quibus supra mentio facta est, regressas, & vitae rationem expositam habebit. Et licet homines illi rari fuerint & admirabiles, homines tamen & ipsi fuerunt, atque minor se illis obtulit occasio atque haec praesens est: quia illa quae isti aggressi sunt, non multum justiora aut faciliora extiterunt, quam haec sunt; nec Deus illis magis amicus fuit quam est vobis. Hic justitia summa est:

est : quia id bellum est iustum , quod est necessarium : & ea arma pietatem redolent , cum nulla alia in re , quam in illis spes omnis vertitur . Summa hæc rerum dispositio est ; quæ quando maxima cernitur , nulla difficultas , quæ magna esse possit , superesse videtur ; modo instituta & legum formam ab ijs ducat esse petendam , quos , tanquam finem ad quem collimet , propositos habet . Ad hæc multa extra ordinem sine exemplo hic adsunt , Dei ductu singulariter proposita . Mare apertum est : nubes viæ ducem se præstitit : petra aquam effudit : manna cœlitus pluit : omnia postremo ad amplitudinem familiæ tuæ convolant . Quod est reliquum suarum est partium . Nec enim omnia sibi agenda sumit Deus , ne nobis nostrum eripiat libere arbitrium nec ea pars gloriæ quæ nobis obvenit .

Non est quare quis admiratione ducatur , quod Itælorum , quos supra recensuimus , nemo potuerit efficere , id quod effectum iri nunc Illustris tua familia facit sperare : tametsi in tot Italiæ conversionibus & varijs belli administrationibus militaris ejus virtus extincta esse videatur . Quandoquidem id ideo factum est , quod bellica præficia instituta & ordines non fuerint commoda ; nec quicquam hæcenus prodierit , qui sciret nova invenire . Nihil est , quod tantum nominis recens emergenti homini conciliet , quantum novarum legum constitutio & bellicarum rerum nova inventio . Hæc sane probe firmata , & præstantiam quandam præ se ferentia , augustum quem & suspiciendum reddunt . In Italia autem nulla deest materia , quo minus quælibet forma introduci possit . Hic plurima in membris virtus ; modo in ijs , qui capita sunt , non deesset . Singularia certamina , & qui armis fiunt singulares congressus , tanquam in speculo contemplari nos

faciunt, quantum Itali cæteris omnibus præstent viribus; corporis agilitate, & animi præstantia. Sed tamen cum in aciem prodeundum est, nusquam apparent. Id autem quicquid est totum ex capitum imbecillitate oritur. Qui enim rerum periti sunt, nemo est qui parere velit, quia ipsi multum sese sapere arbitrantur; nec hactenus extitit, qui & virtute & fortuna eo magnitudinis & authoritatis processerit, ut reliqui omnes vellent ipsi loco cedere. Hinc fit, ut tanto temporis spatio, in tot bellis per hos viginti annos elapsos gestis, nunquam non exercitus, si quando rotus ex Italica gente fuit conflatus, turpe sui documentum dederit. Hoc sane testatur primo Tarius flumen, deinde Alexandria, Capua, Genua, Vaita, Bononia, & Mestris.

Si itaque sedet animo Illustrituz familiz, ut eos viros virtute præstantes sequi velit, qui suas provincias liberarunt: omnium primum illud ducat necessarium, tanquam omnium rerum gerendarum fundamentum, domesticam ac propriam militiam esse comparandam: quia magis fidi, magis certi, magis idonei, milites haberi nequeunt. Et licet singuli boni sint, in unum tamen coeunt meliores fient; cum proprium Principem sibi imperare, seque honorare & conservare viderint. Necessum vero est in tantum sibi talia arma parare, ut virtute Italica possit se defendere contra externos. Et quamvis Helvetiorum & Hispanorum pedestres copiaz terrori esse videntur, nihilo secius nec ipsæ in omnibus respondent. Ob id medium si quis constitueret militiz ordinem, posset non modo illis obsistere, verum & superandas illas sperare: quia equitum impetum Hispani sustinere non possunt, Helverij vero timent peditum copias, quando æque ac ipsi pervi-

pervicaces in certamine isto sibi obstitūt. Quæ ex re perspectum est, & usu jam constat, Hispanos Gallicum equitatum sustinere non posse, Helvetios autem ab Hispanorum pedestri exercitu fuisse fusos. Et licet hujus postremi non ita integrum exemplum experientia constet, specimen tamen in prælio Ravennate perspicuum factum est; cum ab Hispanorum & Germanorum (qui & ipsi eundem quem Helvetij in acie ordinem tenent) pedestri exercitū concursum est. Vbi Hispanorum copiarum, tum corporis agilitate expeditiores, tum clypeis protecti in aciem irruerant; sic, ut subeuntes conferti agminis prælongas hastas, tuti eos ferirent, sine ullo quod afferre possent Germani remedio: ut nisi equitum turmæ in eos impressionem fecissent, ad unum omnes ferro absumpsissent. Nova igitur institui posset militæ ratio, postquam utraque natio ostendit quid uni & alteri pedestri militiæ desit. Quæ nova militandi ratio equitatum sustineat, & peditatum non reformidet. Id autem non armorum genere, sed ordinum fiet commutatione. Et hæc sunt, quæ si recenter ordinata fuerint, novo Principi cum existimationem tum amplitudinem concilient.

Propterea non debet hæc occasio è manibus effluere; ut tandem aliquando Italia suum contempletur redemptorem. Facile sane oratione assequi nequeo, quo amore, qua fidei constantia, qua animi pietate, qua lacrymarum vi excipiendus ab ijs provincijs esset, quæ tantam exterorum illuviem tamdiu sustinuerunt. Quæ portæ illi clauderentur? Qui populi parere recusarent? Quæ invia sese opponeret? Quis ex Italica gente obsequium illi detrectaret? Non est, cui hic sordidus barbarorum domi-

RAIAS

110 NIC. MACCHIAVELLI PRINCEPS.
natus nauscatu non faciat. Aggrediatur Illustris tua fa-
milia nobile hoc opus, eo animo, eaque spe, qua omnes
res justæ suscipi solent. Ut sub ejus insignibus hæc patria
nobilitetur; & ejus auspicijs Petrarchæ dictum vere con-
tingat:

Virtus in furorem

Arma capiet, nec longum erit belli certamen.

Nam antiqua virtus

In Italicis cordibus nondum est extincta.

F I N I S.

VITA

**VITA
CASTRVCCII CA-
STRACANI**

Lucensis

**Descripta à NICOLAO MACHIAVELLO
ad summos amicos suos**

**ZANOBIVM BVONDELMONTIVM
ET
LVDOVICVM ALEMANNVM**

P

CA.

I
CASTRVCCII CASTRA-
CANI LVCENSIS

VITA

A NICOLAO MACHIAVELLO

DESCRIPTA,

Ad Zanobium Buondelmontium

ET

Ludovicum Alamannum.



On præter rationem mirum videri possit, Zanobi atque Ludovice carissime, si quis rem considerare velit; omnes eos, vel saltem maximam eorū partem, qui in hoc terrarum orbe præstantissimas res aggressi sunt, atq; inter ceteros sui ævi heroas excelluerunt, aut obscuro atque abjecto loco editos & prognatos, aut alioquin præter omnem modum à Fortuna, in ipsa origine, agitados fuisse. Siquidem omnes aut exposititij, aut patribus ad eò abjectis orti fuere, ut eorum ipsos puderet; ideoque vel Iove, vel aliquo Deo satos sese esse, hominibus persuasum cuperent. Eorum verò catalogum recensere, postquam omnibus permulti eorum innotuerint, fortassis legenti fastidium parturire queat, eoque ut rem superfluam hoc loco intermittere dam duco. Arbitror quidem hoc ideo sic evenire, quod Fortuna universo orbi testatum velit, abs se, non à prudentia proficisci, si quos communem hominum sortem anteire videmus: eamque ob eam rem vires suas eo potissimum in loco exercere atque ob oculos ponere, ubi omnium iudicio

prudentiæ partes nullæ sint, sed ab ipsa omne pendere manifesteprehendatur.

Ergo Castruccijs quoque Castracanis Lucensis in eorum numerum censi debet: qui quidem pro seculi sui urbisque in qua natus fuit, ratione egit res perquam maximas, neque origine felice notæque magis ac cæteri, usus est, sicuti ex vita ipsius copiosius patebit. Atque eam quidem ideo literarum monumentis recondendam, adque posteros transmittendam censui, quod in ea permulta sese exhibeant, quæ tam insignis virtutis, quam fortunæ ratione, aliquando exemplo esse queant. Vobis verò potissimum eam offerendam duxi, quod eorum, quibus res præclare virtuteque administratæ curæ atque oblectamento sunt, reliquos longo post vos intervallo relinqui, hætenus cognovisse mihi licuerit.

Vt ergo ad rem veniam. Constat Castracanos apud Lucenses inter nobiles ejus urbis familias recenseri, licet ea (pro omnium rerum in hoc orbe serie) hoc ævo esse desierit. Ex hac familia olim originem duxit Antonius quidam, qui ex libi vitæ generi deditus, inter Canonicos ad S. Michaelem apud Lucenses scriptus, atque honoris gratia Dominus Antonius appellatus fuit. Huic præter sororem unicam nihil familiæ erat; quæ Buonaccursio Centimanio matrimonio conjuncta, ab ejus obitu ad fratrem sese receperat, animumque ab omnibus deinceps nuptijs alienum induerat.

Colebat Antonius post ædes suas vineam, in quam, utpote alijs hortis circumseptam, multis ex locis aditus patebat. Accidit autem forte, dum quodam mane Dianora (hoc enim nomen viduæ erat) in ipsa aurora animi gratia eo expansaretur, utque (ut foeminis mos est) herbas condimentis suis

suis conquereret, ut sub vite quadam inter pampinos nescio quid strepere, atque eo oculis conversis vagivum audire sibi videretur. Cum ergo eo versus pedes conferret, remque exploratam cuperet, ecce infantulum pampinis involutum, qui blandulo vultu brachioliisque tanquam operis ejus implorare videbatur. Qua quidem re Dianora non minus misericordia mōta quam stupefacta, inde sublatum ad aedes fratris detulit, eumque ablutum, fasciisque exceptum, fratri ex aede sacra reverso obtulit. Atque is quidem casu percepto, infantuloque oculis perlustrato, non minore admiratione atque misericordia sese rapi sensit, adeo, ut re cum sorore aliquandiu deliberata; tandem de eo suscipiendo, postquam utraque prole destituerentur, facile convenirent. Ergo conducta nutrice, tanta cura atque amore porro eum habere coeperunt, ut à paternæ benevolentia parum abesse viderentur. Cujus quidem rei causa, ad sacrum fontem eum patris Castrucci nomine insigniri voluere.

Adolevit unà cum Castruccio egratia, isque omni in re ingenio atque prudentia pollere animadvertēbarur. Vt pote qui pro ætate omnia facile addisceret, ad quæ ab Antonio vocaretur. Cui quidem animus erat, in eum tam Canonicatum, quam alia sua beneficia, quæ vocant, ab obitu conferre, eamque obrem, quæ eò ducebant, eum addiscere volebat. Verum animum à vita sacerdotali omnino alienum se tractare, haud difficulter animadvertere ipsi licuit.

Castruccijs siquidem vix annum ætatis XIV attigerat, cum imperio Antonij atque Dianoræ sese paulatim subducere, proculque valere cum metu pariter libris sacris jussis, ad arma tractanda animum applicare, neque jam aliud quam idipsum agere, aut cum sodalibus suis currere salta-

4 V I R A
re luctari vel aliud tale conari. Quibus in rebus omnibus
tam animo quam corpore præstare, atque reliquos longo
intervallo post se relinquere videbatur. Quod si vero ali-
quando ad studia sese recipere libebat, nullis alijs libris de-
lectari animadvertebatur, quam qui arma virosque cane-
rent, atque horum res gestas illustrarent. Quod quidem
Antonium maxima opere sollicitum mæstimque habebat.

Erat id temporis inter nobiles Lucenses Franciscus
Guinigius, qui virtute gratia atque opibus omnes suæ æ-
tatis cives facile antebat, porro militiæ deditus multis jam
annis sub Viscontijs Mediolanensibus meruerat, Ghibelli-
norumque partes complexus, facile omnium eorum, qui ea
studia apud Lucenses sequebantur, dux caputque habeba-
tur. Atque hic quidem eo tempore aliquandiu Lucæ mo-
ratus, indies sub ædes illius Reipublicæ primi, quem Po-
testatem vulgo vocant, cum reliquis civibus conveniebat.
Quo in loco, quod ædes illæ arcem ad S. Michaelē, quæ o-
mnium ejus urbis potissima est, contingerent, non raro Ca-
struccium, ijs quæ supra attigimus exercitijs insudantem vi-
dere ipsi obtrigit. Quibus non modo sodales omnes excellere,
sed etiam auctoritate quadam, tanquam regia, inter omnes
eminere, atque ab ijs tam amari quam serro quodam modo
coli videbatur.

Quod quidem maximum ejus cognoscendi desiderium
penes ipsum excitavit: adeo ut percunctando ejus fortunam
doctus, majore ejus obtinendi cupiditate accenderetur. Tan-
demque quodam mane eo vocato, ex ipso sciscitaretur: an
in ædibus nobilis, ubi arma tractare atque equum regere
disceret, an apud presbyterum ubi nil præter missas audiret,
esse mallet. Atque deprehendere quidem Francisco licuit,
quantum ad nomen equorum armorumque auditum, Ca-
struc-

fructus apud se gauderet, tacenti tamen ex verecundia, ut responderet animus ipsi addendus fuit. Dixit ergo, si id hero suo benevolo fieri posset, malle se longè militiam quam sacerdotis studia sequi. Satisfactum Francisco responsione ista: egitque ille cum Antonio adeo solite ut tandem juvene posiretur. Quem quidem eo facilius obtinuit, quod Antonio ingenium juvenis suis cum studiis minus convenire videretur.

Ergo Castrucci ex edibus Antonii Castruciani sacerdotis, in edes. Francisci Guinigij turmarum ducis transcriptus, dici credive vix queat, quam exiguo temporis intervallo, omnes tam mores quam virtutes nobis adolescente dignas imberet. Imprimis verò in equorum agitatore excellentissimum abiit: adeo ut equum, quantumvis ferocissimum atque contumacem, summa dexteritate coerceret, inque hastiludijs, licet adhuc puer, omnium oculos in se converteret. Adeo ut in nullo exercitiorum genere, siue robur siue dexteritatem spectes, æqualem haberet.

Quibus præterea mores accessere, in quibus modestia inestimabilis elucebat. Siquidem nihil quod displiceret solum dicere seu agere solebat; sed superiores observare, æquales modeste habere, apud inferiores denique festivus esse, consueverat. Quas quidem ob res non modo Guinigiorum omnium, verum adeo universæ urbis amorem provocavit.

Accidit ergo postquam Castrucci duo devigesimum jam annum attigisset, ut Ghibellini Ticino à Guelfis pellerentur: in quorum subsidium à Viscontijs Mediolanensibus Franciscus Guinigius missus, Castrucium comitem habuerat, utpote apud quem cura totius turmæ remaneret. Quam in expeditione Castrucci tam prudentiæ quam animi tot experimenta de se exhibuit, ut nemo parem laudem atque bene-

benevolentiam, quotquot expeditioni isti interfuerant, inde referret. Adeo, ut non modo apud Ticinenses, verum in universa Longobardia, nomen ipsius in honore atque estimatione esse inciperet. Lucas ergo, longe honoratior quam inde discessisset reversus, porro omni diligentia, artibusque illis quibus homines devinciri consueverunt, amicos sibi comparare quamplurimos studuit.

Iamque Franciscus Guinigius vitam cum morte commutaverat, atque decedens unico suo filio Paulo Castruccio tutorem atque rectorem reliquerat, ipsum ante obitum sedulo hortatus, ut pari qua erga ipsum usus fuisset fide, etiam ipse filium suum habere, eamque gratitudinem quam patri præstare minus posset, filio exhibere niteretur. Ergo cum ab obitu Guinigij, Castruccius omnem ejus fortunam administraret, tanta porro auctoritate atque potentia inde augericepit, ut ea, qua apud Lucenses pollebat gratia, sensim in invidiam degeneraret. Adeo ut non pauci ipsum, quasi ejus animus tyrannidem redoleret, calumniarentur. Intet quos Georgius Opizius Guelfarum partium dux facile primas tenebat.

Atque is quidem ab obitu Francisci Guinigij Principatum urbis sibi ipsi pollicitus, ferre non poterat, ut à Castruccio, ea auctoritate atque gratia munito, occasiones rei gerendæ sibi præpedirentur. Quam ob rem ea in vulgus disseminabat, quæ Castruccio obfuturæ arbitraretur. Tulit id ab initio Castruccius satis indigno animo. Cui paulo post suscipio accessit, ne forte Georgius apud Proregem Neapolitanum suum exitium quæreret, atque de eo urbe pelendo consilia iniret.

Imperabat id temporis Pisanis Huguccio de Faggiola Aretin^{us}; qui à Pisanis præfectus copiis, postea omni imperio

rio eorum potitus fuerat, penes quem exulum aliqui Lucensium, qui partium Ghibellinarum erant, morabantur. Ergo cum his Castrucciis clam consilia iniit, quo pacto Huguccionis subsidio ipsis patria recuperaretur, eamque mentem amicis suis in urbe, quibus Opizij potentia suspecta erat, aperuit. Cum his igitur negotio constituto, Castrucciis caute admodum turrim, cui Honestorum nomen, munire, eamque commeatu referre coepit, quo necessitate urgente, aliquot dierum spatio in ea tutus subsistere posset.

Ergo omnibus rite exploratis, Huguccionem, qui vocatus cum exercitu planiciem illam, quæ montes urbemque interjacet, infederat, signo ad id præstituto ut maturaret monuit: qui eo animadverso, mox ad portam S. Petri successit, eamque igne injecto subruere coepit. Castrucciis altera ex parte tumultu concitato, plebeque convocata, eandem portam occupavit atque tandem effregit, adeo ut Huguccioni aditus in urbem pateret. Qui una cum copiis irrumpens, Georgium Opizium, omnemque ipsius familiam, multos præterea qui ejus amicitiam partesque sequebantur, interfecit, Rectorem urbe exegit, atque Rempublicam Lucensem ad suum arbitrium, maxima cum urbis clade, composuit. Siquidem constat, eo tempore, plusquam centum familias in exilium actas fuisse. Pulsorum alij Florentiam, Pistoriam alij sese recepere: quæ tum urbes à Guelfis stabant, eamque ob rem Huguccionem atque Lucenses pro hostibus habebant.

Postquam ergo Florentinis, aliisque Guelforum studiosis videretur, Ghibellinas partes nimium in Tuscia incrementum adquisivisse, eam ob rem de patria Lucensibus restituenda inter se convenire: coactoque valido exercitu, mox vallem, quæ à nivibus nuncupatur, invasere, expugna-

toque

Q

toque Monte Catinio, inde Montem Carlum obsidione cin-
xere: ut nimirum eo occupato, aperta porro ad Lucen-
ses via esset. Eam ob rem Huguccio multis Pisanorum at-
que Lucensium sub signa scriptis, petitoque ex Longobar-
dia copioso Germano equite, in hostes movere cepit.
Qui ejus adventu intellecto Montem Carlum reliquerant,
seque inter Montem Catinum atque Pesciam receperant.
Adco ut Huguccio castra infra Montem Carlum, altero à
Florentinorum copiis miliari, locaret, resque inde aliquot
dies leviusculis velitationibus ageretur. Siquidem Huguccio-
ne morbo correpto. Pisani atq; Lucenses justa acie decernere
metuebant. Verum cum morbus sensim ingravesceret, ipsi
tandem ad Montem Carlum (valetudinis recuperandæ gra-
tia) concedendum fuit: cura exercitus Castruccio deman-
data. Quæ res Guelfis exitio fuit, utpote quibus ani-
mi, quod exercitum hostilem duce destitutum arbitrarentur,
non mediocriter exerevissent. Atque id à Castruccio optime
animadversum: porro eam opinionem apud ipsos confirma-
re sedulo ille perrexerit, metumque simulans, nemini è muniti-
onibus egredi copiam esse voluit. Adco ut Guelfi indies inso-
lentiores, ad castra ipsa Castrucci aciem suam sæpius expli-
carent: ipsique ea ratione opportunitatem præberent, ut &
animos & ordines ipsorum explorare quam optime posset.
Ergo confirmatis oratione militum animis, certam ipsis
victoriam modo ipsius institutum sequi vellent polliceri
cepit.

Animadverterat nimirum Castrucci, Guelfos omne
suum robur in media acie collocasse, militem vero minus
strenuum ad utraque cornua recepisse. Contraria igitur ipse
ratione in cornua validissimum quemque militum suorum
constituit, in media vero acie minus strenuos collocavit, at-
que

que hoc ordine è castris profectus quamprimum hostem in conspectu haberet, (is vero pro more insolenter obviam proficiscebatur) mediam aciem gradum moderari, cornua vero citatius ferri voluit. Qua ratione factum est, ut tantum cornua ex utraque parte dimicarent, mediæ vero acies nihil agerent. Siquidem Castrucci acies tam procul adhuc aberat ut eam hostis adoriri non posset; eoque robur omne exercitus Castrucci manus conserebat, minusque strenua pars stabat: cum contra in exercitu hostium potior pars nihil ageret, sed inferiori solummodo pugnandum esset. Adeo ut non magno labore utrumque Florentinorum cornu in fugam ageretur; atque porro media acies, postquam latera jam nudata haberet, nihil pugnando, etiam ipsa in fugam sese conijceret.

Fuit sane ea clades insignis atque memoranda. Siquidem ea, præter decem hominum millia, multi duces atque strenui milites omnes Guelfarum partium, interque eos Principes non pauci desiderati fuere. Quibus accensentur, Petrus Regis Ruperti Neapolitani filius, Carolus ipsius nepos, Philippusque Tarentinorum Princeps. Ex parte vero Castrucci circiter trecenti, interque hos Franciscus Huguccionis filius occubuerunt: qui juvenis atque fervidus inter primos ceciderat. Ergo ea victoria Castruccio quidem immortalenomen peperit, verum Huguccioni tantæ suspitioni fuit, ut de imperio suo sibi metuendum arbitratus, qua ratione eum è medio tolleret, secum sollicitè agitaret: eam nimirum victoriam imperium non modo suum non stabilivisse, sed potius undique labefactasse. Ergo occasionem tantum operiebatur, ut honesta aliqua ratione à viro isto liberaretur.

Accidit porro ut Petrus Agnolus Michelius, vir apud

Lucenses magnæ existimationis, interficeretur, atque is qui homicidium perperrarat, ad ædes Castrucci j sese fuga reciperet, indeque Capitaneus una cum lictoribus, qui cum repetitum Castruccium accesserant, ab eo turbarentur atque excluderentur, eaque ratione homicidæ occasio suppeditaretur, ut suæ salutis fuga prospiceret. Iam igitur Huguccio, quid temporis Pisis erat, commodam ejus opprimendi occasionem se adeptum ratus, vocato ad se Nerio filio, in quem Lucensium imperium contulerat, ipsi injunxit, ut ad convivium invitatum Castruccium comprehenderet atque necaret. Castruccius ergo familiariter dominum conveniens, nihilque omnino sinistri suspicatus, primo quidem ad mensam exceptus, cœna vero peracta in vincula conjectus fuit. Cum autem Nerius metueret, ne forte populus turbaret, si Castruccius nullo servato juris ordine necaretur, maluit negotium differre, quo patris voluntatem manifestius exploraret. At is in tarditatem animique consternationem filij magno stomacho investus, quo rem citra periculum perficeret, assumptis quadringentis cataphractis Lucas versus movere cepit. Verum vix ad Balnea progressus fuerat, cum nuncio edoceret Pisanos defecisse, omnemque ipsius familiam una cum vicario suo interfecisse, Gaddonemque Gherardesciæ Comitem sibi præfecisse.

Non erat Huguccioni integrum Pisas regredi, ne forte Lucenses Pisanorum exemplo cruditi, cum urbe intercluderent. At Lucenses defectionis Pisanæ jam conscij, licet Huguccio jam in urbem penetrasset, nihilominus ex Castrucci j vinculis occasione arrepta, primum per vicos atque circulos contumacius sermones serere, tandem Castruccium tam obstinate repetere cœperunt, ut Huguccio, majoris discriminis evitandi gratia, cum libertati restitueret. At

Ca.

Castucciis conglobato amicorum agmine, populi porro subsidio fretus, tanta virtute Huguccionem adortus est, ut ipsi cum suis una in fuga salus reponenda atque Longobardia petenda fuerit: ubi apud Scaligeros misere tandem vitam deposuit.

Castucciis vero ex captivo vix jam non Lucensium Princeps, opera amicorum, atque recenti ob eam victoriam benevolentia, facile obtinuit, ut Lucenses cum copijs suis in annum præficerent. Ut ergo bello aliquo gloriam sibi pararet, constituit ea quæ post Huguccionem profligatam à Lucensibus defecerant municipia, sibi recuperanda esse, eamque ob rem, postquam cum Pisanis transegisset, Serezanam obsidione cinxit, atque editiore in loco propugnaculum, (quod postmodum à Florentinis muro cinctum, hodie Serezanella nuncupatur) ad eam commodius subjugandam, construxit: adeo ut intra secundum ab obsidione mensem Serezana potiretur. Eodem impetu postea Massam, Carraram, & Faventiam cepit: atque brevissimo temporis intervallo omnem Lucensem agrum occupavit: Appuam præterea, quo aditum in Lunensem agrum ex Longobardia intercluderet, expugnavit: Anastasiumque Palavicinum, ejus loci regulum, in potestatem redegit.

Inde tot victorijs clarus Lucas reversus, universum populum sibi obviante habuit. Qua animi propensione commodum utendum ratus, Pazzinij Poggij, Puccinelli de Portico, Francisci Boccassachij, atque Ceccij Guinigij potissimum favore, utpote qui Lucensium facile primi id temporis ab eoque corrupti erant, imperium urbis in se transtulit, atque plebiscito Princeps salutatus fuit.

Trajecerat id temporis in Italiam Ludovicus Bavarus Romanorum Imperator ut regno eo inauguraretur. Hunc

Q

sibi

sibi Castruccius conciliandum ratus, relicto ad urbem Paulo Guinigio, quem ob beneficia paterna filij loco habebat, quingentis cum cataphractis ipsi obviam proficisci voluit. Habitus fuit in honore à Ludovico Castruccius, multisque privilegijs auctus: insuper Vicarius Imperij per omnem Tusciam constitutus. Præterea Pisanorum imperium, qui pulso Gaddone ad Ludovicum de auxilijs confugerant, in ipsum translatum: ipseque à Pisanis, metu Guelforum præcipue vero Florentinorum receptus fuit.

Imperatore postmodum in Germaniam regresso, atque Vicario ad res Italix administrandas Romæ post se relicto, omnes Ghibellinarum partium, tam ex Longobardia quam Tuscia, ad Castruccium confluere, atque quilibet ipsi imperium patriæ suæ, si in ipsum ejus opera restituerentur, polliceri cæpere. Inter quos fuere Matthæus Guidius, Nardus Scolarius, Lapus Vbertus, Georzzius Nardius, Petrusque Buonaccorsius; Ghibellini & Florentini omnes.

Ergo Castruccius, qui horum opera suisque viribus, universæ Tusciæ imperium in se transferri posse arbitraretur, amicitia cum Matthæo Viscontio Mediolanensium Principe contracta, omnem eam urbem universamque provinciam arma tractare docuit. Inde ad Lucenses conversus, quod urbi quinque portæ essent, pari ratione omnem ipsorum regionem in quinque classes distinxit, & quamque partem duci signoque peculiari parere voluit. Eaque ratione effecit ut viginti hominum millia, cum opus foret, præter quos ex agro Pisano cogere posset, ipsi momentò præsto essent.

Accidit postmodum, ut Matthæus Viscontius à Guelfis Placentinis, qui Ghibellinos auxilio Florentinorum Regisque Ruperti exturbaverant, invaderetur: eamque ob rem ad Castruccium, tot amicis copiisque stipatum, confugeret:

ut

ut impressione in Florentinum agrum ab eo facta, illi ad sua defendenda, resque Longobardia destituendas, revocarentur. Castruccio ergo per vallem Arni in Florentinos irrumpens, primo Fucechium, inde S. Miniatum, adeo ingenti præterea agris illata clade, occupavit, ut Viscontiæ voto, Florentini exercitum revocare necesse habuerint. Qui vix Tusciam attigerat, cum Castruccio ad Lucenses, alia necessitate urgente, repedandum esset.

Erat apud Lucenses familia Poggia potentissima, Castruccioque ad occupandum imperium maximo momento fuerat. Verum quod minus ex officij magnitudine sese exceptos arbitrarentur, eam ob rem clam consilij habitis, advocatisque in societatem permultis familijs alijs, à Castruccio deficere eumque urbe pellere decreverunt. Occasionem ergo ob Castruccium bello implicatum sese nactos rati, quodam mane in præfectum iustitiæ, qui Castrucci nomine urbem administrabat, impetu facto, eum interemerunt. Postmodum ad plebem concitandam conversi, Stephanum Poggium, virum senem pacisque studiosum atque conjurationis nescium, obvium habuerunt. Qui sua auctoritate obtinuit, ut arma conjurati deponerent, inque ipsius fidem, utpote qui sese interventurum apud Castruccium quo votis potirentur stipulabatur, recumberent.

Castruccio ergo defectionis istius edoctus, nulla interposita mora cum parte copiarum, reliqua Pauli Guinigij imperio commissa, Lucas versus properavit: motuque licet composito, omnes aditus urbis opportuniore mox armato milite occupavit. Eam ob rem Stephanus Poggius, utpote qui Castruccium sibi obstrictum arbitraretur, pro suis intercessurus (sibi etenim ejus nihil opus esse putabat) ipsi sese obvium exhibuit: multisque rogare coepit, ut alia juvenili fere-

tori,

vari, alia veteri amicitia, atque officijs à familia Poggiorum in ipsum profectis, condonaret. Atque Castruccijs quidem, eum benigne exceptum, bono animo esse iussit: motus nimirum sedatos longe maiore gaudio sibi esse, quam commotus fuerit ob eos concitados, Deoque se gratias habere, qui occasionem testandæ clementiæ atque liberalitatis sibi exhibuerit. Venirent modo omnes, ipsiusque animum experirentur. Fide ergo tam Castruccijs quam Stephani interposita decepti, cum sese præsentibus Castruccio exhibuissent, una cum Stephano capti necatique fuere.

Inter hæc gesta Florentini S. Miniaturum recuperaverant. Visum eam ob rem Castruccio potius id bellum componere: quod Lucenses omittere, priusquam eorū animos sibi firmasset, minus integrum arbitraretur. Tentatis ergo Florentinorum animis, eos jam belli atque sumptuum pertæsos non difficiles habuit. Induciæ ergo in biennium pactæ, præterea actum, ut quisque ijs, in quæ potestate tum haberet, poreretur.

Bello isto composito, Castruccijs alijs alijsque sub causis, ut istiusmodi periculum deinceps præcaveret, omnes eos, quos ad imperium urbis adspirare posse arbitraretur, è medio sustulit: nullaque cuiusquam habitatione, alios fortunis, alios verò, quos habere poterat, omnes vita spoliavit. Quod nimirum affirmaret, experientia se edoctum, istorum neminem sibi fidum ulla ratione esse posse. Castrum præterea in ipsa urbe extruxit: materiamque ex turribus, eorum quos urbe eiecerat, demolitis, eam ad structuram perijt.

Neque tamen ob pacem cum Florentinis firmatam, dum Lucensibus coercendis incumberet, à belli curis vacabat: verum omni studio augendæ potentiæ suæ intentus, quic-

quicquid citra apertum Martem ad eam conferre poterat, sedulo aucupabatur. Inprimis vero occupandorum Pistoriensium incredibili desiderio tenebatur: quod nimirum arbitraretur, ea urbe in potestatem redacta, maximo id sibi momento ad Florentinos subjugandos fore. Eo igitur animo omnem istum tractum varijs rationibus in amicitiam suam pertraxit: inque ipsa adeo urbe tam dextre partium sese studijs accommodavit, ut utraque pars in ipsum recumberet.

Erant siquidem id temporis Pistorienses (sicuti etiam haecenus semper) in Albos Nigrosque divisi. Albi Sebastianum Possentium, Nigri Iacobum Giam ducem habebant. Atq; hi ambo cum Castruccio consilia sua occultissime communicabant: quod nimirum uterque speraret, ejus sese auxilio adversarium urbe ejicere posse. Cum ergo inter eas animi suspensiones tandem ad arma inter partes deventum esset, & Iacobus quidem portam Florentinam, Sebastianus vero Lucensem occupasset; atque utrisque minus spei in Florentinis, quam in Castruccio, utpote magis prompto bellicae cupido, repositum esset: igitur ambo occultis inter-nuncijs ejus auxilia accersivere. Eorumque obtinendorum promissis onerati fuere: Iacobo quidem seipsum ad futurum, Sebastiano vero Paulum Guinigium missurum pollicitus. Hora ergo ad id praestituta, Paulus quidem Pesciana, Castruccius vero recta via Pistorium profecti, sub mediam noctem ambo à partibus, ejus consilij ignaris, in urbem recepti fuere.

Igitur Castruccius tempus adesse ratus, quo desiderio suo potiretur, signo constituto ipse in Iacobum, Paulus verò in Sebastianum impetu facto, utrumque facile oppressere: omnesque partibus utrisque deditos partim interfecere, partim coepere: urbisque aditu incesso, protractoque ex palatio

magistratu, populum fide Castruccio obstrinxere. Atque is quidem immunitate debitorum ipsis concessa, multis pollicitationibus præterea tam ipsos quam omnes eorum montium incolas, qui ad conspiciendum novum Principem confluerant, adgressus, facile eorum animos ingenti spe oneratos pacavit.

Laborabatur inter hæc gesta Romæ annonæ penuria, ob Pontificis nimirum, qui Avenioni sedem fixerat, absentiam: ejusque rei culpa in Germanorum administrationem conferebatur. Adeo ut ad defectionem res speraret, multæque cædes indies perpetrarentur: neque in Henrici, qui Imperatoris ibi vices agebat, potestate jam esset motum illum cohercere. Ergo hic animi anxius, ne forte Romani vocato Rege Neapolitanorum Ruperto, sese Romæ exturbarent, Romamque Pontifici restituerent; cumque porro auxilia opportuna fidaque magis in propinquo non essent; ad Castruceium conversus, cum non modo auxilia sed etiam præsentiam ipsius rogare cepit.

Et Castruccius quidem, tam quo sese Imperatori gratum testaretur, quam quod facile animadverteret, Imperatore Romæ excluso, nullam sibi salutem superesse: nihil cunctatus, relicto ad urbem tuendam Paulo Guinigio, ducentis cataphractis stipatus Romam perrexit: atque ab Henrico summo honore habitus, exigui temporis intervallo auctoritate sua tantum Caesaris partibus momentū contrulit, ut citra cædes aut vim omnia componerentur. Siquidē annona navibus circum Pisanos imposita, occasionem turbandi Romanis ademit. Inde præcipuos Romanorum adgressus, partim monendo, partim castigando effecit, ut non invito sub imperium Henrici reverterentur. Et cujus rei beneficium, in Senatorum numerum multis præterea honoribus à Romano

Rom-

Pontifice cumulatus) cooptatus fuit. Quam quidem dignitatem splendissimo apparatu solennitate publica lætus excepit, ipse veste Attalica indutus, cui à fronte inscriptum erat, Est quod Deus vult : à tergo vero, Erit quod Deus volet.

Interea Florentinos non mediocriter urebat, Castrucium induciarum tempore Pistoriensium imperio auctum fuisse. Consiliaque eam ob rem agitabant, si forte illi, ob ejus absentiam, ad defectionem sollicitari possent.

Agebant id temporis apud Florentinos, Baleus Cecchius, & Iacobus Baldinius exulum Pistoriensium præcipui, tamque autoritate quam animo ingenti præditi. Atque hi quidem occultis apud Pistorienses consilijs subsidijsque Florentinorum freti, nocte quadam furtim in urbem penetrarunt, pulsisque Castrucci præfectis, eorumque quibusdam interfectis, urbem pristinae libertati restituerunt.

Atque ea quidem res Castruccium non mediocriter turbavit; adeo ut venia ab Henrico impetrata properato itinere Lucas contenderet. Florentini vero, quod eum vix quiescerum arbitrarentur, antevertendum rati, primi cum copijs in Vallem Nivium penetrare decreverunt; quod nimium sperarent, ea valle occupata, Castruccio viam ad Pistorienses interclusam fore. Coacto igitur valido undique à Guelfis exercitu, Pistoriensium agrum occuparunt. Castruccius vero cum copijs ad Montem Carium progressus, postquam Florentinorum mentem explorasset, non consultum arbitratus, eos in planicie vel prope Pisas vel ad Pesciam adoriri, in angustijs ad Saravallum ipsos operiundos censuit. Quem quidem in locum si eos pellicere obringeret, certam de ipsis victoriam sibi pollicebatur. Quadraginta siquidem hominum millibus Florentinorum exercitum constare intellexerat, cum ipse ex suis duodecim tantum millia delegisset:

aclicet tam propria industria quam militum virtute niteretur, maluit tamen planiciem evitare, ne forte ab inimico agmine circumveniretur.

Est porro Saravallum castrum Pesciam inter atque Pistoriam, eo in colle qui Vallem Nivium claudit, non quidem juxta ipsum aditum sed paulo remotius situm: via vero quæ ex ea valle ducit non quidem ardua, sed qua propè castrum surgit adeo angusta est, præsertim in cacumine collis ubi rivus in duas secatur partes, ut ea à viginti hominibus, quorum sese latera contingant, quaquæ versus occupari possit. Ergo has angustias Castrucci sibi opportunas ratus, eo loci hostem expectare decreverat: tam quo sui milites situs ratione præstarent, quam ne hostibus ante pugnam sese conspiciendum exhiberet, eaque ratione milites sui, conspecto tanto agmine, forte trepidarent.

Tenebat eo tempore castrum istud Manfredus Vir Germanus. Qui quidem, antequam Castrucci Pistoria potiretur, tam Lucensibus quam Pistoriensibus pari amicitia jungebatur: neque etiam post occupatos Pistorienses ab ulla partium cum lædi contigerat, quod nimirum neutris sese additurum pollicitus esset. Adeo ut tam eam ob rem, quam quod locum munitiorem habitaret, ab utrisque sustentatus eo usque fuerit. Verum post Pistoriensium defectionem Castrucci ad eam arcem occupandam animum applicare, porroque cum quodam castri ejus cive, cum quo arcta ipsi familiaritas intercesserat, agere cepit, ut nocte ea, quæ pugnam præcedere debebat, quadringentos milites suos in castrum reciperet, atque dominum castri opprimeret.

Eum ergo ad modum Castrucci rebus constitutis, noluit exercitum à Monte Carolo movere: quo nimirum Florentinos ad transcendendum audacius provocaret. Atque hi qui-

quidem, quod bellum à Pistoriensibus in Vallem Nivium advocare cuperent, jam castra artem infra Saravallum collocaverant, quo postridie nimirum angustias, quarum modo mentionem fecimus, superarent. Verum Castrucci, occupato ea nocte clam castro illo, sub mediam noctem à Monte Carlo movere capit, adeo ut ipso diluculo Saravallum pertingeret, atque tam ipsius quam Florentinorum copiarum, uno eodemque momento, licet via diversa, collem conscenderent.

Disposuerat Castrucci pedites suos vi regia, quadringentos verò equites ad laevam versus castrum in insidijs collocaverat. At Florentini quadringentos equites in frontem receperant, postque peditum aciem tandem cataphractos ultimum agmen claudere volebant; neque de Castruccio quidquam suspicabantur, utpote quem castrum occupasse penitus ignorarent. Præter omnem ergo expectationem equites Florentinorum in peditem Castrucci impingentes, vix ipsis per tempus licuit galeas sibi aptare, adeo ut imparati à paratis inque ordinem dispositis excepti, vix ægre primum impetum sustinerent, indeque omnis exercitus Florentinorum maximopere turbaretur. Equites siquidem peditibus, pedites equitibus & impedimentis implicari, omnem ducibus imperandi facultatem ob loci angustiam præripiebant: neque rebus cum ad modum turbatis quisquam erat, qui in medium consulere posset. Equites nihilominus peditem Castrucci ut poterant sustinebant, non quidem virtute sua, sed quod ob loci angustiam sese recipere non possent, atque necessitate ipsa ad pugnandum adigerentur: siquidem latera montibus obsepta habebant, tergum amici claudabant, à fronte ab hoste jugulabantur. Nihilominus difficulter admodum Castrucci miles agmen istud penetrabat. Eam ob

rem quadringentos istos equites, quos prope castrum in insidijs collocatos supra diximus, unaque mille pedites, alia via deflectere, atque ex latere hostem petere voluit. Qua quidem ratione effecit, ut Florentini, injuria potissimum loci oppressi, impetum istum sustinere non possent, sed terga obverterent, fugamque illi primi capessèrent, qui ultimum agmen versus Pistoriam clauderant, atque, qua quisque poterat via, salutis suae consulere.

Fuit sane ea clades Florentinis non minus cruenta, quam captorum numero insignis. Capti ducum permulti, inter quos Bandinus Rossius, Franciscus Brunellichius, Ioannes Tosanus ex nobilitate Florentina: præterea ex Tuscia Regnoque Neapolitano non pauci, qui à Rege Ruperto Guelfis subsidio missi Florentinis militaverant.

Pistorienses percepta Florentinorum clade, nil quidquam morari, pulsos Guelfarum partium studiosis, in Castruccijs potestatem rediere. Neque is hac victoria contentus, præterea omnes eas arces, quæ in planicie tam cis quam ultra Arnum sitæ sunt, in potestatem redegit, castraque alterum à Florentia lapidem in plano Peretolano meratus est: præclareque multos dies non modo in dividenda præda, verum etiam, quo Florentinis ægre faceret, cohonestandæ atque celebrandæ victoriæ gratia, in moneta cudenda, equorumque curriculo, cui tam viros quam meretrices insudare volebat, exegit. Quin etiam occultis cum quibusdam Florentinorum nobilibus consilijs egit, ut noctu in urbem reciperetur. Verum res detecta conjuratis exitio fuit: interque hos Thomas Lupaccius, & Lamberruccius Frescobaldus extremo capitis supplicio affecti fuere.

Ergo Florentini post cladem tot angustijs expositi, deque libertate deinceps tuenda ambigui, quo tandem aliqua
rati-

ratione ex praesenti malo emergerent, oratoribus ad Regem Rupertum Neapolitanum ablegatis, universae urbis imperium ipsi detulerunt.

Atque Rex quidem, non tam quo gratum tanto honori animum testaretur, quam quod non ignoraret, quantum securitati suae conduceret Tulciam à Guelfis stare, eam conditionem, qua ducenta praeterea Florentinorum millia Florentini ipsi pendere tenebantur, non invitum amplexus est, Carolumque filium cum III. M. cataphractis Florentiam pergere voluit.

Quae inter gesta Florentini vires quodammodo recolligere coeperant. Castruccio siquidem Pisas concedendum fuerat, quo conjurationi Benedicti Lanfranci, Pisanorum facile primi, mature obviam iret. Atque is quidem, quod animo ferre a quo non posset, patriam suam à Lucense subjugatam esse, contra ipsum clam machinari coeperat: quod castrum à se Pisanum occupari, praesidiarios inde profligari, atque Castruccio deditos opprimi posse speraret. Verum cum istiusmodi in negotiis exigua quidem vis ad occultandos conatus sufficiat, ad perficiendos vero eosdem satis esse nequeat, inde factum est, ut dum Lanfrancus plures sibi complices conquireret, in delatorem suum qui omnia ad Castruccium referret, incideret. Neque defuere qui ejus rei Bonifacium Cerchium Ioannemque Guidium, qui tum temporis Pisas relegati erant, non absque ignominia insimularent. Quidquid autem de delatore sit, Castruccius Lanfrancum comprehensum supplicio affecit, omnemque istam familiam in exilium egit: permultis praeterea nobilioribus civium capite plexis, id potissimum egit, postquam Pisanis atque Pistoriensibus fluxa fides esset, ut tam vi quam arte eorum imperium sibi stabiliret.

His

His ergo dum occupationibus Castruccijs destineretur, interim Florentinis resurgere, Carolique adventum operiri licuit. Quo tandem impetrato, hi nihil jam cunctandum rati, scripto undique (siquidem ex universa fere Italia Guelfos exciverant) exercitum xxx peditum, x vero equitum millium coegerunt. Inde quam in partem primum descedendum esset, deliberato, Pisam oppugnandam esse constituere: tam quod eam facilius, ob conjurationem nuperam, conatibus cessuram, quam quod eam utilem quoque magis futuram arbitrarentur, utpote qua expugnata Pistorienses ultro ad ditionem descensuri essent.

Ergo instructis copijs mense Majo Anni 1328 progressi, facile Lastram, Signiam, Montem Lubum atque Empolium occupavere: inde ad S. Miniatum castra profuere. Castruccijs altera ex parte, ob tam ingentes Florentinorum copias animo nihil consternatior, tempus jam adesse ratus, quo fortuna universæ Tusciæ imperium sibi exhiberet; quod nimirum hostes non magis prosperâ in Pisano, quam Seravallensî agro, sorte pugnaturos, atque à secunda hac clade jam nullam ipsis spem superfuturam arbitraretur; etiam ipse militem suum legere, atque exercitum xx M peditum, equitum vero iv M cogere coepit. Atque ipse quidem cum exercitu ad Fucechium confedit, Paulum vero Guinigium cum copijs v M ad Pisas pugnare jussit.

Situm est Fucechium in agro Pisano, loco omnium reliquorum munitissimo, quod tam Guscianam Arnemque fluvios ab utraque parte habeat, quam satis edito in colle constitutum sit. Quo quidem in loco Castruccijs neque annona ab hoste, quæ vel Luca vel Pisis subveheretur, intercludi, nisi is exercitum dividere mallet; neque etiam commode vel oppugnari, vel etiam ab hoste Pisas despecti, poterat.

Altero

Altero siquidem casu à copijs Castruccijs atque Guinigij medij intercipi: altero vero non nisi summo discrimine, ob hostem vicinum, Arnum trajicere poterant.

Atque Castruccijs quidem, quo eos in hanc posteriorem sententiam inclinaret, consulto Arni ripam occupare noluit, sed exercitu juxta Fucechij muros disposito, satis amplo spatio ab Arno secesserat.

Ergo Florentini, postquam S. Miniatum in potestatem redegressi iterum deliberare, an Pisæ obsidendæ, an potius Castruccijs petendus esset: atque utroque accurate disputato, tandem ad Castruccium invadendum inclinavere. Erat siquidem Arnus id temporis non adeo plenus quin vadari posset, licet pedites ad humeros, equites vero ad ephippia usque mergendieffent.

Decima ergo Junii die Florentini exercitu in aciem disposito: primo equitum partem, agmenque x peditum in flumen trajicere voluere. Castruccijs vero, qui animo omnes jam casus explorasset, occasionibus intentus, agmine v peditum, globoque equitum III M his obviam progressus; præterea mille peditibus, partim inferiore, partim superiore ex ripæ parte collocatis, manus cum ipsis antequam ripam alteram conscendissent conferere coepit. Florentinus ergo pedes tam armis onustus quam aquis madidus erat: neque omnibus porro vertices superare licuerat; equitum vero primi protrito alveo insequentibus aditum difficilem reliquerant adeo ut equorum alij pavidi dominos erecti excuterent, alij ipso cæno profundiore immoti hærerent. Adeo ut exercitus duces superiorem ripam, num forte ea alveo excello præruptoque minus esset, tentandum imperarent. Verum etiam illi in peditem Castruccijs per ripam dispositum, atque leviter parmis jaculisque armatum, impingentes,

crebris tam clamoribus quam jaculis excepti fuere. Ut porro etiam hac ex parte equi, qua vociferationibus, qua vulneribus perterriti, nulla concitatione moveri ultra possent.

Interea apud Castruccium strenue utrinque pugnabatur: multique tam hinc quam illinc cadebant, magnoque pariter animo utrique ad victoriam adspirabant. Castrucci quidem miles Florentinum in fluvium repellere; at ille Castruccium à ripa propellere, quo etiam reliquis traijciendi locus esset, nitebatur. Duresque utrinque animum suis tam verbis quam opere addebant. Castruccius quidem suos monere, hunc eum ipsum hostem esse, quem nuper ad Saravallum tam feliciter profligassent: Florentini vero suis animi imbecillitatem, quod à paucis sese vinci paterentur, exhibere.

Tandem Castruccius, postquam pugnam protrahi, suosque pariter ac hostes jam defatigatos animadverterat, recens agmen v. m. peditum vocare, coque à tergo suorum qui pugnabant collocato, primis imperare cepit, ut ordines aperirent, ac tanquam fugam molitari ad dextram pariter atque sinistram deflecterent, eaque ratione Florentinis copiam progrediendi aliquam facerent. At illi jam defatigati, postquam in recentem istum militem offendifsent, non magno molimine repressi inque flumen repulsi fuere.

Inter equites porro hætenus æquali Marte pugnatum fuerat. Castrucciano siquidem, utpote numero inferiori, injunctum erat, ut imperum modo hostium sustineret, quod Castruccius speraret, profligato Florentinorum peditum, nullo deinceps labore equitem etiam superari posse. Atque id quidem ex sententia consecutus est: postquam enim peditum hostium in flumen jam repulsum animadverteret, immisso, quem
reli-

reliquum habebat, ut equitatum hostium hastis atque jaculis ex latere impeteret, pedite, omnem etiam equitatum suorum equitum virtute à fronte strenuè præterea oppugnatum, in fugam egit. Duces nihilominus Florentini exercitus, cum difficultatem, quæ cum equites pro aditu confistabantur, animadverterent, pedites suos ex inferiore fluminis parte trajicere nitebantur: quo illi ex latere equitem Castrucci peterent. Verum quod ripa undique prærupta esset, præterea à pedite Castrucci occuparetur, nil egerunt.

Ergo profligatus tandem universus exercitus magnam Castruccio gloriam peperit, exque tanto militum numero vix tertius cladem evasit. Devenere in Castrucci potestatem permulti ducum: Carolus vero Regis filius, Michael Falconius, Taddæusque Albizius, Florentinorum ad exercitum legati, Empolium fuga petiere. Potius fuit Castruccius præda ingenti: siquidem ex Florentino exercitu xx mcccxxx milites desiderati fuere, ex partibus Castrucci mdlxx occubuerunt.

Verum Fortuna ipsius gloriæ inimica, cum vitam viro tribuere debebat, cum ipsa spoliaturum, ejusque conatus, multo jam tempore occasionem operientes, morte, quæ sola obsistere ijs poterat, everfos voluit. Castruccius siquidem, ob labores in prælio exantlatos sudore diffluens, à victoria in ipsa Fucechij porta, ut exercitum victorem gratulabundus exciperet, tum ut hostibus, si quid ultra forte conarentur, obviam commodè ire posset, aliquandiu substitit: boni ducis esse arbitratus, primum equum conscendere, postremumque eundem relinquere. Quo in loco diutius moratus, ob ventum, qui sub meridiem ex Arno oriri, utque plurimum pestifer esse solet, totus obrigit. Atque ea quidem

res ab ipso laboribus innutrito primitus neglecta, presentaneæ mortis ipsi causa fuit. Noctæ siquidem proxima vehementissima febre correptus, postquam morbum invalescere, cumque tam ex medicorum sententia quam proprio iudicio lethalem esse animadverteret, vocato ad se Paulo Guinigo, cum hunc ad modum alloqui cepit.

Si mihi, fili dilectissime, in mentem venisset, Fortunam in ipso ad gloriam curriculo, quam ex tot tantisque secundis successibus speraveram, mihi interrupturam, equidem jam minus laborum atque discriminum adijissem, quam minus hostium, licet fortassis minore cum imperij amplitudine, tibi post me reliquissem. Siquidem imperio Lucensium atque Pisanorum contentus, Pistorienses occupare Florentinosque tot injurijs provocare intermissem; sed potius eorum amicitia comparata vitam si non diuturnam, at certe quietam magis vixissem, imperiumque si non adeo amplum, at proculdubio securum atque firmum magis in te transmissem. Verum Fortuna, quæ arbitrium rerum humanarum sibi eripi nunquam patitur, neque tantum iudicij, quo id mature deprehendere, neque tantum temporis, quo id superare potuerim, mihi largiri voluit. Novisti porro, siquidem permulti id te docuerunt, neque id ego unquam negavi, qua ratione adhuc puer in ædes patris tui devenissem: omnis nimirum spei istius inops, quæ animos generosos excitare solet: quam porro insigni amore ab eo educatus, atque filij instar habitus fuerim: adeo ut ipsius ductu ad eam virtutem fortunamque conarer, quam tu ipsemet percipere potuisti, atque etiamnum vides. Necte lateret, postquam obiens & te, & omnes suas fortunas mihi concedere ipsi visum fuit, quanta porro cum fide sollicitudineque, & te habuerim & eas in immensum amplificaverim. Quo vero o-

mne.

me in te transmitterem, tam quod à patre tuo tibi relictum
 quam quod secundo meo génio meaque virtute partum ef-
 fect, eam ob rem ab uxoreducenda animo alieniore fui. Ne
 forte amor liberorum, ulla ex parte amorem meum ani-
 mumve gratum memoremque retardaret, quem manibus
 parentis tui me debere persuasissimus eram. Relinquo ergo
 tibi imperium amplissimum, idque non mediocri cum ani-
 mi satisfactione: quod vero id tibi intutum infirmumque
 destituam, id sanè medullitus doleo. Habes civitatem Lu-
 censẽ, quæ nunquam æquo animo imperium tuum latura
 est. Habes Pisas hominibus nobilibus atque fraudulentis
 refertas: quæ quidem licet servitutem varijs temporibus ser-
 vire jam edocta sit, nihilominus Lucensẽ dominum nun-
 quã lubenti animo feret. Pistorienses deniq; minus fidos ha-
 bes: tam quod divisi, quam quod à nobis recentibus injurijs
 irritati fuerint. Habes vicinos Florentinos provocatos, atque
 infinitis injurijs à nobis affectos, nec tamen deleros: quibus
 quidem mors mea jucundior erit, quam si imperio universæ
 Tusciæ potiti fuissent. In Mediolanensibus atque in Imper-
 ratorem quod recumbas, nihil habes: remoti siquidem
 sunt, pigri, auxiliaque ipsorum lenta. Ergo nulla alia in re
 tibi obsecro spes sit, quam in tua industria, atque in memo-
 ria, quam virtus mea atque existimatio ex recenti victoria
 parta nobis peperit. Quæ quidem si dextre uti noveris, non
 mediocre momentum ea, ad firmandam cum Florentinis
 pacem, tibi conferre poterit: quos, ob recentem cla-
 dem eandem avide amplexuros, vero consentaneum est.
 Quos ergo mihi hostes esse volui (quod nimirum persuasus
 essem, eorum inimicitiam mihi potentiam atque gloriam pa-
 raturam) eos omni studio tibi ambiendos inque amicitiam
 pelliciendos suadeo atque exhortor: siquidem eorum ami-

citia tibi magno commodo atque utilitati cedere queat. Non mediocriter sane ad hanc vitam commode agendam facit, se ipsum nosse, atque tam animi quam imperij sui vires dijudicare: ut qui bello sese imparem animadverterit, is artibus pacis sese tueri discat. Atque eo quidem te animo tuo desistere velim, quo ea via, meis periculis atque laboribus parafacta, commodum perfruiqueas. Quod facile assequeris, modo monitis hisce meis fidem adhibere velis. Eaque ratione duplici nomine mihi obstrictus tenebere, primo quidem, quod hoc imperium inte transmiserim, deinde quod ejus conservandi author tibi fuerim.

Post hæc vocatis Lucensium, Pisanorum, atque Pistoriensium illis qui ipsi militabant, iisque sacramento in fidem Pauli Guinigij obstrictis, diem extremum clausit. Reliquitque apud eos, qui fama eum noverant, felicem sui memoriam: penes eos vero, qui eo amico usi fuerant, tantum sui desiderium, quantum vix ullum imperatorem quocunque tempore post se reliquisse constet. Excepit ossa ejus templum S. Francisci apud Lucenses: funusque habuit tanto imperatore dignum.

Guinigius vero nec virtutem nec fortunam adeo amicam ac Castrucci expertus est. Siquidem haud multo post Pistoriensium, inde etiam Pisanorum dominio excidit. Lucense quin etiam imperium vix ægre obtinuit, idque in Paulum pronepotem suum usque transmisit.

Fuit ergo, ut jam docuimus, Castrucci vir non modo istius, verum etiam multorum quæ antecesserant seculorum, plane rarus. Erat statura regia, quæ communem excederet: cujusque membra symmetria sibi invicem responderent: aspectu adeo amoeno tantaque humanitate conspicuo, ut nemo unquam minus satisfactus ab eo recederet. Crine erat subru-

subrubro, ad aures refecto: quos nulla temporis injuria tegere solebat. Amicis gratus, hostibus terribilis, erga subditos justus, erga externos infidus, quique nunquam in viribus victoriam reponeret si actu vincere posset. Aiebat siquidem ipsam victoriam, non vero modum victoriæ gloriæ esse. Nemo eo audacior ad subeunda pericula, nemo cautior ad ea devitanda. Solebat dicere, hominibus omnia conanda esse, neque ulla ex re pavescendum: Deum siquidem viros forrescurare, postquam semper imbelles per fortiores plectere soleat.

Mirus etiam erat in sermonibus, siue quid acute, siue urbane dicendum esset. Sicuti vero eo in genere nemini parere, ita etiam eodem animo alios ipsum mordentes ferre, solebat. Adeo ut multa essent tam acute ab eo dicta, quam æquo animo in ipsum prolata. Cujusmodi hæc sunt. Cum aliquando sturnum Hungarico emisset, eamque ob rem ab amico quodam reprehenderetur, dixit, tu fortassis eum vix solido emisisses: cum ille, vera loqui ipsum respondisset, dixit: At pol ego Hungaricum longe minoris facio. Cum adulatori ignominia causa in os aliquando exspuisset, isque dixisset, piscatores unius pisciculi adipiscendi causa per sæpe toti madefiunt, atque ego, quo balæna potiar, sputum recusarem? id Castrucci non modo æquo animo tulit, verum etiam adulatorem præmio affecit. Cum quidam eum reprehenderent, quod nimis laute cœnaret, respondit: atqui si id vitio verteretur, non tam splendidis convivijs dies sanctis nostris festos exciperemus. Cum in platea aliquando adolescentem ex lupanari egressum, atque quod ab ipso animadvertus fuisset, rubore perfusum vidisset: noli, dixit, verecundari quod inde exeuntem te videmus, sed potius cum ingredi volueris. Cum amicus ipsi nodum affabre implicatum ad-

exsol-

exsolvendum eum exhibuisset: stulte, inquit, an me id dissoluturum arbitraris, quod etiamnum compactum tantum mihi fastidium parit? Philosopho cuidam dicebat: vos instar canum agitis, atque eos qui plus vobis cibi offerunt, sectamini: At ille respondebat: nos vero medicos æmulamur, corum ædes invisimus, qui opera nostra potissimum indigere videntur. Cum à Lucensibus Pisas versus nave veheretur, tempestateque subito exorta Castruccijs turbaretur, à quodam qui nihil se timere diceret, pusillanimitatis argui cepit, cui respondit: id se minime mirari, quemvis siquidem animam suam tanti æstimare, quantum ea valeat. A quodam interrogatus, quid sibi faciendum esset, quo existimationem mereretur? dixit, fac ad convivium vocatus ne lignum ligno insideat. Cum quidam jactaret, multa se legisse: satius foret, respondit Castruccijs, plura te menti impressisse. Alio jactanti, quod multum vinum ingurgitando non inebriaretur, dixit, idem etiam bos præstat.

Erat Castruccio adolescentula cum qua sese oblectare solebat: ejus rei à quodam amico reprehensus, præsertim, quod ignominiosum esse diceret ipsum à muliercula capi: falleris inquit Castruccijs, ego illam potius cepi, quam illa me. Alter cum moneret, cibus cum delicatioribus vesci, à Castruccio interrogabatur, an ipse non tantum in ejusmodi cupedias erogaturus esset; cumquid minimè quidem gentium alter respondisset; ergo te, inquit, magis avarum, quam me heluonem esse testaris. A Bernhardo Taddæo tunc Lucense opulentissimo & splendidissimo ad cœnam vocatus, inque cubiculum deductus varijs aulæis exornatum, pavimento etiam ipso lapillis, qui varios colores, frondes, floresque exprimebant, segmentato, Castruccijs copiosa saliva collecta, eam in os Taddæi inspuat, atque eâ re turbato dixit, equidem nihil

nihil loci videbam, quem minore cum injuria conspurcare possem. Interrogatus, qua morte Cæsar occubuerit? dixit, Utinam, etiam mihi ita occumbere daretur! Nocte quadam à viro nobili vocatus, quo diem solennem hilariter inter nobiles foeminas atque saltationes duceret, atque præter dignitatem tripudijs istiusque generis recreationibus vacare visus, ejusque ab amico admonitus esset, dixit: qui interdum sapiens sit vix unquam noctu desipere videri queat. Cum quidam ab eo rem petiturus eum accessisset, Castrucciusque tanquam non auditum præterijisset, alter ad genua ejus provolutus ejusdem nomine instare capit: eam obrem à Castruccio objurgatus: at tu pol ipse in causa es, dixit ille, qui aures in pedibus geras: quo quidem dictorio plus quam petierat adeptus est. Solebat dicere viam ad inferos valde proclivem esse: quod nimirum ima peterentur, idque oculis clausis. Cum quidam permultis verbis aliquid impetraturus eum onerasset, dixit: Si quid deinceps tibi à me petendum sit vide ut id per alium agas. Alter cum proluxa oratione quiddam ab eo rogasset, tandemque dixisset, fortassis tardium tibi sermo meus patriat: nihil omnium, dixit Castruccius, siquidem nihil eorum quæ dixeras audiui. De quodam qui tam puer quàm adultus formosus habebatur, solebat dicere: nimium ipsum injurium esse, qui puer maritos uxoribus adultus uxores maritis abalienaret. Invidum ridentem interrogavit, an quod alius male haberet, rideret? Dum adhuc sub imperio Francisci Guinigij ageret interrogatus à sodali, quid vis ut tibi dem quo aliam à me patienter feras? galicam respondit. Cum quendā civium Lucensium à quo potentia auctus fuerat supplicio affecisset, atq; veterē amicum interfecisset reprehenderetur: falleris inquit, siquidē recentem hostem necavi. Laudare solebat eos qui nuberent nec tamen uxores domum deducerent, non secus ac eos, qui navigaturos sese dicerent nec tamen navigarent. Mirari sese dicebat homines, dum videat eos

T

ollas

ollas refectas coementitias prius ictibus tentare atque explorare, at uxores dum ducunt visu sibi satisfactum putare. Interrogatus aliquando, quem in modum mortuus sepeliri cuperet? Facie inversa dixit: novisse enim, se mortuo omnem istam provinciam pessumiturâ. Interrogatus si pro redimenda anima sua unquam in cenobium abire in animo habuerit? nunquam, respondit: iniquum siquidem sibi videri fratrem Lazarum Paradisum, Huguceionem contra Faggiolanum orcum petere. Interrogatus, quando comedere sanitati potissimum conducere? Respondit, si dives sis cum fame urgearis, at si pauper cum possis. Cum aliquando observasset nobilem ex sua familia ad astringendas caligas famuli operam adhibere: utinam inquit, etiam ejus manibus cibis tibi ore excipiendus sit? Cum quendâ adibus suis inscripsisse perciperet: Tueatur eas Deus à malo; dixit: primus ergo ipsemet eas non intret. Cum ad viam humiles angustasque ades conspexisset quibus maxima janua erat, dixit: ades hæc per januam fugituræ videntur. Coram Legato Regis Neapolitani, ob bona exulû in fiscum redacta, cum aliquantum commotior altercando sui oblitus fuisset, atque à Legato monitus fuisset, an non iram tanti Regis metueret? vicissim interrogavit, num bonus an verò malus Rex ille esset? postquam bonum intellexisset: quid agis igitur, dixit, ut à viso bono mihi metuam? Per multa alia narrari possent ab ipso acute atque ingeniose pariter & graviter dicta, verû hæc in testimonii ejus industria sufficiant.

Vixit annos XLIII, omnemque fortunam supergressus est. Ut vero secundæ multa supersunt monumenta, ira etiam adversa vestigia exstare voluit. Si quidem compedes, quibus in carcere onustus fuerat, ad turræ adium suarum affigi curavit, ut perpetuum ejus sinistrae fortunæ monumentum manerent. Sicut vero neque Philippo Macedone Alexandri Magni patre, nec Scipione Romano ulla ex parte inferior fuit: ita quoque parem vitæ rationem terminumque adeptus est. Atque proculdubio utrumque eorum superasset, si ipsi loco Lucensium vel

Macedonia vel Roma patria obligisset.

Modus

**Modus quo usus est Dux
Valentinus in necando Vitellotio**

**Vitellio, Liverotto Firmano, Domino
Paulo & Duce Gravinæ Vr-
sinais,**

descriptus à

NICOLAO MACHIAVELLO

[illegible]

r.

Modus, quo usus est Dux Valentinus in necando Vitellotio Vitellio, Liverotto Firmano, Domino Paulo & Duce Gravinæ Vrsinis,

descriptus à

NICOLAO MACHIAVELLO.

Dux Valentinus reversus è Lombardia, quo erat profectus, ut se excusaret apud Ludovicum regem Galliarum multarum causa calumniarum, quibus ipsum Florentini periverant propter rebellionem Aretij aliarumque regionum Glanice vallis, Imolam advenit, sibi propositum habens milite invadere Iohannem Bentivolum tyrannum Bononiensem; quia in suam volebat redigere potestatem hanc urbem & constituere illam caput sui Ducatus Romanæ. Animadvertentibus hoc Vitellijs & Vrsinis alijsque illorum adhaerentibus, videbatur ipsis, Ducem fieri nimis potentem: timendumque esse, ne occupatâ Bononiâ etiam ipsos extinguere conaretur; quo solus esset armis potens in Italia. Et hac de causa instituerunt conventum Mansionem in Perusia; ubi convenere, Cardinalis, Paulus, & Dux Gravinæ Vrsinæ, Vitellotius Vitellius, Liverottus Firmanus, Johannes Paulus Balio Tyrannus Perusienis, & Dominus Antonius de Venafro missus à Pandolpho Petruccio principe reip. Senensis. Ibi autem multa in mediū proposuerunt de magna Ducis potentia & ejus animo; quodque proinde necessarium esset ejus frenare cupiditatem, cum reliquis in magno sese alias futuros periculo. Constituerunt autem, se non deserturos esse Bentivolios, operamque daturus,

T 3

ut sibi

conciliarent Florentinos. Ablegarunt quoque in unum & alterum locum suos legatos, alijs promittentes auxilia, alios adhortantes, ut sese unirent cum ipsis contra hostem communem. Hic conventus statim per totam innotuit Italiam: & populi, qui malo erga Ducem erant animo, quos inter erant Urbinates, conceperunt spes novas moliendi. Unde accidit, dum animi ita essent compositi, ut nonnulli Urbinatensium sibi proponerent occupare castellum S. Leonis, quod Dux possidebat. Idque arrepta hac occasione. Is qui arci præerat muniens illam curaverat apportari multa ligna; conjurati vero accurate observarunt, aliquas trabes attractas in arcem jacere supra pontem; ut hoc modo impediti non possent illi, qui in arce erant, sursum pontem attrahere. Captantes ergo hanc occasionem, insilierunt in pontem, & quindecim in arcem penetraverunt. Propter hanc vero expugnationem, simul ac illa innotuit, rebellavit tota illa regio & revocavit Ducem veterem: concepta spe non tam ab occupatione castelli, quam à conventu Mansionense, quo mediante putarunt se posse satis defendi. Foederati vero percipientes rebellionem Urbinatensium, e re esse arbitrati sunt, non sinere præterlabi hanc occasionem; eoque collecto milite progressi sunt ad expugnanda omnia, si forte provincie hujus aliquid sub dominio Ducis remaneret. Miserunt quoque denno Florentiam, ut hanc remp. in suas partes sollicitationibus traherent, ad extinguendum commune incipdium: iactantes factionem devictam, & datam occasionem, quâ meliorem nemo expectare possit. Verum Florentini ex odio, quo prosequerantur diversis de causis Vitellios & Ursinos, non tantum non ipsis adhæserunt, sed miserunt etiam Nicolaum Machiavellum secretarium suum ad Ducem, ut offerret illi receptaculum & auxilium contra hos suos

firos hostes novos. Hic vero plenus pavoris ac bello propinquo distractus & inermis Imola erat, quia uno impetu & præter omnem opinionem milites præcipui ab illo defece-
rant. Sed resumpto animo propter oblationes Florentino-
rum sibi proposuit, partim trahere bellum, cum paucis filis
militibus, quos habebat adhuc ad manum, & artibus paci-
ficis: partim vero etiam parare auxilia. Hoc autem fecit duobus
modis: cum sollicitans regem Galliarum milites, tum stipen-
dium dans omnibus hominibus militaribus alijs-
ve qui quocunque modo equos tractabant. Hisce autem
non obstantibus, progressi sunt hostes, veneruntque prope
Forum Sempronij: ubi illis quidam aliqui Ducis milites resis-
terunt, sed à Vitellijs & Vrsinis fuerunt cæsi. Quæ res effecit,
ut Dux sibi proposuerit solummodo id operam dare, num pos-
set hæc turbas per tractatus componere. Quia vero erat
maximus simulator, non defuerunt, per quos nunciare po-
tuit illis qui moverant arma contra illum, sese cupere,
ut omne illud quod acquisiverat ipsi possiderent, sese con-
tentum fore titulo Principis, ipsi principatum tenerent. Id
autem adeo illis persuasit, ut ablegaverint Dominum Paus-
lum ad tractandum cum Duce, & arma deposuerint. Verum
Dux interim non intermittebat rebus suis prospicere, sed ma-
gna cum sollicitudine augebat numerum equitum & pedi-
tum: neve hoc innotesceret, mittebat milites huc illuc, &
distribuere per omnia loca Romaniarum. Interea acceperat
etiam quingentos milites Gallicos. Licet autem adeo
jam potens esset, ut aperto Marte posset se vindicare
à suis inimicis, nihilominus putavit securius & utilius esse il-
los decipere, idèoque non abrupte tractatus.

Hæc autem res tanta industria agitata fuit, ut cum
hostibus pepigerit pacem, confirmaverit item veteres con-

res contractus. Statimque ipsis dedit quatermille ducatos: promittens se non offensurum Bentivolos, imò cum Johanne initurum necessitudinem: promittens denique, illos nolle sese cogere ut se personaliter coram se stant, nisi pro illorum luhitu. Ab altera parte promiserunt illi, restituere Ducatum Vrbinate sem omniaque reliqua à se occupata: ut & se se velle ipsi in omni expeditione servire, nec sine ipsius permissione bello cum quoquam congregari. Conclusa hac pace Guidobaldus Dux Vrbinate nsis fugit iterum Venetias: idque postquam dejecisset omnia fortalitia hujus regionis. Etenim se fidens populo, nolebat, ut ista fortalitia, quæ defendi haud posse credebatur, hostis occuparet, & illis mediantibus suos amicos coërceret. Verum enimvero Dux Valentinus cum iniisset hoc pactum, & distribuisset suos milites cum Gallicis per totam Romaniam, sub exitum Novembris Imolam profectus est Casenam; ubi multos consumpsit dies propter negotia Vitellorum & Ursinorum, qui erant cum suis militibus in Ducatu Vrbinate nsis: quid nempe iterum novi sit incipiendum. Sed nihil fuit conclusum. Liverottus Firmanus missus fuit, ut offerret, si ipsi placeret invadere Etruriam se esse ad illud exequendum paratos, sin, ad expugnationem Senogalliarum sese ituros. Cui respondit Dux, se nolle bellum gerere in Etruria, quod Florentini sint sui amici; sed se esse contentum, ut Senogalliam aggredierentur. Inde vero contigit, ut haud multo post nunciatum fuerit, regionem quidem se dedidisse, sed arcem se nolle dedere; velle enim castellanum hanc tradere in manus Ducis, non autem alterius: quomobrem ipsi adhortati sunt, ipsemet veniret. Duci visum, optimam hanc esse occasionem omnem adimendi suspensionem; quia non à seipso sed ab illis vocatus veniret. Utque

Utque magis securos redderet, dimisit omnes milites Gallie-
canos, qui cum ipso reversi erant à Lombardia, exceptis cen-
tum Domini de Candala cognati sui, & profectus fuit circiter
medium Decembris Cesena Fanū. Hic vero omnibus astutis
& fraudibus, quantum potuit persuasit Vitellijs & Ursinis,
ut illi sese expectarent Senogallia: ostendens, alias per rusti-
citateſ eorum non posse pactum illud, quod inierant, reddi
neq; fidele neque diuturnum; se autem esse hominem qui
cuperet armis & consilio amicorum valere. Quanquam vero
Vitellotius acriter resisteret, morte fratris edoctus, quod ne-
mo debeat offendere Principem & postea iterum se illi fidere:
nihilominus persuasus à Paulo Ursino, qui donis & promissis
à Duce erat corruptus, consensit eum expectare. Quamobrem
Dux ante xxx diem Decembris M D II jamjam Fano profe-
cturus communicavit suum propositum orationis suorum fi-
delium amicorum (inter quos fuit Dominus Michael & Do-
minus de Luna, qui postmodum electus est in Cardinalem)
& commisit illis, ut, quamprimum Vitellotius, Paulus Ur-
sinus, Dux Gravinæ, & Liverottus, obviam venirent, duo
semper in medio assumerent unum illorum; assignans quem-
vis eorum certis hominibus, qui illum sermonibus detine-
rent usque in Senogalliam, nec illos paterentur abire, do-
nec hi pervenissent ad domicilium Ducis & essent capti. Po-
stea ordinavit, ut omnes sui milites tam equites, quam pe-
dites, quorum erant II millia equitum & X millia peditum, ef-
fent cum prima luce eis Metaurū fluvium, qui distat v. milliari-
bus à Fano. Postquam itaque ultimo Decembris cum his mi-
litibus ad Metaurum esset, iussit progredi circiter ducentos e-
quites; post hos movit pedites: post illos ipse cum reliquis
militibus est sequutus. Fanum & Senogallia sunt duæ civi-
tates Marce, sitæ ad litus maris Adriatici, distantes à se in-
vicem

vicem xv miliaribus; sic, ut qui tendit Senogalliam habeat in dextro latere montes, quorum radices aliquando se extendunt usque ad mare, ut inter illos & mare brevissimum sit spatium, ubi se postea dilatant conspicitur spatium duorum miliarium. Urbs Senogallia ab his radicibus remotum, non plus distat quam uno reli actu, & à mari minus quam uno milliari. In latere hujus urbis parvum currit flumen, quod illam partem murorum alluit, quæ est versus Fanum prope viam. Sic qui Senogalliam appropinquat, venit per longam viam juxta montes, quæ conjungitur cum flumine, quod præterfluit Senogalliam, ubi se flectit versus sinistram juxta litrus hujus fluvij. Hinc qui progreditur ad unius fere reli jactum ad pontem aliquem accedit, qui structus est super hoc flumine: ac deinde pergit usque ad portam, qua intratur Senogallia, non per rectam lineam, sed transversam. Ante portam est suburbium cum aliquo spatio, ante quod agger fluminis dividit unum latas.

Interea cum Vitellij & Ursini constituisent expectare & præsenteshonorare Ducem, ut locum præberent ejus militibus, suos miserant ad quosdam pagos, distantes à Senogallia ad sex miliaria, & reliquerant solum Liverottum in Senogallia cum suis militibus: M. pedites & CL equites collocaverant in suburbio, de quo supra est dictum. Rebus hoc modo dispositis, Dux Valentinus venit Senogalliam: & accedente prima parte equitum ad pontem, illum non sunt transgressi, sed subsistentes verterunt equorum alteram partem ad flumen, alteram ad terram, & reliquerunt viam in medio, per quam pedites progrediebantur, qui sine mora in terram descendebant. Vitellotius, Paulus, & Dux Gravinæ mulis insidentes obviam iverunt Duci, quos comitabantur pauci equites: & Vitellotius inermis, solummodo tunica munita panno

panno subdititiō viridi indutus, totus tristis, tanquam conscius esset suæ futuræ mortis, excitabat in alijs, quibus virtus viri & pristina fortuna erat nota, quandam admirationem. Quin fertur, cum ille discedens à suis militibus proficisceretur Senogalliam, obviam iturus Duci, quod quasi ultimum vale illis dixerit, suis capitaneis commendata domo sua & fortuna, suisque nepotibus: hortatus, ut recordarentur non fortunæ familiæ, sed virtutis paternæ.

Iraq; tribus istis obviam procedentibus Duci, & illum comiter salutantibus, Dux eos amœno excepit vultu, illi vero statim ab ijs, quibus cura hæc erat demandata, sunt in medio collocati. Dux autem videns Liverottrum non adesse, ut qui manserat cum suis militibus Senogalliæ, consistens ante arcem sui domicilij trans flumen, ut illos in ordine retineret & exercitaret, innuit Domino Michaëli, cui Liverotti cura erat commissa, ut provideret, ne Liverottus aufugeret. Quapropter Dominus Michael est progressus, & adiens Liverottrum ei dixit, non esse tempus retinendi milites extra domicilia, ne illa occuparentur à militibus Ducis: ideoque, illum horratur, ut milites dimitteret, & ipse veniret Duci obviam. Faciente vero hoc Liverotto, supervenit Dux & illum videns amice compellavit: quem post exhibitam reverentiam Liverottus comitatus est cum alijs. Hoc modo Senogalliam adventantibus omnibus, ac relinquentibus equos suos ante domicilium Ducis, cumque eo intrantibus in locum aliquem secretum, Dux statim illos in carcerem conjici curavit, ac mox equo conscenso mandavit, ut milites Liverotti & Vrsinorum armis exuerentur. Et quidem Liverotti milites statim fuerunt spoliati, quoniam erant in propinquo: Vrsinorum & Vitellorum vero militibus, quoniam erant diffusi, jamque audiverant ruinam suorum dominorum, tempus

debatur sese mutuo conjungendi. Et vero in memoriam
revocantes virtutem & disciplinam familiae Ursinorum & Vi-
tellorum, sese junxerunt, ac contra voluntatem inimi-
corum sese suaque salvarunt. Ceterum milites Ducis, non
contenti spolijs militum Liverotti, aggressi sunt spoliare
Senogalliam: & si Dux corde multorum non repressisset
illorum insolentiam, totam expilassent. Adventante autem
nocte, & composito tumultu, commodum Duci visum occi-
dere Vitellotium & Liverottum: eoque deductos in ali-
quem secretiorem locum curavit strangulari. Ubi neuter
horum protulit quidquam dignum vita antea. Quia Vi-
tellothus petijt, obsecrari Papam, ut sibi concederet plena-
riam indulgentiam suorum peccatorum; Liverottus omnem
culpam injuriæ in Ducem commissæ conjecit in Vitelloti-
um. Paulus & Dux Gravinae sunt relictæ vivi, donec Dux perce-
perat, quod Romæ Papa in carcerem conjici curasset Car-
dinalem Ursinum Archiepiscopum Florentinum, & Domi-
num Jacobum de Sancta Cruce. Hoc accepto, die xviii
Januarij in Castello de Pieva sunt eodem mo-
do strangulati.

ANTO

**ANTONII POSSEVINI
E SOCIETATE IESV**

Judicium

De

NICOLAO MACHIAVELLO.

Excerptum ex libro illius

Romæ ex Typogr. Vaticana

edito.

M D XCII

Influ INNOCENTII IX Papæ.

M 3

CAU

1917 FEB 27 11 30 AM

U. S. DEPT. OF AGRICULTURE

PHOTOGRAPH

1917

RECEIVED BY THE U. S. DEPT. OF AGRICULTURE

and will be made available

under the provisions of the

act of

March 3, 1909

and is hereby acknowledged

227

1917

1

Cautio de iis quæ scripsit tum Machiavellus, tum is, qui adversus eum scripsit Antimachiavellum, cui nomen haud adscripsit.

Diximus alibi, non defuisse Machiavello ingenium & acumen, sed defuisse pietatem & usum rerum. Quibus tanquam duabus alis qui careat, si volatum attentet, præceps ruat necessarium est. De Machiavello igitur id rursus statuendum est, hominem fuisse, cujus consiliis qui adhibuerit fidem, facillime sentiet, non ita multo post, quantuncunque solidum Principatum, Remp. Regnum, Imperium, convelli & cadere.

An vero poterat consilium dari pestilentius, quam quum Principi suadet, *ut spreto alieno consilio sui ipsius prudentia innitatur? Pietatem & religionem, quam etiam non habeat, præseferas? Si quid in religione falsum sit comprobet ac firmet, dum id prosit fovenda qualicunque religioni? Religionem. ethnicam præferat Christiana? Doctores Christiana religionis nibili faciat? De Ro, Cash. Ecclesia pessime sentiat? Moysis auctoritatem & leges vi & armis non fide ac Deo nixas fuisse credat? Fortuna & casus felicitatem, non virtuti & religioni vera tribuat?*

Et hæc quidem sceleratum illud Satanæ organum, prioribus duobus libris, quibus de Principe agit, sic insipienti mundo obtrusit, ut hoc veneno epoto, plærique sese ingentes politicos & consiliarios æstimantes, constitutas optime optimorum Regnorum res facili negotio pessumdederint.

At naturalis & divini luminis radij secus illustrent sapientum hominum mentes: qui à Deo conditi quum sectati essent

affensu ducum majorum, qui probissimi & fortissimi fuerant, experti sunt, pietate, ac una Catholica religione, mox consilio, veritate, humilitate, imperia stetisse; contrariis autem vitijs corruisse. Id quod pluribus hoc seculo, ex provincijs ac Regnis quondam florentissimis, in oculos passim incurrit.

Inter multas Ecclesiæ notas, una est (inquit Bellarminus) felicitas temporalis divinitus collata eis, qui Ecclesiam defendunt. Nunquam enim Catholici Principes ex animo Deo adhæserunt, quin facillime de hostibus triumpharent. Notæ sunt in primis victoriæ in Testamento veteri Abraham, Moyses, Iosue, Gedeonis, Samuelis, Davidis, Ezechie, Iosie, Maccabæorum. In Testamento novo Constantinus, qui primus ex Imperatoribus Ecclesiam defendit, eo fere modo Maxentium vicit, quo Moses Pharaonem. Et de eo sic ait Augustinus libro 5, Civit. cap. 25: *Constantinum Imperatorem, non supplicantem demonijs, sed ipsum verum Deum colentem, tantis terrenis implevit muneribus, quanta optare nullus auderet. Unum versus orbem Romanum unus Augustus tenuit ac defendit; in administrandis & gerendis bellis victoriosissimus fuit; in Tyrannis opprimendis per omnia prosperatus est; grandævus aegritudine & senectute defunctus est; filios imperantes reliquit.* De Theodosio seniore scribit idem Augustinus ib. cap. 26. quod quia Catholicus erat, adeo prospere illi omnia succedebant, ut in prælijs tela hostium in ipsos, Deo agente, retorquerentur. Addit Theodoretus lib. 5, hist. cap. 24. SS. Joannem & Philippum Apostolos apparuisse in equis albis in eodem prælio, qui pro eo pugnabant. De Honorio etiam plane Catholico, & Romano Pontifici addictissimo, ut patet ex ejus epistolis ad Bonifacium Papam, scribit Aug. lib. 5, Civit. cap. 23. ita Deum pro illo pugnasse, ut uno prælio amplius quam centum millia hostium prosternerentur, & Rex ipse hostis cum filijs caperetur; & occi-

& occideretur, ex Romanis ne uno quidem vulnerato, ne dicam extincto. De Theodosio juniore scribit Socrates lib. 7. cap. 18. hist. quod ejus exercitu pugnante cum Persis, quum Saraceni venirent in auxilium Persarum, Angeli turbaverunt Saracenos, & eorum circiter centum millia in Euphrate submerferunt. Justinianus, donec catholicus fuit, felicissime imperavit, ita ut Italiam, & Africam & alias multas regiones Romano Imperio restituerit: ut patet ex Evagrio lib. 4. hist. cap. 16. & seq. At ubi hæreticus factus est, & edictum proponere voluit de sua hæresi recipienda, mox repentina morte sublatus est, & Ecclesiam magno metu liberavit; ut idem Evagrius scribit lib. 4. cap. ultim. Heraclius similiter dum Catholicus esset, præclarissimam victoriam de Persis reportavit, & crucem Domini recepit, quando res Romanæ desperatæ videbantur. At postquam factus est hæreticus Monothelita, omnia infelicitè successerunt, & ipse novo atque inaudito morbo extinctus est. Constat etiam ex historiis Græcorum, Zonaræ, Nicetæ, Nicephori Gregoræ, Laonici Calchocondylæ, Imperatores Orientis ab eo tempore, quo propter dissidium circa Imagines se ab Ecclesia Romana separaverunt, semper magis & magis decrevisse, donec tandem Imperium amiserunt. In Occidente vero liquet ex historicis nostris, Nauclero, Sabellico, Antonino, &c. semper imperatores magis vel minus floruisse, prout magis vel minus Romanæ Ecclesiæ se filios & protectores ostenderunt. Tempore Innocentij III. in Gallia ab octo millibus Catholicorum cæsa sunt uno prælio centum milla partim Albigenſium hæreticorum, partim eorum qui illis favebant: ut scribit Æmilius lib. 6. hist. Francorum. Nostris temporibus anno 1531. quinque prælia commiserunt Helvetij Catholici cum hæreticis Helvetijs, & semper Catholici vicerunt, cum tamen essent numero & armis multo inferiores. Vide Cochlaeum in

actis Lutheri anni 1537. Carolus V. miraculo divino victori-
am reportavit de Lutheranis anno 1547. In Gallia quo-
que & Belgio multas victorias Catholici de hæreticis, non
sine miraculo, reportarunt; imo vix unquam fuerunt hæreti-
ci superiores, quando iusto prælio dimicatum est.

Lib. 1.

Sed redeo ad easdem labeſ Machiavelli, ut cognita pe-
ſtis magis caveatur. Neque enim quidquam pernicioſius
effari poterat, *quam quum belli iuſtitiam in ea, quam quiſque pa-
tat ſibi eſſe neceſſitatem, ſtatuit.* Quippe hac occasione juſte
inſlanmaſſe orbem univerſum Neronēs, & impij quique,
hæreticique, omnes pro ſua libidine dicerentur; quum tamen
belli juſtæ tantummodo cauſæ ſint, deſenſio, aut reſtitutio
religionis, patriæ, pacis, & aliorum bonorum magni mo-
menti, à legitimis poteſtatibus.

Nihil item magis venenatum, quam quum ait,
*Principi, ut omnem penitus pacis ſpem ac deſiderium præcidat, in-
ſignibus injuriis violandos eſſe adverſarios: In provinciis ſubactis
colonias ſic eſſe collocandas, ut veteres ablegentur incolæ: Quibus
autem mutatio gravis eſt, omnes eſſe ſubvertendos, & familias
funditus tollendas (Viden' hinc Mahometiſmum palam ſta-
tuit?) Præviſ moribus eſſe implendam ſeu provinciam: ſive civi-
tatem, quæ ſine bello velit ulciſci: Structum eſſe, ſi quis patet, ve-
terum injuriarum oblivionem induci novis benefactis: Principi
tyrannum aliquem in ſignem imitandam eſſe, temerandamque cru-
delitatis famam, dum in officio ſubditos contineat: Expedire ut
metuatur plus quam ametur: Amicitia haud ſidendum: Si quem
plectere velit, ſpectioſum aliquid eſſe prætexendum: Leonis & Vul-
pis induendum ingenium: Inhumanitatem uno impetu, ſenſum ve-
ro exercendam beneficentiam: Factiones eſſe alendas inter ſub-
ditos; tollendos autem de medio boni publici amantes: Peſſima de-
nique omnia, arte, dolore, & ruina ſubditorum, eſſe patranda.*
Hæc igitur & hujusmodi alia nebula ille impius, naturæ, ju-
ris, re-

tis, religionis osor, & Atheismi inventor: quare & blasphemans evomuit damnatam animam.

AT etsi à prudentibus ethnicis haud male, à Christianis autem optime, ista omnia fuere prius refutata, quam à Machiavello collecta; fuit tamen non ita pridem inter Calvinianos, qui quum Genavam aufugisset, librum edidit, quem Antimachiavellum, celato suo nomine inscripsit. In eo ex antiquis historijs ducit quidem argumenta, quibus Machiavellus oppugnatur: sed ubi hic Catholicam oppugnat Ecclesiam, vel ubi occasio sese dat, facile Machiavellum blasphemando æquat & superat. Quare quod poterat usui esse, ac quicquid præmij consequi apud Deum & homines, si in Machiavello confutandum perflitasset, utrumque perditè perditus amissit. Quod sane hæretici fere faciunt, dum antidotis abutuntur, non ad tollenda sed ad insinuanda & tegenda venena.

Q V A N T O rectius Sanctus Thomas aureo opere de regimine Principum, regem Cypri docuit? Quis Rex, quæ necessitas sit, ut & ipse ratione regatur: Quam natura passim ordinem spiret in omnibus etiam quæ sensu carent: Qui finis, quum regimen injustum sit atque perversum, si privatum non publicum commodum quærat: Quæ ratio administrandi potior, nempe per unum, quandoquidem & hoc Deum ipsum referat, & naturam imitetur. (Sicut enim unius administratio optima est, quum justa est: sic si sit injusta pessima est.) Quomodo regimina vel unius, vel plurium, vertantur in tyrannidem: Quomodo hæc tollenda, vel declinanda, aut etiam interdum toleranda sit: Quid præcipue Regem debeat impellere, ut recte administret, honosne, vel gloria, an alia: Quoniam vero mundanus honor, & hominum gloria Regiæ solitudinis non est sufficiens præmium, ideo expectandum esse à Deo præmium. Non enim (ait ex Augustino) Christianos Principes, quia diutius imperarunt, vel imperantes filios morte placida reliquerunt, vel hostes Reipublice diminuerunt, vel cives adversum se insurgentes & cavere & opprimere potuerunt; sed felices eos dicimus, si iuste imperant, si malis cupiditatibus potius, quam gentibus quibuslibet imperare, si omnia faciunt non propter ardorem inanis gloriæ, sed propter charitatem felicitatis æternæ. Tales Imperatores Christianos felices interim dicimus, spe postea re ipsa futuros, quum id quod expectamus, advenerit. Hæc Sanctus

Thomas ex Augustino. Quæ postea sapientissimis rationibus firmat, dum & monstrat præmium Regum, tenere excelsum gradum in beatitudine cœlesti: quare & bono regimini studendum esse ob bonum sui ipsius, atque ob id, quod inde percipitur fructus; quum sic quoque magis divitiæ, potestas, honor, & fama, quam ex improba administratione consequantur. Cæterum Regem in regno debere esse sicut animam in corpore, & sicut Deum in mundo, qui cuncta ordine, propria operatione, loco disponit: sic tamen ut distinctæ sint administrationes, Sacerdotalis, & Regia, & suum unaquæque præstet officium. At sicut ad ultimum finem consequendum requiritur, ut Rex subditos suos disponat ad vivendum secundum virtutem, ita requiri, ut eos disponat ad fines medios. Quos explicat, rationibus additis, quibus impedimenta tollantur.

Quæ cum summatim priore libro egisset, descendit Secundo libro ad ea, quæ pertinent ad instituendam civitatem: ad arces statuendas, ad pecunias recte comparandas; ad probos administratores (ubi & de Dominio politico, & despotico) ad itinera tuta, & commoda: ad justas mensuras, & pondera: ad pauperes sustentandos: ad cultum divinum rite solideque exercendum.

Tertio libro adhuc altius atque præstantius docet: omne dominium esse à Deo, ex consideratione naturæ entis, & motus cuiuslibet creatæ naturæ, ac finis. Post quæ de antiquo Romanorum dominio, de Pontificatu Christiano, de cæteris Imperatoribus, & regibus, & alijs grandibus, sapienter differit.

Quartum librum absolvit tractatione ea quæ ad plurimum dominium spectat, quod Politicum dicitur. Vbi varia recenset administrationum genera, quæ ethnici adhibuere, quæve Socrates, Plato, Aristoteles, & alij de hac re attigerunt. Quæ eo refert, ut constitutionem integram civitatis per tale regimen tradat.

Hoc igitur paucis ad optimum librum indicandum satis est: quod rectissime quisque adversus Machiavelli, & Antimachiavelli imposturas possit præmuniri. Quum quæ postea Chrysostomus Lavellus copiosius, & optima methodo, hac de re, alijsve scripserunt, maxime versanda sint ijs, qui vel administrant, vel administrantibus consulunt.

EXCERPTA EX L. III.
DE
NOBILITATE CHRISTIANA
HIERONYMI OSORII
Episcopi Algarbiensis Lusitani
De nonnullis sententijs
NICOLAI MACHIAVELLI

X 3

EX

EX LIB. III
 DE NOBILITATE CHRISTIANA,
 HIERONYMI OSORII
 EPISCOPI.

DE NICOLAO MACHIAVELLO.



Uin etiam impurus quidam scriptor atq; nefarius, in libris, in quibus & sive civitatis historiam, & multas quæstiones ad reip. statum pertinentes Etrusco sermone complexus est, non putavit dissimulandum, quid de nostrorum sacrorum religione sentiret. Christianam religionem scribit, illam magnitudinem animi, quæ in antiquis elacebat, funditus sustulisse: Romani Imperij ruinam, laudis & gloriæ labem, virtutis etiam militaris interitum, huic sanctissimæ summi & æterni Dei religioni, assignandum putat. Tum postremo, ut aliqua ex parte vitet offensionem bonorum, id inquit non vitio religionis, sed interpretum, qui illam male intellexerunt, accidisse: cum tamen non posset ostendere quæ fuerit illa perversa interpretatio quæ tantorum malorum causam præbuerit. Sed ut infixo aculeo honeste posset quacunque ratione discedere, ineptissimam illam medicinam justî doloris adhibuit. Parcerem mortuo, si non plures nunc monumentis inquinatissimis, quam olim vitæ contemptissimæ læssisset. Sed quando tam indignum convicium Christianæ nobilitati illius defuncti scripta faciunt, non dubitabo Christi præsidio tectus, cum hominis conscelerati manibus configere. Quod tamen non studio pugnandi faciam, sed ut eorum amentix, atque secleri resistam, qui in eadem mentis cæcitate versantur. Late enim disse-

diffeminatum ex hoc malum, multosque sancta contagione graviter infecit.

Primum igitur illud requiro, quid in nostris hominibus viderit, quod posset ulla ratione contemnere? Nam si magnitudo animi perspicitur ex rerum humanarum despicientia, & ex quadam elatione, nihil nisi divinum & inclytum cogitante, nihil certe illustrius esse nostris potest: qui cum se intelligerent in divinam familiam vocatos, omnes res mortales infra se positas esse dixerunt, omniaque vitæ consilia ad divinitatem & immortalitatem retulerunt. Si fortitudinis est omnis invicta patientia; quis nostrorum animum non admirabitur, cum viderit ipsas etiam virgines pro Christi nomine acerbissima supplicia & omnes corporis cruciatus appetivisse? Quantis laudibus celebratur Lezna meretrix, quod multis tormentis lacerata, conscios conjurationis non indicavit? Quantis Anaxarchus eadem ipsa de causa? Quantis denique Syracusanus ille Thraso, quod nullis supplicijs adduci potuerit, ut socios conjurationis proderet? Hos certe Machiavellus ipse (sic enim appellatur præclarus scriptor, cum quo mihi res est) nullo modo contemnendos putabit, propterea quod expertes veræ Religionis extiterunt: quam solam laudis expertem esse vult, & conjurationis participes fuerunt, cujus experiendæ rationem in summa laude ponit. At quam obscura est illorum constantia, si ad nostrorum virtutem conferatur! Si enim causam respicias: illi Tyrannorum odio, à quibus læsi erant, supplicia perferebant; nostri Christi amore, à quo divinis beneficijs ornati fuerant, tormenta omnia levia putabant. Si cruciatus magnitudinem consideres atque diuturnitatem, in nostros non usitata, ut in illos, sed nova & inaudita genera tormentorum inventa fuerunt, quæ diutissime vivorum corpora lacerarent atque contunderent. Illi deinde in desperatione omnium mortem

fortunatarum dignitatis speciem aliquam retinuerunt: nostri cum sibi utrum vellent liberum fuisse, non inviti tamen mortem elaram cum ignominiosa vita commutarunt. Si ad numerum advertas ridiculum est, paucissimos infinitis opponere. Hanc tu disciplinam, è qua tam præclara documenta virtutis extiterunt contemnis: Hac institutione, quæ infirmam etiam naturam mulierum, imbecillam ætatem puerorum, incredibili constantia armavit, quæ tantam multitudinem in laudis & gloriæ stadium incitavit, abjectos animos, atque demissos effici contendes? Quæ est ista mentis perversitas, ut virtutis umbram admireris, veram virtutem pro nihilo habendam putes? Sed nimirum illud est: Faciem tantum Crucis adspicis, virtutem illam excellentem sub specie Crucis occultatam non intueris. Nec enim mens angusta, tenebris opplera, & sordibus inquinata, tantæ lucis splendorem sustinere ullo modo potest. Christi enim disciplina, ut inquit Paulus, perditis & profligatis hominibus, inscitæ & humilitatis speciem præbet; moderatis vero, divinoque beneficio confirmatis ostendit sapientiæ cœlestis, atque divinæ virtutis amplitudinem. Atque quemadmodum in Christi persona omnes illam faciem videbant, in qua, ut erat Esaiæ vaticinio prædictum, non erat species neque decor: non tamen omnes illam gloriam divinitatis, quam Ioannes vidit, inspexerunt: sic etiam multi propter similem mentis caliginem, Christianorum vitam inanissimis ornamentis nudatam despiciunt; illam vero excellentem Christianæ dignitatis lucem aspicere nulla ratione possunt.

Sequitur ut etiam de virtute militari aliquid dicamus, quam ille à Christianis moribus & institutis longe alienam putat. *Qui convenit (inquit ille) cum istius virtutis celebritate gloria contemptio, qua Christianis omnibus præscribi soles? Nemo*

animum nisi laudis studio inflammatus fuerit, pericula sibi subeunda putabit. Jam quod asserit, neminem, nisi qui laudis studio adductus sit, fortem fieri posse: non credo facile concessuros illos philosophos fuisse qui simul & de contemnenda gloria conscripserunt, & fortitudinis innumera præcepta tradiderunt. Nam si illa mutuo sese perimere existimarent, nunquam essent tam amentes, ut eadem opera homines à cupiditate laudis abducendos, & in studium virtutis incitandos esse ducerent. Virtutem autem illam esse statuerunt, quæ non ex vulgi rumore penderet; sed quæ præclaras actiones ipsius honestatis causa susciperet. Hic autem sic argumentatur quasi sola laudis cupiditas ad virtutem acuat, & non alij, multo potiores sint virtutis & industriæ stimuli, quibus bonorum animi dies & noctes concitati, pericula libenter & studiose suscipiant: nempe insignis in patriam benevolentia, ipsius virtutis amor, egregia deinde legum atque religionis observantia, quæ quidem omnia sunt in Christianorum institutis perfectissima. Quid si laudis etiâ studiosissimi sunt? Tamen isto erit quisquam vel furore, vel impudentia, ut hoc nomine dignitate illorum imminuere conetur? Sunt illi quidem ab inanis laudis cupiditate remotissimi; immortalis tamen, & veræ gloriæ cupiditate vehementer incensi. Despiciunt hominum famam, ad veram tamen laudem, quæ Christi omnia conspicientis testimonio continetur, ardentem incumbunt. Non cupiunt homines rerum suarum spectatores habere, nempe qui sciant, se, Angelis inspectantibus omnia præclara facinora suscepturos. Hoc magni animi est, hoc generosi atque magnifici, non pendere ex imperitiæ plebis opinione, infima omnia negligere, cœlestia tantum atque divina contemplantur. Quid enim iste dicat in Christianis moribus humile atque demissum, non satis intelligo. Si superbi-

am, &

am, & insolentiam, si mores immanes, si animos contumaciter elatos, atque inflatos, animi magnitudinem indicare putat: fateor nihil in terris esse Christianorum natione contemptius: nempe quæ summa contentione in studio moderationis, mansuetudinis, lenitatis evigilet. Si vero virtutes omnes, ut etiam eruditissimi prodiderunt, uno conjunctionis vinculo continentur: nec ulla pugna inter illas esse potest, tantum abest, ut mansuetudinis atque modestiæ laus splendori fortitudinis adversetur, ut etiam nullo modo à se invicem divelli atque disjungi queant. Itaque nemo vir fortis esse potest, nisi idem sit mansuetus atque moderatus. Longe enim fallitur opinione: qui animi impetum non æquitatis & humanitatis studio, sed cupiditate atque furore concitatum, fortitudinem appellandam potius, quam importunæ cujusdam belluæ veritatem putat. Iste autem præclarus auctor, qui Principes ad communis salutis perniciem instruit, qui imperij opes non tam æquitate & clementia, quam perfidia & crudelitate stabilire docet, appellet sane quo velit nomine furorem illum, cunctam barbariem scelere & immanitate superantem, dummodo nemo sanus tam stultæ atque nefariæ opinioni assentiatur. Nos vero nunquam ita amentes erimus, ut illam animi moderationem, quam sacræ literæ appellant humilitatem, ut clementiam & mansuetudinem, cujus nobis idem auctor exitit, qui & eximie fortitudinis exemplum ipsam fortitudinem impedire dicamus. Nam cum virtutes inter se conglutinatæ sint, tum vel maxime animi moderatio atque fortitudo. Utraque enim ab eadem animi magnitudine profecta, eandem prope modum retinet dignitatem. Nec enim majoris animi est impetum hostium sustinere quam cohibere iracundiam, & omnem perturbationem reprimere, nec ulla offensione ab

humanitate & à mentis constantia deturbari. Non itaque ferme fuit vir egregie fortis, quin etiam laudem mansuetudinis sibi adseverit. Quanta gloria fuit illa Themistoclis, cum esset in consilio Græcorum à reliquis ducibus convicijs indignissime vexatus, ille vero petulantiam illam non convicio sed patientia comprimendam putaret? Quid hic Periclem referam? Quid Iulium Cæsarem, & alios complures, qui non majore studio virtutis imperatoris nomen, quam mansuetudinis & patientis laudem venabantur? Contra vero, ut quisque maxime angusti animi est atque demissi, ita est ad iracundiam & feritatem maxime propensus. Omnes illi barbari, qui à disciplina fortitudinis abhorrent, ita crudeles habiti sunt, ut loquendi consuetudo crudelitati ipsi barbarici nomen adscripserit. Quid de mulierum natura dicam? Quibus ut nihil est imbecillius, ita nihil ad injuriam persequendam eoncitatus. Quod si modestia atque mansuetudo virtutis splendorem non excludit, sed cum ab eadem animi magnitudine nascatur, ipsam fortitudinem exornat: ista tamen erit quisquam dementia, ut Christianam mansuetudinem imbecillitatem vocet, præceptis fortitudinis repugnantem? Quæ malum est ista perversitas atque impius furor, ut ea, quorum tenuem umbram in alijs suspicimus, in nostris vera & summa contemnamus? Magnanimi semper habiti sunt, qui contumelia lacerati & injuria laceßiti ira non efferruntur. At nostri illam disciplinam à Christo acceperunt, ut humanitate convicia, beneficijs injuriam ulciscantur. Ergo dicet aliquis, cum ita mansueri sint, nunquam imperum hostium à suis finibus depellent, neque sceleri armis resistent, sed quemvis furorem beneficio compensabunt. Hoc qui dicit, minime expendit officiorum momenta: nec intelligit alia alijs personis, locis, temporibus, causis convenire. Christiani ipsi,

ipsi. qui in privatis offensionibus & injurijs moderationem, atque patientiam amplectuntur, iidem in publicis periculis acerrimi & vehementes publicæ salutis atque libertatis vindices existunt, præsertim ubi simul agitur dignitas religionis. Tunc enim mansuetudinem flagitium, patientiam scelus nefarium arbitrantur. Hac mente præditus fuit divinus ille Moyses, quem sacre literæ perhibent fuisse inter omnes mortales mitissimum, qui tamen & hostium copias singulari virtute represit, & læsi auminis offensionem multorum supplicio placuit. Talis fuit etiam David, quem unum divini oracula laude mansuetudinis unice commendant. Hic tamen incredibili virtute maximos & fortissimos hostium exercitus profligavit, & ingentes alienigenarum strages edidit. Sic etiam multi Christiani Principes ad omnem rationem humanitatis commodissimi, bellicæ fortitudinis gloriæ laudem mansuetudinis æquarunt. Quid? ipse Christus nonne satis exemplo suo nos admonuit, quatenus esset utendum mansuetudine, quo rursus in loco severitatis persona suscipienda esset, cum sacrilegos, qui sacras ceremonias polluebant, flagris severe & acriter insecutus est? Non est igitur cur quicquam Christianam mansuetudinem aspernetur, cum ita cura vera fortitudine conjuncta sit, ut nihil possit esse copulativius. Utraque enim ab eodem fonte manat, & altera alteram incredibiliter illustrat.

Nunc ad postremum egregij scriptoris argumentum veniamus, quod totum in Religione consistit, & in illis antiquis ceremonijs omni scelere contaminatis. *Tantum enim vim habuisse putat hostiarum cadem profanam, atque pecudum stragem, ut repente ex timidis feros & audaces efficeret. Nos itaque qui nec hostias cadimus, nec quadrupedum sanguine aras exornamus, nec extra inspicimus, magna ad virtutem instru-*

mentis hoc religionis incommodo privari. Hic profecto nescio, quid vel ad impietatis furorem, vel ad mentis cæcitatem, & stultitiam addi possit. Nefariam superstitionem cum sanctissima Dei immortalis Religione comparare, facinus est in-expiabile, atque nefandum: existimare autem, illum qui pecudum carnificinam intrepide vultu conspexerit continuo fortem evasurum, extremæ dementiæ argumentum. Cur enim isto auctore non conquirimus omnes lanios? cur non etiam carnifices (hos enim oportet magis efferatos esse, à quibus hominum corpora lanientur) ad arma similiter evocamus? Ut scilicet illa virtute, quam aut sanguine pecudum, aut supplicio damnatorum adepti sunt, in hostes irruant, & à nobis omnia pericula propulsent. Quid si ostendo, omnia in illis gentium sacrificiis & ceremonijs ad imbecillitatem atque formidinem spectavisse, nec aliquid fuisse quod animum confirmare posset? Primum preces illæ priscis atque solemnibus verbis institutæ, quantum anxietatis habebant? In quibus si quid titubatum fuisset, si quid præposteris verbis, aut sinistris ominibus effatum, putabant continuo omnes Deos P. R. iratos fore. Deinde quanta illa formido erat hominibus, anili superstitione implicatis injecta, cum non satis ex animi sententia litabatur? cum exta dirum aliquod & tristem minabantur exitum? Cum verò accidisset, ut multas eodem tempore hostias immolarent, & casus ita tulisset, ut aliarum exta darent illa signa, quibus homines existimabant, Deos omnia secunda promittere, aliarum vero tristitia denunciarent: necesse erat, ut essent incredibili metu suspensæ mentes illorum, qui neque secundis extis propter vetustatem & inconstantiam confirmari poterant, neque rursus dira propter religionem, qua erant penitus imbuti, contemnere. Quid ostenta, prodigia, aruspicum responsa, quan-

9
sa, quantam vim habebant ad animos debilitandos atque frangendos? Cum nihil omnino neque natura, neque fortuito accidisset, quod non interpretarentur, Deorum id consilio fieri cladem aliquam portendentium. Itaque vel alitis volatus, vel terræ fremitus, vel dextrum fulmen, vel quævis ejusmodi monstra atque conficta interdum prodigia, terrorem atque metum miseris hominibus incutiebant. Quid autem solissima tripudia commemorem? quæ cum essent coacta, nec illis quidem superstitiosis hominibus, & auspicio valde deditis firmam spem facere poterant. Si vero pulli casu aliquo non pascerentur, eaque res ad militum animos permaneret, quasi de pernicio à Diis ipsis præmoniti, attoniti religione manus cum hoste non conferebant, ancipiti formidine perturbati atque impediti. Multis itaque in locis proditum memoriæ est, exercitus suos atque caesos esse, quod vitio contra hostes educti fuissent. Quod quidem minime mirum est. Cum enim essent ista religione perfusi, ut crederent, non sine Deorum consilio & namine, cladem atque pestem denunciantium, pullos injectam offam neglexisse, ob idque omnium mentes concidissent, manusque metu obtorpuissent, neque solita spe atque audacia prælium commisissent, necesse erat ut cladem aliquam insignem acciperent. Inde adeo factum est, ut omnes illis religionibus valde dediti, quos fanaticos appellabant, in timore perpetuo & cura mente ancipiti versarentur. Quid? quod multi viri strenui levissimis ostentis permoti, magnam multis in locis timoris significationem dederunt? Lacedæmonij, ut de Græcis etiam aliquid dicamus, cum bellum aliquod suscepissent, Regesque ipsi in patriæ finibus de more sacrificarent, si casu non litabant, exercitus continuo domum reducebant. Cumque essent Lacedæmonij moribus & institutis ad duritiem

tiem atque virtutem militarem educati, tamen ea imbecillitate ducta ex sacrorum impura religione tenebantur, ut bellum intermitterent. Jam si strepitus aliquis auditus fuisset, omnia belli consilia ab illis deserta & omissa jacebant. Quid autem quæso aliud, ut Lacedæmonios omittamus, Atheniensium opes evertit, quam anilis quædam, & misera superstitio? Cum enim imperator sane fortis Nicias, & classi & exercitui simul cum Demosthene præfectus esset, & Syracusas oppugnaret, intelligeretque civitatem illam & suis viribus & totius Græciæ auxilio munitam capi non posse: Demosthenesque instaret, ut classem à portu deducerent, ne præcluso exitu ab hostibus, omne robur Atheniensium, quod in illa classe continebatur, misere periret: id Nicias ipse comprobabat, religione tamen impeditus salutare consilium executus non est. Paucis enim illis diebus Lunæ lumen, terræ, ut certis temporibus fieri necesse est, interjectu defecerat. Id Nicias ostentum ratus, ad religionum interpretes deferendum statuit. Illi nefas esse respondent intra triginta dies classem navigare, aut quippiam aliud moliri. Interea Siculi magnis molibus portus fauces obstruunt, & exitum multis navibus objectis intercludunt. Classis igitur illa, in qua flos Atticæ juventutis, & Atheniensium robur inerat, cum jam frustra classem hostium perumpere, & è portu progredi conaretur, inepta illa Niciæ superstitione miserrime dissipata, atque depressa est. omnisque nobilitas occisione consumpta. Hæc tu sacra impia, has religiones impuras & aniles ad virtutem erudire, & instituere dices, quæ homines etiam impuros, & audaces, horribili formidine replebant, mentem à constantia deducebant, consilia salutis impediabant? Eam tu gratiam Christo optimo maximo refers, cujus munere, atque beneficio tam impia, tam impura, tam dementi superstitione leva-

ne levati atque liberati sumus, ut illam etiam Christi religioni anteponas? Nam si animi Christianis institutis informati, fracti languidi atque demissi efficiuntur: illis vero antiquis & impuris ceremonijs, quibus divini honores habebantur impiorum hominum simulachris, ad virtutem incitabantur: illa certe videntur his nostræ religionis institutis omnino præferenda. At vide in quanta erroris opinione atque amentia versatus sis. Qui vere Christiana religione imbuti sunt, non alitis involatu, non oscinis cantu, non extis tristitia monentibus permoventur: non terræ motu, non fulmine, non prodigijs ullis, aut monstris conturbantur. Nihil est denique quod animum hominis Christiani convellere aut labefactare possit. Sic est enim institutus, ut si orbem terrarum bellis ardere videat, si omnia sibi pericula intendi, si cuncta incendio conflagrare atque pene consumi, ipse tamen optima spe plenus constantiam retineat, nec ullo unquam horrore perfundatur. Primum, quia credit esse se fortissimis copijs constipatum atque communitum. Didicit enim è sacris literis, esse quosdam cœlestes exercitus qui piorum hominum salutem tueantur, & ab illis, cum commodum est, omnem impetum atque furorem hostium propulsant. Hoc enim se præsidio vallatum esse sensit Jacobus, cum castra Dei se conspiceret testificatus est. Rursus cum Syriæ exercitus Elisæi capiti immineret, ipsiusque minister formidine perterritus opem imploraret: *Noli timere*, inquit Helisæus, *plures enim nobiscum sunt*. Subjungit deinde sacra historia, *Cumque orasset Helisæus, ait: Domine aperi oculos pueri huius, ut videat. Et aperuit Dominus oculos pueri, & vidit, & ecce mons plenus equorum & currum ignearum in circuitu Helisæi*. Atque ne quis in paucos illud Divinum præsidium collatum esse putet, alibi de universis, qui pi-

Z

qui pietatem colunt, Deumque caste & pure venerantur
 sic scriptum est: *Imminet angelus Domini in circuitu timen-*
tium eum, & eripiet eos. His igitur testimonijs qui fir-

missimam fidem adjungit, seque divino præsidio munitum
 esse credit, trepidare metu non potest, sed elato animo at-
 que confidenti, id quod alio in loco scriptum est, usurpabit:

Pl. 26. si consistant adversum me castra, non timebit cor meum. Si
Pl. 120. exurgat adversum me prælum, in hoc ego sperabo. Item il-

lud: *Hi in curribus, illi in equis, nos autem in nomine Do-*
mini invocabimus. Ipsi obligati sunt & ceciderunt, nos
autem surreximus & erecti sumus. Hæc igitur spes gentem
 Christianam imbecillo animo esse non sinit. Deinde im-

mortalitatis cogitatio, atque certa gloriæ futuræ præsensio,
 quantam vim habet ad constantiam stabiliendi? Refert Cæ-
 sar, Gallos ita Druidum disciplina, quæ persuadere niteba-

tur non interire animas sed ab alijs corporibus ad alia post
 mortem transire, fuisse vehementer ad virtutem excitatos.
 Itaque metum mortis neglecto, intrepide sese in quodcunque

capitis periculum atque vitæ discrimen inferebant, cum ni-
 hil aliud esse mortem opinarentur, quam mutationem vitæ
 atque in alia corpora migrationem. Itane tandem? Prisci

illi Galli immortalitatis opinione vanissima, ex inani qua-
 dam superstitione concepta, nulla pericula recusabant: Chri-

stiani qui non imbecilla opinione, sed constanti fiducia cre-
 dunt, se postquam ex hac vita excesserint fore beatissimos,
 mortem horrebunt? Quid enim magis in Christiana religio-

ne celebratum, quam omnes eos, qui coluerint justitiam &
 pietatem, posteaquam è corpore quasi è vinculis emissi fue-

rint, in cælum evoluturos, ut immortalis gloriæ ævo sempi-

terno perfruantur? Quid deinde est magis animis nostris infi-

rum, quam fore aliquando, ut corpora, quæ jam penitus

COR.

consumpta sunt, instaurentur: atque cœlesti splendore collustrata, rursus cum animis ipsis inviolabili fœdere conjungantur: ut sic divinitus renovati, omnibus summis & æternis voluptatibus animo & corpore potiamur? Hoc qui persuasum habuerit, nunquam, mihi crede, ab ista vita, innumeris ærumnis, atque calamitatibus inquinata, invitus & iniquo animo discedet. Quid autem postremo dicam de amore illo, quo illi, qui vere Christi sacris imbuti sunt, quotidie magis inflammantur? Illud certe perspicuum est, nulla re magis incitari ac incendi animos ad omnia capitis pericula subeunda quam benevolentia & charitate. Nihil est enim amanti difficile, nihil non suave & jucundum, quod pro re quam habet caram, suscipiatur. Mortem ipsam, quæ omnibus horribilis est & maxime pertimescenda, ultro etiam appetendam interdum putat, non modo contemnendam. Quod si tantum valet amor levissimis sæpe de causis inter homines conciliatus, ut contemptionem mortis etiam inducat: quid de illius charitatis magnitudine dicam, quæ munere Spiritus divini puris & integris mentibus concessa est? Ejus certe vi concitata Christiana nobilitas, omnem vitæ suavitatem in laboribus & periculis ponendam esse duxit, omnes corporis voluptates & fluxos honores omniumque rerum affluentiam aspernata. Illa Christi cupiditate vehementer incensa, neque minis, neque terroribus, neque inauditis supplicijs à pietate dimoveri potuit. Illa postremo faciebat, ut omnia tormenta, quæ pro Christo, quem unice & ardentè amabat, patiebatur, levia atque jucunda putaret. Quin etiam nihil videbatur Christianis æque optabile & expetendum, atque pro Dei immortalis religione vitam in summis totius corporis cruciatibus amittere. Quod minime mirandum est. Nam cum amor omnem animi cogitationem avertat à

formidine; necesse est, ut summum atque divinum amorem, grandis constantia atque divina consequatur. Ultra igitur eandem religio ad virtutem facilius incitabit? Ea ne, quæ hostiarum fibris, aut alitum involatu, aut apum examine, atque confectis monstis suspensam tenet hominum imbecillitatem? An illa potius, quæ animos ita confirmat, ut neque totius orbis conversione labefactari possint? Illa deinde, quæ clementi superstitione ipsam humanæ virtutis exercitationem sæpenumero impedit? An illa potius, quæ infirmam naturam mulierum & teneram ætatem puerorum virtutis constantia roboravit? Illa postremo, quæ nulla firma spe mentes humanas confirmare poterat? An illa, quæ divini auxilij ostensione, certissima spe immortalitatis, Dei amore atque studio, ad divinam virtutem erudit, & ad omnium rerum humanarum despicientiam instruit? Sed quid opus est hominis istius impurissimi vel impietatem vel amentiam multis argumentis convincere, cum utrumque sit adeo manifestum, ut nihil facilius deprehendi possit? Impietatis scelus, cum istis maculis velit aspergere Christianam dignitatem; quod nunquam fecisset, si aliquam præclaram opinionem de Christi divinitate habuisset. Furoris amentiam, cum tam falsis ineptis male coherentibus rationibus nefariam illam sententiam confirmet. Atque scio quidem me longius oratione protractum, quam fortasse necesse fuit. Hoc autem si quis vitiosum putabit, velim ut partim tribuat hanc veniam justo dolori, quo sum mirabiliter elatus: partim existimet, id instituto nostro minime alienum fuisse. Cum enim de Christianæ claritatis splendore sermonem instituissim, Etruscus autem ille scriptor, eandem impurissimo genere orationis obscurare conatus esset, non dissimulandum putavi: præsertim cum eorum numerum, qui vel scriptis illius incitati, vel sponte sua, ejusdem sceleris atque furoris affines sunt, late & variè diffusum intelligerem.

ANONYM.

B
*Anonymus in imaginem Nicolai Ma-
chiavelli.*

Supremum per te nata est Prudentia culmen,
Vtiterius nec quo progrediatur habet;

*Auctor præfationis in editionem Latinam
Francofurtensem Princi-
pis.*

Fuit Machiavellus summo ingenio: usque adeo, ut possi-
hominum memoriam nullum exstitisse tantum existimem;
cum quo Machiavellus suo quodam modo conferri nequive-
rit. Historiarum omnium tantam cognitionem habuit, ut
vix rebus omnibus gerendis interfuisset, causas consilia pro-
gressus eventusque omnium, in animo prompte haberet.
Quæ res illi una cum acutissimo ingenio conjuncta, ad rei-
publicæ administrationem, universumque vitæ Politicæ u-
sum, tantum momenti attulit, quantum ratio cum experien-
tia conjuncta, unquam alicui in aliqua arte aut exercitatio-
ne prodesse potuerit. In consilijs capiendis, ac rerum susci-
piendarum deliberatione, solus videtur Historiæ usum intel-
lexisse. Tanta scilicet fuit ejus solertia & industria in conferen-
do domestica exempla cum peregrinis, præsentia cum futuris
atque præteritis, similia cum similibus; ut ex præteritis re-
rum futurarum eventus prævidere sæpe potuerit. Et quid
multis opus est? Vnum sufficit nobis argumentum, ejus Dis-
putationes nempe, quas Discursus appellavit de rebus à Tit-
Livio prima Decade scriptis. In quibus antiquissimam il-
lam veterum Romanorum virtutem, tanquam in compen-
dio comprehensam expressit, ad imitandum proposuit, & ob
quas causas nostra ætate hujusmodi præclara facinora nulla

patrentur, tam evidenter demonstravit, ut totius Historiæ succum in ijs comprehendisse videatur. Adeo scilicet, ut ex earum lectione industrius Lector, qui vir bonus esse velit, ad vitæ politicæ usum plus utilitatis cognitionis ac experientiæ brevi temporis spatio sibi comparare possit, quam si multos annos in evolvendis libris de rep. ab alijs quibuscunque auctoribus scriptis sese maceraverit.

Idem ibidem.

Nos ex doctissimorum virorum institutione existimamus, summam illius viri prudentiam fuisse, longo rerum usu comparatam, eamque scripta ipsius legendo non admirari nequimus, præsertim in Disputationibus de Republica quarum prius fecimus mentionem. Interim tamen errores ipsius, præsertim quos habet in libro de Principe, nullo modo excusamus neque defendimus.

*IVSTVS LIPSIVS Præfat. ad Lectorem.
præmissa Libris VI Politicor.*

Qui nuper aut here tentarunt *de Principe scribere*, non metenant aut terrent. In quos, si vere loquendum est, Cleobuli illud vetus conveniat: ἀμυσία τὸ πλεονέμερ & λόγῳ τε πλεονέμερ: *inscitia in plerisque & sermonum multitudo*. Nisi quod unius tamen Machiavelli ingenium non contemno, acre, subtile, igneum: & qui utinam Principem suum rectè duxisset ad templum illud Virtutis & Honoris! Sed nimis sepe deflexit, & dum commodi illas semitas intente sequitur, aberrat à regia hac viâ.

F I N I S.

Österreichische Nationalbibliothek



+Z221856104

Digitized by Google

